

शिक्षा विभाग, राजस्थान
के लिये



सूर्य प्रकाशन मन्दिर
दिससों का चौक, पीपानेर

वीरपी कृमरी

सम्पादक
अन्नाराम सुदामा



द्वितीय संस्करण 1982

प्रकाशक : शिक्षा विभाग राजस्थान के शिवालय प्रकाशन मंदिर, बीकानेर /
मुद्रक : - नाइस ऑफसेट प्रिण्टर्स विन्ला-३० / प्रथम संस्करण :
५ सितम्बर १९७६ / पाठ्यक्रम : सुकुमार चटर्जी / मूल्य : ती सयें बीसठ पैसे

KORNEE KALAM REE

(Rajasthani Vividha)

Edited by : Anna Ram 'Sudama'

Price Rs. 9.64 P.

आमुख

मेरे विचार में अब विभाग की शिक्षक दिवस प्रकाशन योजना का परिचय देने की आवश्यकता नहीं रही है। इस सुपरिचित योजना के अन्तर्गत प्रकाशित शिक्षक रचनाकारों की साहित्यिक कृतियों का सर्वत्र स्वागत हुआ है और देश की शीर्षस्थ पत्र-पत्रिकाओं में इन प्रकाशनों की चर्चा हुई है। प्रसन्नता का विषय है कि साहित्य सृजन को गति देने में राजस्थान ने अन्य राज्यों के समक्ष एक अनूठा उदाहरण प्रस्तुत किया है।

योजना के प्रारम्भिक वर्षों में प्रयत्न यह रहा कि शिक्षक साहित्यकारों की सर्जनात्मक प्रतिभा को प्रकाश में लाया जाय। एक सीमा तक विभाग का यह प्रयाम सफल रहा है। वस्तुतः शिक्षक दिवस प्रकाशनो ने राज्य में शिक्षक साहित्यकारों की एक पीढ़ी तैयार की है। राज्य के इन अग्रणी रचनाकारों ने नई-नई विधाओं और शैलियों में नये-नये प्रयोग किये हैं और अपनी सर्जनात्मक प्रतिभा को अभिव्यक्ति दी है। इनकी रचनाओं ने राष्ट्रीय स्तर पर अपनी विशिष्ट पहचान कायम की है। अब आवश्यकता यह है कि अधिकाधिक संख्या में नये-नये लेखक इन प्रकाशनो से प्रेरित होकर अपनी लेखन प्रतिभा को विकसित करें।

शिक्षक दिवस प्रकाशनों को पल्लवित, पुष्पित करने में देश के लब्ध-प्रतिष्ठ साहित्यकारों का महत्त्वपूर्ण योगदान रहा है। समय समय पर हमारे अनुरोध पर इन प्रख्यात साहित्यकारों ने प्रकाशनों का संपादन-दायित्व वहन कर अंकुरित होते रचनाकर्मियों का मार्ग प्रशस्त किया।

आज तक इस योजना के अन्तर्गत कुल इकसठ पुस्तकें प्रकाशित हो चुकी हैं। संख्यात्मक दृष्टि से यह एक महत्त्वपूर्ण उपलब्धि है।

इस वर्ष के पाँच प्रकाशन और उनके संपादक हैं—

१. एक कदम आगे (कहानी संकलन) : संपा० ममता कालिया
२. लगभग जीवन (कविता संकलन) : संपा० लीलाधर जगूड़ी
३. जीवत यात्रा का कोलाज/तं० ?

(निबंध संकलन) : संपा० डॉ० जगदीश जोशी

४. कीरणी कलम री

(राजस्थानी संकलन) : संपा० अन्नाराम मुदामा

५. ये किताब बच्चों की

(बाल साहित्य) : संपा० डॉ० हरिकृष्ण देवसरे।

सम्पादकों को अपनी अपनी विधाओं में महारत हासिल है। इन यशस्वी सम्पादकों ने अल्पावधि में ही ढेर सारी रचनाओं में से चयन कर संपादन किया इसके लिए मैं उनके प्रति आभार व्यक्त करता हूँ। मुझे विश्वास है इनके द्वारा संपादित प्रकाशनो का पाठक स्वागत करेंगे।

बच्चों के लिए एक अलग पुस्तक प्रकाशित किया जाना इस वर्ष के प्रकाशनो की एक महत्त्वपूर्ण उपलब्धि है। विश्वास है बच्चों को बाल वर्ष में अपने अध्यापकों की यह सौगात पसंद आयेगी।

मैं सभी रचनाकारों को, जिनकी रचनाएँ इन प्रकाशनो के लिए चुनी गईं अथवा नहीं भी चुनी गईं, बधाई देता हूँ क्योंकि सभी के सम्मिलित प्रयास से ही इन पुस्तकों का प्रकाशन संभव हो सका है। पुस्तकों के प्रकाशक का भी मैं आभारी हूँ।

अनिल रंश्य

निदेशक, प्राथमिक एवं माध्यमिक
शिक्षा राजस्थान, बीकानेर।

सम्पादकीय

राजस्थान शिक्षा विभाग, आए साल शिक्षक दिवस पर, राजस्थान रै सृजनशील शिक्षका री रचनावां रा, भिन्न-भिन्न विधावा में केई संकलन छपा'र, छविवन्त करै । मन मे एक प्रश्न उठै, कै शिक्षा विभाग रै ई गोरख धन्धै सू किसा सिट्टा नीपजै है, क्यों करै इत्तो तसियो बो ? सरल चेतना, सँज अर जी नै जचतो उत्तर देवै कै "हाँ नीपजै है सिट्टा बीरै, मोत्यां सू ही जादा मूँघा, जिंकां री आव में धरती हँसै अर मानखो मुळकै ।" विभाग न ठूँठिया खोदै अर न रम-तिया वणा वणा'र बजार मे बेचै । बो धरती रो उद्देश्य मूर्तिमन्त करण रो बोपार करै । आपरै बोपार नै कुण को चावैनी ऊँचो करणो ? बाळ प्रतिभा रा, सहस-सहस सूरजमुखी अंखुवा, सिट्टा वणन रै कोड मे, हर साल सरस्वती री धरती पर मूँ निकाळै । बा नै खाद चाईजै, मूरिया अर फास्फेट री नही—सृजनशील खाद जिकी मानस रो निर्माण करै । विभाग बी पोघ रै रुखाळै गुरुवां री मानस—धरती मे सृजनात्मक, कोई सोई खदाण सोई । बी नै ऊपर लावण रो बहुमुखी योजना वणावै, आ प्रकाशन योजना बी रो ही एक ठोस भाग है । अध्यापका में ऊपर आवैती प्रतिभा री आ खाद, 'ज्यू खरचै त्यू त्यू बढै', काई अन्त है बीरो ?

अबार आ बरसा मे, उच्च प्राथमिक पाठशाला सू ले'र, उच्च माध्यमिक विद्यालय तांई, बाळ प्रतिभावा री हस्तलिखित अर मुद्रित पत्र पत्रिकांवां, केई जाग्या देगणी मे आवै । स्कूल मे एक दो अध्यापक ही जे जागता अर बी खाद रा धनी है, तो बाळ प्रतिभा नै बैगी वधण रो मोको मिलै अर मिलै बीरै चौमुखी छिटकतै डाळां नै गुरु

८ री अनुभूति रो नुवों अर विस्तृत आकास । काळान्तर मे, कुण जाण
 किसी प्रतिभा बाढ़ान्दी री आंधी इकाई तोड़ती कठें जा पूगै—
 जिकै नै मान्यता अडीकै । ई सूं विभाग अर गुरु दोनूं गोरवान्वित
 हुवै, अर धरती हुवै बड़भागण । विभाग रै बौपार री साख
 (गुडविल) विद्या अर विवेक रै बजार में लोह लीक बणै । विभाग
 तयार करै गुरुवा नै अर गुरु करै शिष्या नै । प्रतिभा विकास रो ओ
 मंगलमय चक्र चालै जितो ही शुभ । ई सूं धरती पर प्राणदायी सुगन्ध
 री सृष्टि हुवै ।

विविधा री सगळी विधावां, एकै कानी जठें सृजनशील शिक्षक सूं
 जुडी है, बठें बीरी बास आवास री परिधि—जनमानस सूं भी ।
 भिन्न भिन्न छेला मे बसतां थकां भी, परिधि बीरी आखो देश
 ही समझो । वो भीड़ सूं भरयै सहारा में भी है, जठें आम आदमी
 मसीन बण्यो घडी रै सूइया दाईं समै रै घेरै मे बन्धयो है । बठें कुठा,
 पीड़ा, शोषण, हत्या, आत्महत्या, ठगी, चोरी, धूसखोरी, पाकेटमारी
 अर बेईमानी सै मिलै । बठें अयंचालित जीवन है, स्वाभाविक कम
 अर बणावटी जादा । वो प्रकृति रै खुल्ले अंचल मे भी है, जठें
 स्वाभिमान सूं सिर उठाया डूंगर-डूंगरघा री धरती है, बीरो गोद मे
 कठें ही आरसी सा ऊजळा, अर धब्बा खावती दड़ी सा उछलता
 ताल अर झीला है । सीढ़ीनुमा खेत, बांरें आसैं पासैं छोटा छोटा गांव
 अर उदास झूपड़घा री बस्त्यां झुरमुटा मे बिखरी । भीन, कांजर
 भीणा, बाबरी, आदिबास्या रा टाबर अर कठोर प्रकृति सूं जूझता
 बारा अपढ अभिभावक । वो बठें ही है जठें थार री धरती पर, उप-
 निवेमयादी सा अणमीत घोरा, अर बांसूं धिरघा गांव अर छीदी-
 छीदी दाण्या । बांसूं निकळ निकळ आंवता, अधभूखा, अधनागा अर
 उवाणा भोळा टाबर । बांरा अभिभावक प्रकृति री उदासी सूं
 लडता, आधी परम्परावा मे ढूब्या अर गळत व्यवस्था सूं दुख पांवता
 जीवन यापन करै ।

प्रकृति रै भिन्न भिन्न परिवेश नै ओढतै, अनुभवतै, सृजनशील
 अध्यापक रा चितराम सिद्धहस्तता अर गुणात्मकता लिया ऊंचा अर
 अनूठा हुणा चाहीजै हा । बा में जठें सहरी घुटन अर कृत्रिमता रै
 विरुद्ध विद्रोह रा स्वर गूंजणा चाहीजै हा, बठें दाण्यां अर झूपड़घां री
 कमक भी चुपनही रहणी चाईजै ही । भिन्न-भिन्न भू-भागां-रा लोक
 जीवन अर लोक संस्कृति, आं रचनावां मे जे मुखरित हुंता तो
 निश्चै ही बा एक प्रामाणिक उपलब्धि हुंती । हूं सोचूं हूं विभाग री

६ ई विविधा रो जिया जिया प्रचार प्रसार हुसी, बहुमुखता लिया सबळी सू सबळी रचनावा आसी। आयोई चितरामां मे घणा ही चितराम इसा है जिका सिद्धहस्तता कानी तो नही, पण गुणात्मकता कानी जरूर है बै। सिद्ध हस्त हुणै नै हूँ इत्तो जरूरी को समझूनी, जितो कै लेखक रो, आपरी रचना यातर ईमानदार हुणों है। ईमान-दारी री-परख आ है, कै बा रचना आसै पासै रै जनजीवण सूं जुडी हुवै। अन्याय अर अन्धविश्वास री प्रतिक्रिया मे बा कोई सळ राख'र नही, खुल'र अभिव्यक्ति करती हुवै। साधारण सूं जुड़'र सामी आवै, बा रचना असाधारण बनै—आज नहीं तो काल अर असाधारण री चिन्ता में, साधारण नै पूठ दै, बा रचना तीन कौडी सूं ऊपर को उठैनी।

एक सिद्धहस्त लेखक आज जे घरती सू बेमनो हु'र चाँद सितारां रा गीत लिखै, धर्म कर्म री भरी परम्परावां नै कलम रो छिड़को दे'र खड़ी करै, मिनख नै भगवान वणा'र बीरी अचंनो मे रचना करै, कूडी जासूसी रा किला खड़ा करै, आँधी अर अल्पायु प्रेम अर सस्तै सैक्स रा घासळोटी चितराम उभारै, अर आँधी राजनीति रै साकड़ें छीलरां मे छपछप करतो राग दरबारी आलापै तो बीरो सिद्धहस्त हुणों हूँ बेकार ही नही, घातक समझू हूँ कै बो अणपकी आम चेतना नै सही दिसा देखण सूं भ्रमित कर, बाधा पैदा करै। आ सिद्धहस्तता नैतिक अपराध है।

वारी सिद्धहस्तता नै भी हूँ ठीक को समझूनी जिका अवार रोटी कपड़े अर सिर घुसोवण घासफूसी आवास नै तपै, तकै, तरसै बानै कोई निमझर, खन्देहो, खेजड़लो, लीलटास, उड उड म्हारा काळा कागला, बाजरी री रोटी ऊपर फोफळियां रो साग, लग ज्यासी तावडियो, मूमल अर मरवण रा गीत सुणावै। बुझतै आदमी नै चाहीजै स्नेह शक्ति अर सही दिसा, कवि अर गायक घाँटै बानै, 'कद म्हारा पिवजी घर आसी'। सन्निपात अर गुजराती आळै नै कोई टडाई अर रूहअफजा घामै, तो बीनै घातक ही समझणों चाईजै।

अंमरजैसी रै सम्बा दिनां मे छोटी रै अखबारां मे, आकासगमन करते साधुवांरी चमत्कारी बातां, काळभैरवी अर भूतारा किस्सा, तन्त्रमन्त्र रा गुप्त अर अनुठा रहस्य महीना महीनां किस्तां में रूपा-यित हुया। आम चेतना नै गुमराह करण रो ओ काळो बीपार हो। सिद्धहस्तता री ईसू बेसी दयनीय अवस्था और काई हुवै ही? ई विविधा में लेखक री पीड जठै आपरी नही आम रो रही है, वठै बा

१० आम पाठक नै दाय आसी। सिद्धहस्तता में जे कीं कमी है तो हो भविष्य बीरो ऊजळो है। सरूप देखतां सम्भावना नै मूरजमुखी आंकणी चाईजै।

'आ कोई बात है, ब्यावरो विज्ञापन, ठंडी मुळक, बाळगोठियो, दूजो चक्रव्यूह, वखत रो बेली, म्हारी उणरी बात अर तीन जाळी खागी, कहाण्यां हैं, जिकें में पैली कहाणी आंगण सूं स्कूल ताई रो सैज वातावरण उपस्थित करती एक सबली अर जीवन्त रचना है। दूजी मे प्रवाह सैज, भासा मुहावरेदार अर व्यंग उछळतो कूदतो फव, पण बीमे अतिरंजना बेसी अर असलियत कम है। शब्द गठन मे स्थानीय मोह नही हुतो तो कथा और निखरती। ठंडी मुळक अर वखत रो बेली दोनू ही चरित्र प्रधान है, अर है सरल सम्बेग लिया। बाळगोठियो केई जाग्यां बे जचतें शब्दां सूं बोझिल है। अणओपतो आवृत्ति अर अतिरंजना सू बचणी चाईजै ही बा। दूजो चक्रव्यूह, अर म्हारी उणरी बात, विकास खातर दोना नै ही की-की कैनवास और चाईजै। तीन जाळी खागी, घटना प्रधान है—कसाव मांगै है। वूजी, ठाकुर सा'ब, म्हारो भोळो भाळो गोपाळ, अर बापडो लीडर रेखा चित्र है। ठाकुर सा'ब रो स्वाभिमान और उभरणों चाईजै हो। 'गोपाळ मे शब्दावळी केई जाग्यां अतिरंजित हुणो। फलक की लम्बो हुणो चाईजै हो। 'वूजी' कसाव अर संशोधन बाव है। 'बापडो लीडर' में अभिव्यक्ति स्थानीय संकडाई में कैद है। बीनै कसाव अर सुधार दोनू ही चाईजै। मिनी कहाण्यां सरत अर प्रेरणादायक है। 'एक जन वैज्ञानिक'—झूठ साच अर अतिरंजना तो लेखक जाणै पण है प्रेरणादायक। इसी रचना में कल्पना अर अन्दाज रो निवास कम खटै। पड़दा भरम रा—वार्तालाप रा बोत, भरम पर चोट करता फिट अर फबता है।

कवितावां मे 'हूँ जनता हूँ' अर 'सूटो' दोनू ही बड़ी काया री है। पैली सत्रिम्ब अर सबली है, पण वर्तमान रै परिप्रेक्ष्य मे पग पसारण नै की जाग्यां और चावै बा। दूसरी री भासा तो मंजी है पण है शब्द जंगल मे भटकपोडी। बार बार री आवृत्ति सू असली उणिपारो डफतो सो सागं बीरो। सूटो, आधी, बाढ अर बिरखा जिसा सू प्रार्थना करणी कै थे गरीबां रो ध्यान राख्या, थोथी भावुकता अर अरुण्यरोदन है। 'अँ हाय', हाय सहयोगी हाथां सूं सझळा अर हावी हाथां सू दुबळा वर्ण है—हकीगत है। 'मरुधर बीच' एक तुकान्त सबली अभिव्यक्ति है। बाकी सगळी, अरदास, आक्रोस, ओळभो,

उपदेस अर खार-खोइ लियां आप आपरो हेला करै है ।

११

गीतां में गीतकार जठै, अरुंठिया, चरुंठिया, भरुंठिया, आवड़ी अर ताकड़ी, जिसी तुकबन्दी खातर हांफळो है बठै गीत रो ढाँचो जरूर खड़ो हुवै, पण हुवै प्राण हीण । बीरी पूति कंठां सूं को हुवैनी । सगळां में गेयता है—संज है जठै सरसता चोवै है ।

आं रचनावां मे सबळी, निबळी अर काम चलाउ—सब तरै री है पण शिक्षक रै बाल संसार री समस्यामूळक, अर बीरै समाव री तह ताई पूगती रचनात्मक, अर प्रेरणादायक कोई अभिव्यक्ति सजीव हुंर को चमकी नी । चमकणी चाईजै ही । घोड़ो गणगोरां नै हीं नहीं, तो फेर कद ? बाळक री शिक्षक सू बेसी अभिव्यक्ति करण आळो और कुण हुसी ? वो बीरी चेतना सागै रमै, बीनै टंटोळ-टटोळ देखै अर बीमे जीवन भरै ठोक बजा'र, पण बीनै टूटण को देनी । वो जीवन आगै जा'र राष्ट्र अर विश्व समूच रै सुख दुख सूं जुड़ै । कोई सृजनशील अध्यापक रा, इसी मिद्धि नै पूगण रा पगोयिया, जे आम अध्यापक रो मार्ग स्तोरो करै—दिसा सूचक बणै तो कितो आछो । साची पूछो तो शिक्षा संसार री सफलता ही ई में है । ओ म्हारो न कीनै ही ओळभो अर न उपदेस, सुझाव है खाली । एक रै अनुभव रो लाभ अनेकां नै मिलै । विविधा, शिविरा अर नया शिक्षक ई खातर ही तो है ।

केई केई शिक्षकां री तीन तीन च्यार च्यार विधावा आई, केयां फाईलां री फाईलां अर रजिस्टर रा रजिस्टर भेज दिया । बी जंगळ मे उतरण नै पूरो समै चाईजै । फेर ही कोसीस तो आ ही रही है कै जादा सूं जादा रचनाकार संकलन सागै जुड़ै । दो गद्य रचनावां, ई खातर छोडणी पड़ी कै बानै पढण खातर कोई सिलालेख बांचणियो चाईजै—पुराणा सिलालेख । एक पड़ी आंख्यां तेडू तो एक पानों ही पूरो पल्ले को पड़ैनी । ई अवस्था मे बानै, मै सरघा सूं हाथ जोड़'र हो सन्तोस कर लियो । एक पद्य रचना ई खातर छोडणी पड़ी कै बीं मे शब्द पूरा, पण अर्थ सिर पटक्या ही को लाधैनी ।

अध्यापकां सूं, छोटी बड़ी भासा री गळती री आस तो नहीं करणी चाईजै पण राजस्थानी बोलणी स्तोरी, लिखणों को अभ्यास मार्ग । की काई मोकळो ही समझो । अभ्यास रै अभाव में गळती हुणी कोई अस्वाभाविक नही, ठीक करदी बानै, पण जिकां पर स्थानीयता रो रंग खूब गैरो है बानै औरां खातर तो पछै, पैली आप खातर सोचणो चाईजै कै बांरा सृजनात्मक उणिमारा जादा सू जादा पाठक ओळखै

ता बढ़िया है। रचना रो उद्देश्य ही ओ है कै बा जादा सू जादा गळां मे उतर'र आपरो इष्ट पूरो करे। आ बात ठीक है तो बाँन आम आदमी रा शब्द जिका नै फुटपाय रो आदमी बोलै, समझै, तोड़ना मरोड़ना नही चाईजै जियां दिन (दन) खिडकी (खडकी) मिलना (मलना) फटाफट (फट्याफट) साफ (स्याफ), इतिहास (अतहास) आधो (आदो) दूध (दूद) मे (मं) छँ (छ) कै (क) इयां ही और घणां ही शब्द है। हुयो, हुया नै ब्हियो, ब्हिया, हूँ नै म्हूँ, मैं नै म्है अर घणखरै एकलै ओकार माथै 'औ' री डब्ल सवारी जियां घोवणो (घोवणी) दूजो (दूजौ) दियो (दियो) मुख-मुख तो कुवै मे पड़ायो अँ नुवै पाठक री अडचल और बधावै। बघता पाठक जे सन्तकं नही चावै आ बात, तो लेखक रै काँई वाई रो ब्याव बिगडै है, वो अणूतो मोह करै ही बयो ? हाँ कोई पात बिसेस आपरी अभिव्यक्ति कठै ही ब्हियो अर भूँ सू करै तो कोई बात नी—स्वाभाविकता ही है। लेखक एकै कानी तो संस्कृत, उर्दू अर अंग्रेजी शब्द घड़ल्लै सू काम में सेवै अर दूजै कानी इसो संकोच करै कै आम शब्द री कामा तोड़ मरोड़ ओपरी करदैं।

विभाग री रचनात्मक नीति नै ध्यान में राखता जादा सू जादा सृजनशील प्रतिभावा नै आए साल सकलना मे रूपायित हुणो चाईजै—खाली बध्या बंधाया शिक्षक ही नही। रचनात्मक सोन्दर्य जितै जादा शिक्षका मे ऊपर आसी बित्तो ही जादा फायदो बाळकां नै पूगसी—मूळ मे आ ही मनस्या विभाग री है। शुभम् भूयात्।

उदयरामसर (बीकानेर)

—मन्नाराम 'सुदामा'

आ ई कोई बात है ?

□ डॉ० नृसिंह राजपुरोहित

टण ! टण ! टणण !

तो स्कूल री दूजोही घंटी ई लागगी । मरिया आज तो । हाल बस्ती जमावणी, भूढो घोवणी अर बाळ ई ओसणा । गैर हाजरी तो लाग इज गी । कितरी ई उतावळ करूं पण ठेट पुगूं जितरै तो छोरा प्रेयर भाउंड मायें पूग इज जावैला । भूछंदर पी० टी० आई० हाथ में डंडी लियां मारकणा पाढा रै ज्युं डोळा काढतो गेट मायें तयार मिळैला ।...लेट कमरस् एक तरफ ! अलग लाईन ! क्यूं के प्रायेंना खतम ब्हिया पछं आप परसाद बांटे लानी, पुरसगारी में कोई लारै नी रैय जावै ।

घर मे कितरी बार कैय दियो के टैमसर नी जागू तो जगाय दिया करो पण कुण परवा करै । उल्टी सतरै बातां सुणवाने मिलै ।...अब आप कोई वोवो चूधता गीगा कोनी सो आपनै जगावां । सोळे बरस रा टोगड़ा ब्हिया । बळद ब्यावै नी अर बूढो ब्हे नी । चिता राखनै उठो क्यूं नी टैमसर । जद तो लाट साव आधी रात ताई हें हें-फें फें करता रोवता फिरैला अर अबे फा फू ब्हियोड़ा हड़बड़ाट करैला ।...लो बोली आई कोई बात है ? नीद हाथे खुलती ब्हे तो घांरी गरज ई कुण करै । घणी ई कोमिस करूं पण आख्या तो साळी छुलै इज नी । जोर कर नै माडांणी छोलू तो पाछी बंद ब्हे जावै । आखी रात में पसवाडो ई फेरण री काम नी पड़ै । सूता के जाणें गळी बाढियो । एक नीद ई पूरी नी ब्हे के कुकडू कू ! कुकडू कू ! रीस तो इसी थावै के फजलू मियां रा सगळा कूकड़ा नै पकड़ैर दड़वा मे घाल दू ।

दादोसा साव साची कै वै—आ उमर इज इण भातरी । वे किसी उमर कैवै इण नै ?...पनर पच्चीसी ? ना-ना गधा पच्चीसी । आप री गधा

पच्चीसी उमर रा वे कई मजेदार किस्सा सुणावे । सुणतां-सुणतां हंस-हंस नै पैट दुखणी भाव जावे ।...पण अबै फुरती करो नीं तो ठेट गमां पेट रो ठोड़ हयाळियां दुखणी आग जावेला ।

बो-गोले गांठाळी गंगाराम हयाळी माथे पडतां ई सगळी सरीर कासी रो याळी रं ज्यू ऊरणाट करण लाग जावे । बाळ तो ठीक कर लू थोडा । पण काच है कठं ? म्हं केवू इण घर में कईई कोई चीज ठामे माथे नीं लाधे । काम पड्यां पूछां तो कंधी कठे, के घट्टी नीचे, काच कठे, के चूल्हे लारें, पैन कठे के, सिनानघर में । वे देखी पप्पूजी महाराज काच लियां ऊभा । सूरज साम्ही राख नै चिळकणी करे । अरे अठी दे भई, दौड़ मत । मिनकी रे तो रोळ व्हे अर ऊंदरे रो घर भागे । यने तो भर्जा आवे अर अठे जीव रो पड़ी । दे-दे, भाई है नीं । अर ओ काच ई कांई ठा मोहन जोदड़ी रो खुदाई में सूं निकळयोड़ी के दादीसा रे दायजे मे आयोड़ी । आंख्यां फाड़ नै नीं देखां जितरे तो पती ई नी लागे । उण दिन मुलेमान क्लास में साची के बे हो—अबे धारी ई होठ सावळो पड़ण लागग्यो...होठां पर चंआळी साफ दीसे । पण ठीक है धार धारें ज्यू रोज उस्तरी तो नीं रगड़णी पड़े । मियो एक पत्ती रोज खराच करती व्हेला । ...उतावळ में बाळां में टाळ ई ठीकको नीं पड़ी, पण अबै पड़ी जिकीई चोवी ।

म्हू काह्यो नीं गेट माथे जमदूत तयार लाधेला । लो देख नो अबे । बिना बघावणा किया मांयने पग ई नीं देवण दे । पण आज तो राम वापरग्यो दीसे । कलेबो करने नी पधार्या व्हेला । मारकणी पाहो ई भूखो व्हे जितरे कोई रो नाम नीं लेवे । धाभ्यां पछे इज फूफाडा करे । नीचो भायो घाल नै सोकड़ मनावो जिकी बात करो । इण में इज खेरियत है । पूठ में दो आंख्यां तीर रे ज्यू खुबती लागे तो लागण दो ।

हेडमास्टरजी पल्टी व्हेने नुंवा पधारया । नुंबी मुल्ली जोर सू बांग देवे । कीं आपनें बोलण रो अणूतो बळो । बोलणा सर व्हे तो धीमान जो बंद ई नी व्हे ।...प्यारा विद्याधियो !...लो अबे गई आघ पूण घंटा री । ऊमां ऊमां टांगडा दुखणा आम जावे पण आपरो भासण पूरी नीं व्हे । अर भासण पूरी व्हियो के फौजी ओर्डर तयार—सेट आवण बाळा सगळाई मुरगा बण जावो । फौरन ! बणा सा बणां ! आप फरमावी तो मुरगा काई कबूतर ई बणांला । अबे तो बारें महीना फेर कावणा है । पछे तो थारें सारें...

मुलेमानियो क्लास में से सूं मोटो गर्घड़ी । फेर मुरगो बणे जद तणको तूताड़ व्हे जावे । इण हुरामी रे देखादेखी दूजां नै ई तणकी व्हेणी पड़े । नी तो प्रभात रा पोहर में दूगां माथे तड़ाक ! जाणे तकियो हाटकियो । अबे चम-गादडां ऊंधी सटकें ज्यू सटकयोडा टागडां रे बीचली बारी मे होय नै देखवो करो । वे देखो घोटी रो एक पल्लो हाप में लियां सपटक झड़ाक करता संस्कृत बाळा

पंडितजी पधारें। अब यां नै पूछी के गुरुदेव काई स्कूल रा नियम कानून फगत विद्याधियां छातर ईज है ? म्है तो एक मिनट ई लेट आवां तो मुरगा बणौ अर गुरु जी एक घंटी लेट पधारें तो चिड़ी बणण रो ई काम नीं। आ ई कोई बात है ? पछे कैवा के विद्याधियों में अनुसासन कोनी। अनुसासन तो आप इज सिखावौ देवताजी ! 'विद्या ददाति विनयम्' मूँठो पारो है, कैयबो करो। म्हारें मायें तो इण थोथी बातों रो कौं असर नी पड़ें। अर जे हिम्मत व्हे तो पधारो देखाणी, बणौ म्हारें भेळा मुरगा अर खमो अँकाधी डंडों। तो जानौ गुरुदेव साची फरमावें।

"अ सुलेमानिया ! इतरो ऊँचो बयूं व्हे रे हरामी ! थोड़ी नीचो मर नी। पारें लारें सगळों नै ई दोरो व्हेणो पड़ें। अर घणो ऊँचो व्हियां कोई ईनाम तो मिळें कोनीं बेटा !"

"ओ कुण गणभणाट करे रे ? मौत आई है काई ?...ऊभा व्हे जावौ सगळाई। चालो आज तो सस्ता में इज छूटा। नीं तो अवार मेंढक चाल रो हुकम व्हेतां ई मुरगा सू डेहरियो बणतां किसी जेज सागती। कईयां रा मूँडा तो देखो लाल चुट्ट व्हेग्या। सागण बाँदरा व्हे ज्यू लागें। पण मुरगा बण्यां एक आणंद तो है, ऊँघे मायें देखण रो मजो आवें—जाणें सिनेमा चालण लाग्यो।"

"यें अंग्रेजी रो होमवर्क कर लियो सुलेमान ?"

"कठें कियो पार ! सिम्या रा तो सिनेमा देखण नै गया परा अर पछे नींद आयगी। येँ कर लियो ?"

"हां, म्है तो कर लियो।"

"नकल टीपी व्हेला बेटा।"

"जा-जा पारें ज्यू ठोट थोड़ा इज हां"

"अरे वाह रे हुंस्पार री पूछड़ी।"

"यें कितो पिकचर देख्यो रे ?"

"जंगली।"

"यूं खुद ई जंगली है साळा।"

"अरे पार गजब पिकचर। काई तो स्टोरी, काई सीन सीनेरी अर काई

हिरोईन। बस छम्मक-छत्तो-सटकाबंद। मजो आयग्यो पार।"

"बाई फादर ?"

"पिता री कसम।"

"तो काले फेर म्हारें सागें चालणो पड़सी।"

"गणितवाळा माट सा'ब ई देखण नै आया। म्हारें बेन लारें इज निराग्या। मार सिगरेट पर सिगरेट। दो पँकेटसो खतम कर इज दिया व्हेता।"

आ ई कोई बात है ? / १५

“घनै ई बाढ़ तो आयगी ब्रह्मा बेटा ?”

“बाढ़ तो आवै इज बार, कोई कने बैठी यूँ धूआधार सिगरेट फूँके पड़ कियों रहीज बता ?”

“कहभौ कोनी गुरुजी एक फूँक अठौनै ई ।”

“इंटरवेल पछै म्हुँ तो अलगी जाय नै बैठग्यो ।”

“बलास मे तो श्रीमानजी किसीक मोटी-मोटी बातें करै ।”

“सै ठीक है बार, घनै कई असली भेद री बातें बताय दू तो धू मानेताई कोनी । खुद गुरुजी बैगण खावै, दूजा नै परमोद बतावै । आई कोई बात है ?”

“...अे बरडा मे कुण ऊमा रे ? छंटी सुणी को नीं काई ? कान फूटोइ है ?” मरिया ! भागो ! घुसो क्वास में !

आज बीजगणित री बारी दीसै । माट साँव फेक्टर करावै । दूगुन में जावै उणाने समझ में आवेला । आपाने तो कीं समझ में नीं आवै । क पात दो अर ख पात चार अजब गोरख घंघौ । पिताजी फेर जीव ग्यारी पावै—ये स्कूल मे काई पढ़ी रे ? धाँ नै साधारण हिसाब ई नीं आवै । म्हे काई पढ़ा अर काई नी पढ़ा जिको म्हारी जीव जाणे । एक दिन बलास में आप नै बैठी तो ठा पड़ै । बिहारी रा बूहा ! अकूँ दूहे रा तीन-तीन अरष निकळै । ...देखन मे छोटे लगै, घाव करै मंभीर । अर बीजगणित रा फेक्टर नै कामरसियल प्रेक्टिस रा सवाल ? भगवान बचावै । भाषी खराब म्हे जावै मायो । पारै जमाने मे ककियो कंचळो नै खधियो खाजळो । सिद्धी बरणो नै समा मनाया । घणी जोर तो चिणायकां रट नै कटवामित सीधी के पढ़ाई पूरी । अठै कितरा तो बिपम नै कितरा दूजा अफंडा । फगत एक जणा री सगळी किताबा-कापियां भेली करने गधै माथे लादी ब्रह्म तो बापड़ी नीठ ऊपाड़ै । उण जमाने मे पाटी नै पैण-बस । खावण नै घापोघाप घी दूध अर माछण रा लूदा । अठै डालडा रा ई जादा पड़ै । उणदिन राम निकळग्यो सो दूध भायली घोड़ी-सीक मळाई चाटली तो मा ककण लागी । इण उपरांत तुलना फेर ग्यारी करै—रामलालजी री भंवरियो पारै सूं दो बरस नैनो पण कितरी हुंस्पार ? आवगी दुकान संभाळै । पक्की दुकानदार बण्योही । जवाब मे म्हुँ कैय दूँ के रोसन कुमार री बाप उमर मे घासूं ई नैनो पण कितरी हुंस्पार ! पूरी जितो संभाळै । घाकड कलेक्टर बण्योही । तो किसो क खारी लागेला । फालतू मे कोई री अणूती तुलना करणी । आ ई कोई बात है ?

“ओ तुलेमानियो बढमास काई करै ? कोई अंट संट किताब बांचतो ब्रह्मा । ऊपर गणित री किताब री कवर अर मायनै ‘बंगाल का जादू’ । अे इणरा रोत्र रा घंघा ।”

“काई करै रे ?”

“चुप रैय यार !”

“ब्रता तो खरी हुरामी यूं वांचै काई है ?”

“गुलसन नंदा रौ उपन्यास ।”

“किसी ?”

“मन का पंछी ।”

“किसीक लाग्यो रे ?”

“दूजो बात छोड़ दे ।”

“धै खुद मोल लियो ?”

“ना, भाई सा'ब लाया ।”

“...घेंड ! घेंड ! घेंड ! सुलेमान रै मोरां मे मुक्का उड़णा सरु ब्हिया । माट सा'ब बी नै उपन्यास पड़तो देख नियो । वे उणरै हाथ सूं उपन्यास खोस नै सगळा नै ब्रतावता कैंवै—देखलो इज बदमासां रा मजा (इणरी मतलब सुलेमान अकली इज बदमास नी है) ...रात नै सिनेमा मे रोवता फिरला । रीसिस में बाउंडरी बारै जाय नै बीड़ियां फूकैला अर गणित रा घंटा मे ‘मन का पंछी’ वांचैला । मन में तो आई के उठ नै कैंय दू के गुरुदेव सिनेमा मे तो आप ई भेळा इज हा । रही बात धूम्रपान री सो आप सिगरेट अरोगी अर ओ बापड़ी बीड़ी पीवै—इतरी फरक जरूर है । ...नोनसेंस ! इडिपट ! गेट आउट ! मोनीटर इणनै हेडमास्टर जी कर्न ले जा ! सगळी बात बताय दीज ! ...पण रीसिस री घंटी लागगी अर सगळो नाटक उठै इज रकग्यो ।”

‘दिनूगे ई मुक्का पड़्या बापड़ रे अर सगळां र सांम्ही बेइज्जती न्घारी ब्ही । मिये नै राजी करणी पड़सी । कठी गयो ? बारै निकळ ग्यो दीसे ।”

“असलाम उलेकम खां सा'ब !”

“चुप रैय यार ।”

“बपूं हजुर री तबियत की खराब है ?”

“मजाक मत कर यार ।”

“तो ब्हियो काई साळा ? मुक्का तो कुल तीन पड़्या । चारै तो माखी ई नी उड़ी ब्हेला ।”

“मुक्कां री कूज परवा करै यार !”

“तो पछे काई दैण है ? क्लास में आपरी बेइज्जती ब्ही यूं ?”

“ना रे आपणी इज्जत फेर कर्द ही ।”

“तो पछे काई रोग है ?”

“म्हारी वा किताब माट सा'ब कर्न रैयगी । घरै मयां भाईसा फोड़ैला ।”

“काली पाछो मांग लीज के सर पड़ी ब्हे तो गरीब री किताब तो पाछी

बखसाय दो।”

“हंसी काई यार ! यनै तो मजाकां सूझै अर अठं जीव री पड़ी।”

“तो रोवू किणनै, यनै ? दूजी खरीद लीजै साळा। यू मरु-मरुं काई करै।”

“की दिन बीड़ी सिनेमा बंद करणा पड़सी।”

“ठीक इज है। बागलौ घंटौ किणरी रे ?”

“अप्रेजी री।”

“इणरें पछै ?”

“छेती वाडी री।”

“आहा ! जद तो मजो आयग्यो प्यारा। माची पूछै तो इण घंटा रें अलावा म्हारो तो मन ई नी लागै।”

“नूवा खेती माट सांव आदमी तो बढिया है।”

“आदमी काई है अणमोल हीरो है।”

“च्यार महीना मे स्कूल रें बगीचै री काया पलट धैगी।”

“हर महीनै सब्जी कितरी बिकै ठा है यनै ? च्यार सौ रुपियारी। घेल क्वालिफाईड है ओ आदमी—एम० एस० सी० ए० जी० पण हाथ सू काम कितरी करै ?”

“हा यार पावडो लेय नै माटी खोदण लागै तो जाणै चौधरी टिकियो। इण आदमी री सरीर ई मजब री। जाणे तोप री गोळी।”

“बोली बतळावणी ई कितरी मीठी। जीकारा मिवा तो बात ई नी करै। मुळक तो जाणै मूडं छायोडी।”

“जद इज तो काम करण री मजो आवै यार। म्हा वाळी क्यारी मे मटर देखी ? राजा रानी नूवी बीनणी रें ज्यू लुळ-गुळ नै जमी पूणगी है।”

“अर म्हा वाळी पानग ई किमो फोरो है ? मोटा घर री सेठानी रें ज्यू पसरतो इज जा रह्यो है। क्यारिया ऊफण आयगी है।”

“इण मेमन मे लागै खेती वाडी सू आपणै अकूकै रें खाते मे दोय-दोय मो रुपिया जमा धै जामी।

“ओ सै खेती माट सांव री प्रताप है।”

“स्कूल मे मास्टर नाम एक दो इज है यार। बाकी तो सगळी भगार। राज रें खजाने मे सीर है मो पडया चुगै अर मटर गू करै बापडा।”

“उण दिन श्रमदान मे याद है यनै ? खेती माट सांव तो पावडो लेय नै आपणै भेळा आफळिया अर बानी सगळा पैटा री जेवा मे हाथ घाल नै तणका तूतार ब्हियोडा अळगा ऊभा। समिति रा प्रधान सांव ई खांगी पोतियो बांध नै काँ तयार। अर ऊब्ररहा साफ करवा नै बिद्यार्थी। य्यू भाई, पाँ रें

हाथों रै मेहदी लाग्योड़ी है ?”

“अर वे ऊपरली गल्ली वाला गेठ जी आय नै किसान बोल्यो—गहारी गल्ली ई साफ कर दीजो मा ! क्यूँ सा ? गल्ली थोरी अर साफ करग रहे । आई कोई बात है ? गरज रहे तो पघागी तगारी तेपनै अर दुकाने म्हारै भेला ।”

“...अंग्रेजीवाला माट सा'व क्लास मे गया दीस । मापनै जायता ई आप घनी मोट सू च्यारु मेर देखला—कुण ऊभा न्हिया नै कुण नी न्हिया ? थोला जागीर रा ठागर नै पुजरे रो अपरती । पछे आप जोर-जोर मू नाक मे बोलला—सिट डांन ! मिट डांन ! जगियारी इज किसी कडोपो—बदर मुगम् । म्हेने तो देखता इज रीम आवै । द्यूसनगोर । रांय फेर न्यारी धाई आप । अंग्रेजी मिवा तो बात इज नी करै । पण गरज रहे जद नख मे बल जावै ।...अरे भाई मुलेमान ! धाढा आपणे घरा जाईजै—आंटी गीमावणी है । मुलेमान इज ए गुड बाप । आजकाल ओ मँनत करण लाग्यो है । बैरी गुड । बैरी गुड !...डोट हुरधार । दूजा नै तो आप सफा बोला दज समझै ।”

“ले मुलेमान चाल यार, उठीनै बारै छिया में बैठ । अंग्रेजी रो घटी उतरिया क्लास मे जावोला ।”

“आज ए नोटिस बोर्ड कनै मागियां घणी दीगे रे, काई बात है ? कोई नुबी फरमान निकल्यो दीसे ।”

“धने ठा कोनी आज अम० अल० अ० मा'र ५घार रह्या है । चीणा घटा बाद स्कूल री छुट्टी है । सगळों नै वारै स्वागत मे चालणी है ।”

“चुनाव नेदा आयग्या दीसे बाकी तो अमले मा'व वमू तकलीफ देखता । रात री बगल कागला उडणा माई जद भमज तैपणी के दुकाळ पढण वालो है ।”

“बात तो घारी साची, आ नेताचा री तां जात इज कुजात ।”

“भारत मे आजादी फाई आई जानै कागला नै खीर मिली । धानिया-भगवानिया ई निहाल ब्हेग्या ।”

“कैवै फेर काई—हम गरीबी हटावेंगे ।”

“दूजा री तो ठा कोनी पण घारी खुद री गरीबी तो हटनी । पांच बरस पै' ली इण जेमले रे घर मे कैवै भुआजी भन्चीड़ा लेवतो । आज पक्का मकान बणया अर कारा ई पारीद ली । पूछी इण चोर नै के घारे बाप कदेई बांडी गघी ई मोलायी ?”

“अर ओ पचायत समिति री प्रधान ? मणा बद अमल (अफीम) बेच दिया ब्हेला इणै । पूरै चोगळ नै अमलदार बणाय दिया ।”

“मगळा एक भाळा रा मणिया रे । कोई छोटी तां कोई मोटी । अ

मन में आणता वहेला के ए छोरा बापड़ा काई समझें ! पण यां नै ठा कोनी के ओ घोरा ई बाप हँ ।”

“...टणण ! टणण ! टणणण !

“काई छुट्टी व्हंगी रे ?”

“म्हें कहाँ नी ओमले आवण बाळो हँ ।”

“पण ओमले तो आवै आपरो पापड़ सेकण नै अर छुट्टी व्हें स्कूल मे—
आ ई कोई मात हँ ?”

व्याव को विज्ञापन

□ अर्जुन 'अरविंद'

कुमारी कुसुम कळी कोरा बत्तीस बसंत देखी छी। घनवंता बाप की पणै छाँव मे बी० ए० करी, एम०ए० में भरती हुई कै बाप श्रीराम जी की शरण सिधारग्या। कुमारी कुसुम कळी का जीवण में बसंत की स्त आगी। पण बेगी ई भावुकता अर हिम्मत का फूल जीवण की डाळां ऊपर खिलवा लाग्या अर वा बी० एड० को प्रशिक्षण ले'र डावइयाँ की इस्कूल में मास्टरणी बणगी।

कुसुम कळी का जीवण मे ठंराण आयी तो सरवर-सी ठंरगी। बत्तीस पार कर'र भी वा आपका ब्याव का बारा मे नई सोच सकी। जीवण को फळ खूब पाकर'र जद खूब पिलपिलाबा लाग्यो तद कुसुमकळी ई अणछूया अणभौ ने सजोवा की बात सोची। ऊँ में एक बिसेसता या छै कै जित्स्या काम नै एक बार हाथ मे ले-ले, फेर सगळा गोरखघंघा छोड़'र जुट पड़े छै अर पूरो करपां पछे ई साँस ले छै। कुसुम कळी का हाथ मे अब यो नुँवो काम आग्यो छी। पण ऊँके सामे मुश्किल या छी के नुवा काम नै करवा वास्तै पहल कुण सूँ कराती? कोई के सामे हाथ फैलाबो वा सीखी ई कोने छी। ई वास्ते स्वावलंबन की नीत अपना'र वा आप ई वर छोड़बा की निरर्ज करली।

कुसुम कळी की माली दसा इतनी फोरी कोने छी कै कोई भांत की कमी ऊँका मारण मे रोड़ो घालती। फेर भी वा वर हैरवा कठी जाती? एक दन आपका सलाट का पानां ऊपर ई जलझाण को गेलो भी वा काढली! सुबै कलेवा की टेबल ऊपर एक महीनावार पत्रिका का पाछेला पानां पळट री छी कै दीठ ब्याव का विज्ञापन की पाँत ऊपर पड़ी। साबनेत एकू-एक विज्ञापन पढ़बा लागी। कई-कई रंग का विज्ञापन छ। कुसुम कळी आपू आप कोई नै कामद मांड'र अरदास करबो नई पावै छी। ई वास्तै ऊँ दन की डाक सूँ ई आपणै वास्ते एक ब्याव को विज्ञापन माण्ड'र पत्रिका का दफतर में छपाबा वास्तै घुपा बियो—

‘पच्चीसेक बरम की स्नातक, गोरी-फूटरी डावड़ी मुजब एक चोखो बर चाबै छै । धुनासा घोरो चित्राम की नार पुगाओ ।’

कुसुम कळी की औरथा बत्तीस पण साखड़ी-तोड़ मोटापा कारण लागै चालीस सू ऊपर ई छै । रग अतरो गोरी कैं सैब भी सरमा जाबै । नाक-मूडो भी फूटरो छै । पण वा विज्ञापन मे औस्या सात बरस कम ई मांडी । आपकी एकली अणपड़ नोकरणी गंगा का हाथ सूं कागद पुगा’र निचीती होगी ।

थोडाका दना पछै ई कुसुम कळी की डाक को बोझ भी ऊँका डील ज्यू भारी होबा लाग्यो । नित आठ-दसेक कागद विज्ञापन का पडुत्तर मे आवा लाग्यो । वा आवता कागदा नै एक फूटरी सीक फाईल मे सँज’र राखवा लागी ।

दीतवार की सुबै । कुसुम कळी आपका कमरा मे चदण-अगरबत्ती की लपटा मैकाई । लोन सू सोवता फूल तोड़’र गुलदस्तो बणायो अर आपकी टेबल ऊपर सजा दियो । आपणा धुल-धुल डील ने कुडसी ऊपर टुंसायो । कुड़सी भारी नकड़ी की बणी छी, फँर भी चड़मड़ागी । हिरदा का समदर मे उछाळो खाती लेंरां नै समेट कागदा की फाईल काडी । पूरा एक सौ इग्यारा कागद फाईल मे भेळा होग्या छ । उतणा ई चित्राम भी । वा बारी-बारी सू कागदा नै बाचनी अर वा के तारै आया चित्राम गोरी दीठ सू न्हाळती । कागद भांत-भात का अजूवा सू भरचा छ । या आधी फाईल भी कोनै बाच सकी । ऊँका मगज की नगा भरणा उठी । कोई चितराम सू कार्टून को सो उणियारो झळकै छी अर कोई मे फिल्मी नौनिधियापणा की धाम आवै छी । वां मे सू कोई एक कागद अर चितराम को चुणाव करबो ऊँका वास्ते गोरी कोने छी । कोई एक को फूटरो पणो चोखो लागतो तो दूजा रा गुण भावता । ई मुजब वा सगळा कागदा ऊपर फोरी-फोरी दीठ फेंका’र चार उम्मीदवारा का कागद अर चित्राम टाळ दिया । बच्चोश नै पाछा ई फाइल में बद कर दिया । अब चारु उम्मीद-वारा मे सू भी एक को चुणाव करबो ऊ कैं वास्तै सोरो कोने छी । ई वास्तै वा चारा ई उम्मीदवारा को इटरव्यू लेबा की निरण करली । चारु नै एक ई समै अर दन की सूचना पुगादी ।

ऊनै इटरव्यू लेणो छी । इटरव्यू को ग्रास अणभो ऊनै कोने छी । पण आपकी नोकरी मुजब एक इटरव्यू जरूर दी छी । ई वास्तै आपका घर को वाता-वरण इटरव्यू नुमा बणायो । बरामदा भीतर इस्टूत गंगा’र नोकरणी बँठापी अर फर्नीचर नै सजीका सू जमवा दियो ।

पैला उम्मीदवार कमरा मे घुस्यो तद कुसुम कळी का बडा लालीपुत्या होठ मुळवया बिना कोनै रै मन्वा । नाव छी—शैलेन्द्र कुमार, चार फुट छै इंच ताबो, इकलडो टींग अर औस्या पच्चीसेक बरम । शैलेन्द्र कुमार आपका दीन नै आधो मुका’र मादर लोक मेल दी । अर सामे पडधा कौब ऊपर बैठग्यो ।

कुसुम कळी पैलो सवाल धोंक्या लागी कै शैलेन्द्र कुमार आपू आप ई सवाल सर कर दिण—‘वात आ है माताजी, कै वा आपकी डावडी है नै ? वा...’

कुसुम कळी अचरज मे पड़गी—‘कसी मूरखता की बात करो छो ? म्हारी अर डावडी ?’

‘हाँ सा, वा कुसुम कळी जी स्थान आपकी ई डावडी है नै ? ऊँ को कागद ई म्हारे फने गयो छो ।’

.....’

‘तो कुसुम कळी जी आपकी डावडी कोनै काई ?’

‘आपने गफलत होगी छै । मैं ई कुसुम कळी छू ।’

‘आSSSS !’ शैलेन्द्र कुमार की जीभ डावांढोळ होगी । कुसुम कळी का डील को आकार देख’र हाथ-पग कीरतन भजवा लाग्या ।

कुसुम कळी एकाद सवाल करणी चाई । पण ऊँकी तो जीभ ई जाणै ठठार’रे भँळी होगी । कुसुम कळी दुसल खा’र बारै बँठी नोकरणी ने दूजी उम्मेदवार भेजवा को हुक्म दियो ।

रूप कुमार ‘स्नेही’ अब सामे विराजमान छ । वा को रूप भी बखानवा जोग छै । माता का वणा सू भर्यो काळो भुसड चैरो । पान सू पीळा जरद हो’र बारै निकल्य़ा दात । जद सांस लेता, मूडा सू पायरिया को भभको कमरा मे फँल जातो । कुसुम कळी सवाल न्हावयो—‘आपको काम धंधो काई छै ?’

‘गुड साहित्य-सेवा । जाणै लेखण तो चाले ई छै, मैं आजकाल फूटरा पणा का बोध की एक मीनावार पत्तिका काढू छू ।’ रूप कुमार ‘स्नेही’ का मूडा सू सबद थोडा अर बास गैरी-घणो निकळरी छै । अर हस्थी जिस्या नैण कुसुम कळी का चैरा ऊपर अस्या जमर्या छ जाणै भीत ऊपर बसमरी । पायरिया का भभका सू कुसुम कळी नै सांस लेवा दोरो होग्यो छै । कदै आपकी नाड़ नै ऊँची फेरती अर कदै सूळी । वा ऊँ दमघोटू वातावरण सू पाछो छुडावा को गैलो हेर’री छै अर रूप कुमार ‘स्नेही’ रोमांटिक मूट बणावा को जतन कर रैया छ—‘आप जिसी सुततर सोच वाली आगेलडी लुगाया की ई देम मे चायना छै । आप सू मिळ’र घणू हरख हुयो । मैं धन्न होग्यो । अरे ? आप तो काई बोला ई कोने ? न्हाळो, इतरी गैरी ताज भी काई ?’ स्नेही जी काई-काई कंता रैया, कुसुम कळी ने तोन ई नै पड़्या । घुटण सू मुस्ती पावा ने छोड’र या दूजी काई नई मोच री छै । स्नेहीजी की जीभ डटवा को नांव ई नई लं री छै । वे बोल्या—‘जे आप जिसी जीवन को जोड़ावत मनै मिळ जावै तद आपरा उपन्यास ऊपर रँगाई एक फिलम बणाल्यू । इसी घासू फिलम कै म्हारी सगळी कल्पनावां ऊँ में फिट हो जावै अर फिलम पडदा ऊपर आता ई हिट हो जावै । ऊँ फिलम मे हीरो को रोल मैं खुद कैसिया जाऊँ ।’

रोल करवा ने राजी हो जाओ तो स्टार ब्रप का नखरा ऊपर एक आखरी थाप जड़दू ।' अर स्नेहीजी टेबल ऊपर इत्यो घूसो माद्यों के फूलां को गुल-दस्तो कुसुमकली हाथ में नई थाम लेती तो फरस माथे गिर'र टूक-टूक हो जातो । चैरा ऊपर गुबरेली मुळकाण फैरा'र स्नेहीजी कंबा लाग्या—'अब आपणी ओड़ी सूं तो पूरी रजामंदी जाणो । मैं जाणू आपने भी कोई तरै की अडचणा नई आवैली ।'

'आप औकात सू बारें की बात कर रैया छी ।'

फादया बांसकी जिसी हांसी ढाळता हुआ स्नेहीजी बोल्या—'रुसबा को रोल भी आप चोखी भांत निभात्यो छी । यो स्टाइल तो ऊं बणबावाळी फिलम मुजब इत्यो फिट हो जावेला के देखणियां एक दूजा ने कुहणी मारबा लाग जावेला ।'

कुसुम कली को चैरो रीस सूं तमतमाग्यो । स्नेहीजी ई तरां लट्टू हुआ जावें छा के एक-एक पळ ने अमोल जाण'र उठवा को नांव ई नै से रैया छी । कुसुम कली झूझ छार'र फूट पड़ी—'श्रीमान ली, मनें दूजां को भी इन्टरव्यू सेणो छे ।'

'अब दूजा की चायना ई काई रै जावें छे ? पण आप चावो तो कोई हरज कोनै । आपकी जो सगत मिळी ऊंको ओळयूं कैई-कैई दनां म्हारा काळजा में बसी रवेली ।' बोल पूरा कर'र ऊवा होता ई आपको धुड़दढो हाथ कुसुम कली सामे बघा दियो । कुसुम कली छाटवयो छार'र परी सरकणी अर भारती संस्कृति की हिमायत करती आपका हाथ जोड़'र सनमान भी नई कर्दो । पगत एक सबद तोप का गोळा ज्यूं दाग दियो—'धन्यवाद !'

स्नेहीजी कमरा सू कदया तद कुसुम कली ने खुल'र सांस लेबा को औसर मिळयो । ऊ को काळजो धूकणी ज्यू चालबा लाग्यो । सोफा ऊपर पसरो दूद इसी हाल छी जाणें बड़ी बोझली गांठडी ऊपर-नीचे हो री छी । तीजो उम्मेदवार सामे परगट हुयो यो भी कुसुम कली ने अवरज मे गैर दियो । 'आप को नांव ?'

'मनें बीरेन्द्र कुमार केवें छे ।' तीन सौ नम्बर का जड़दा की फोरी मुगंघ को टूक सबदा की लार भेळता पड़ुत्तर दियो ।

एक अगरबत्ती पेलवान की काया अब सामे विराजणी छी । बारगा भावन आता समे कुसुम कली देखी छी, ऊ की लम्बाई साड़ी छे फूट सूं भी बधीक जाण नही छी पण बोझ भार कुसुम कली का अनुपात में एक चौथाई भी कोनै छी ।

बोली इतरी पतली क जिस्यां गळा में कोई चिड़ी बैठा'र राखदी छी । पण बीरेन्द्र कुमारजी ऊंचा मोल का बूट अर टाई में इस्या सज रैया छी के कोई कम्पनी का विज्ञापन एजेन्ट जाण पढ़ता । पण वे तो कोई पब्लिक इस्कूल का

प्रतिपल छा । बात करवा को तरीको एकूँ एक साव-सुयरो छौ । पण बै रसिक इतरा छा कै रूप कुमार स्नेही सूँ दस पाँवडा बघीक । जै कुसुम कळी थोड़ीक भी सावचैत नही रैती तो ऊँका गेंद जिस्या डील सूँ बल्ला की भाँत सट जाता ।

तीन जणा का इंटरव्यू सूँ कुसुम कळी थाक'र इतरी बोझली होगी छी'क चौथा नै बुलावा को सास कोनै रैयो छौ । पण थोड़ीक देर सुस्ता'र ऊँ का मगज की नसा कळोट-फैर ली अर वा बारै ऊँघती नौकरणी गंगा ने चौथो आदमी पुगावा को हुकम न्हाक दियो ।

आवता को अभिवादन शेल'र कुसुम कळी सवाल कर्यो—'भाफ करज्यो मैं आपका सुपुत्तर जी ने बुलावो पुगायो छो । पण आप...?' 'हैं ५५५ हं, म्हारो पुत्तर तो बारैक बरस कोई छै । बो जा'र काँई करतो ?' वे पैली हंस्या फैर हंसी नै मुळकाण मे फिरा'र बोल्या ।

कुसुम कळी के वास्तै या सब सूँ बघीक अचरज में गैर बाळी पैली छी । आवता को उगियारो देख'र पैली तो कुसुम कळी सैमगी छी । ऊँका सूँ भी सवाया आकार की दूद । लम्बाव कुसुम कळी सूँ चारेक इंच बघीक । खिजाब पोस्या केस अर लट्ठूडा सी आख्या, डूंगर सा डील ऊपर-झूलतो नीलो सूट । कुसुम कळी अचरज सूँ मुन्नेसाल बजरिया ओड़ी न्हाळती रैगी । बजरियाजी ई मुळक'र सवाल न्हाकयो—'पां के अठै सूँ ब्याव को विज्ञापन कुणसी डावडी मुजब छपायो ग्यो छो ?'

'आप कुण कै वास्तै बधू तलासवा पधारथा छौ ? विज्ञापन तो मैं आपनै वास्तै ई पुगायो छो ।'

'मैं भी आपणा मुजब ई आपका दरसन वास्तै आयो छू ।'

'कागद में तो आपकी औस्या तीस बरस भाड़ी छी, पण आपकी...?'

'हां, म्हारी औस्या चाळीस सूँ एकाध बरस ऊपर-नीची ई छै । पण आपने विज्ञापन मे तो पच्चीस बरस ई भाड़ी छौ ?'

कुसुम कळी बजरिया जी नै न्हाळ री छी अर बजरियाजी कुसुम-कळी ने । 'छोहो आप भी औस्या की बात । यो तो संयोग छौ कै म्हा दोनू नै आपकी औस्या मार मजाक करणू छौ । मैं म्हारी इस्थिति आपके सामे छूँ । ई सैर में ई 'माइन मेटल्स' नांव की फैक्ट्री म्हारी घरां-घरू छै । घराणी चारेक बरस पैली सुरंग सिधारणी । एक बारैक बरस को टावर अर छैक बरस की डायडी छै । ब्याव को कोई विचार भी नै छौ । पण अब सोचू छूँ कै घर की संभाळ करवा वास्तै कोई हुवै तो टावरों नै मां की ममता भी मिल जावै अर आपका जीवण को एकलपणों भी फोरो हो जावै । ई सूँ बघीक एक सबद भी मैं कैबो नई चाऊँ । आपका निरर्ण की सूचना आप जद भी चावो पुगा दीज्यो ।' बजरियाजी पड़ी देखता बोल्या—'अब मैं चालूँ छूँ । नमस्कार !' कुसुम कळी

का चैरा ऊपर कैई-कैई भावा को चढ़ाव-उतार चालर्यो छी । ज्यूई बजरियाजी उठबा नै हुया कुसुम कळी अरदाम करी—‘आप चाप गी’र भी नै पधार सकोला ?’ बजरियाजी चिनीमाक मुळन्या अर आपका भारी भरकम डोल नै आराम सँ पोढ़ा’र बैठग्या । कुसुम कळी गंगा ने नास्तो लगाबा वास्तै हाको दियो । थोड़ीक देर मे टेबल ऊपर कैई प्लेटा मे मैक की लपटा उछळवा लागी । ज्या मे मिठायां, नमकीन, सब्ज का काटघोडा टुक अर बिस्कूट देख’र बजरियाजी मुळक्या—‘इतरी वैवस्था क्यू करी ?’

‘आपका डोल का आकार मुजब तो यो फौरो पड़ै छै ?’

‘या बात थे आपणे वास्तै भी कै सको छो’क नै ?’ बजरियाजी फेर मुळक्या, कुसुमकळी झपगी । अर दोनू ई नास्ता की प्लेटा ऊपर ई तरै पिळ पड़्या कै थोड़ीक मिनटा में ई प्लेटा साव-चकर होगी ।

बजरियाजी जावा लाग्या जद अभिवादन का पड़ुतर मे कुसुमकळी इतरोक ई कै राकी—‘कदै आपकी पिंकी सू पिछाण करावो नै ?’

‘क्यू नै ?’ कदै काई आप जद चायो वा आप सू मिलवा आ जावेली ।’ बजरियाजी चलैग्या । कुसुमकळी छिड़की को पड़ो हटा’र न्हाळी । बजरियाजी की मूगिया कार ऊका बगला का बाडा सू निकळ’र भड़क ऊपर दौड़वा लागी छी । बा ऊबी मोच करै छी—बजरियाजी इंटरव्यू देवा आया छै पण काई’र काई लै’र भी चल्याग्या । कतरोक काई लेग्या ई को ई अनमान वा छिड़की को भाड मे ऊबी लगा री छी ।

ठंडी मुळक

• □ दीपचन्द सुथार

किलाम नें छोड'र ज्यूं ही काळू वारें निकळचो तो थोडेंक आन्तरें उभें डाकियें उण सामी इसारो कियो। कर्न आवताईज अेक लिफाफो उण रें हाथ माय धमाय दियो। रेसीस री वगत ही। एकान्त मे जाय'र बाचण लागी तो उण री आख्यां मे आंसुडा भरीज गिया, गळी गळगळी व्हेग्यो, चेरे माथें उदासी छायगी, विचारां रें मेरे समन्दर मांय डूबग्यो अर अेडो मँसूस व्हे रियो हो के जाणें उण मायें चिन्तावा री मोटो भाखर टूट पडघो। घंटी वाजताई किलाम माय जाय'र पाछी पढावण लागग्यो। पण पिताजी सू लिखयोडी ओळ्या रें रें उण री आख्यां सामी घूमती थकी चिन्तावां री रेखावां नें समन्दर री लेंरा री भांत उभार अर मिटाय रयी ही। छुट्टी व्हेताई सगळा मास्टरा उण नें उदासी रो कारण पूछियो पण काळू-मुळक'र पडूत्तर टाळ दियो।

काळू दुवळो-मतळो, कद ठिगणो, रंग-सांवळो, साधुवाद रो परतीक अर परदुखियारो। वाळपणें सूर्इज कोर्स री पोथ्या रें सार्गईज दूजी पोथ्या बाचण रो ह्द सू घणो कोड। वी० ए० पँले नम्बर मू पाम करी, पण पिताजी री लूठी अर घणा बरसा सू चलती आ रयी बीमारी रें कारण सगळो घर रिपिया-मईसा मू घुपग्यो। अबै भावें रें मकान मांय रें रियो है। अेडी हालत रें कारण मन मार'र काळू नें नोकरी करणी पडी। उणी दिना सू दोय सौ रिपिया हर मईन पित्ताजी नें बरोबर मेल रियो है। दाकी वचियोव्हे सू मोरौ-दोरौ आप अर छोटे भाई रौ पेट पाळ रियो है। नोकरी लाग्या हालताई पूरो अेक बरम भी नी हुयौ, पण ईमोनदारी, अपणायत, भीठी बाणी, सातरो मेणत अर परोपकार री मेरी भावणा मूं सगलें गांव मांय इण री लोक-प्रियता री बेल दिन दूणी अर रात चौगणी फैलण लागी। रोग-दाग उण रें

मद्वैचार, मुळज्योडा विचार अर सीदो-सादो रेंग-सैंग देख'र दांतां बिचै आंगळी देता यका उण री बड़ाई करता नीं याकता ।

ब्याळू किया पछे काळू कदील रें चागणं भिणाई-लिखाई अर विचारा माय मगन व्हेग्यो । उणीज टेम दोय तीन मास्टर अर च्यार पांच मिनख कमरें माय आय'र मार्चें मायें बंठग्या । मान-मनवार अर आदर-सत्कार रें पछे इठो-उठो री बाता करता यकां उदासी री कारण जाणणो चावो पण काळू आ बात आछी तरें जाणतो ही, कै आपरी खाज तो आपरें हायां कुचरिया ही मिटे । इण वास्तं बात नें अणसुणी कर'र टाळ दी । घणी ताळताई फेर टाळ-मटोळ करी, पण आखिरकार वेळ्यां रो हेत, अपणायत अर आत्मीयता नें नजर दीठ राख'र हियं हेठली सगळी बाता गागर मे सागर भरतां यका—
“बोडा-बौत भळें रिपिया भेजण री बात कैई ।” आ सुण सगळा फिकर करण लाग्ता । सोच-विचार रें पछे दूजो कोई चारो नी देख'र ट्युशन री राय दी । पण आ बात भी उण रें सिद्धान्तां रें परतीकूळ ही । आखिर आपरें खरचें माय भळें कमी कर'र अवं डाई सो रिपिया भेजणा सरू किया । होळें-होळें सोमां ने ठा पडी तो आठ-दस पूठ पाछें निन्दा करण वाळा भी उणरी प्रसंसा रा पुल बाधता यका उण रें सिद्धान्तां मायें चालण साम्या । बोडाक रिनां बाद उण री बाळगोठमो हरखू इणी गांव माय आय'र बीपार करण लागो । बूढा-बडेरा कंता आया है कै—“पईसां-टबकां री साळ साम्या पछे नीं छूटै ।” ओ उणरी सगली परस्विति सू वाकफ हुता यका भी अक नुवें पईसै री मदद तो अत्तगी रयी, उल्टी मईनै में आठ-दस दिन तो जीमण री बगत आय'र घामो देय बेवतो ।

अक दिन काळू नें ई बात री पती पड्यो कै हरखू अक हफ्तें सू बीमार है । आ सुणताई उणीज टेम समाळण सारू उण रें घरें जाय'र सेवा-चाकरी माय लाग्यो । दस-पनरा दिना मे वो पूरी तरें ठीक व्हेग्यो । इण बीमारो माय काळू री जेब सू दबा-याणी, चाय-दूध आद रा पच्चास रिपिया खरच व्हेग्या । पण हरखू रातो पईसो छोड'र धिनवाद रा दोय आखर भी जीव मायें नीं लायो । पण काळू ई बात री रत्ती भर परवाह नी की । उणनै तो आपरो कर्तव्य निभावणी हो, सो रात-दिन सेवा कर'र पूरो कियो । इण सू उण रें हिवडें मांय घणी चैन हो । खैर—बीपार नें जमतो नी देख सेवट पाछो गांव जाय'र घघी करण लागो । होळें होळें काम-घग्यो चोत्रो जमगियो अर सातरा रिपियां भी कमा लिया ।

गम्मी री छुट्टियां हर बरस काळू आपरें गांव मांय बितावतो । जद-जद मारक मांय हरखू मिलतो तद् दोनू बेत्ती घणें हरख अर उमाव सू मिलता, चाय री दुकान मे बैठ'र मनहें री बातां करता, पण बिन री भुगतान तो

काळू नै ईज करणी पड़तो । इण तरै कैई बरस बीत गया । पण काळू दोसती मांय भीन-मेख री ईज फरक नी आवण दियो ।

सगळा दिन अंक सरोखा नीं हुब । इस्कूल खुलण आडा दोय-तीन दिन देख'र उण नै गाढी भाई री चिन्ता रात'र दिन सतावण लागी । उण कनै चीज-बस्तु छोड'र फूटी कोटी भी नीं हो, जिण नै बेच किराये-भाड़े रा पईसा ला सकै । आखिर हिम्मत राख'र जीवण में पैलीवार उणरी दुकान रै दासै भायें पग धरियो । हरछू घणै हरख सू गळै लगाय'र आपरें कुडै गादी भायें बिठायो । घणी-ताळताई इठी-उठी री बातां करी । गिलास भर ठंडो पाणी पायो । पण आवण री कारण नीं पूछियो । काठो कायो होय'र आखिर पच्चीस रिपियां रै वास्तै अरज करी । आ सुणताई उणरी आंढ्यां साथी अंघाळी आयगी । हाथां रा तोला उड़ग्या । सेवट हीमत राख'र माथो कुचरतो अर आंढ्यां नीची कियां होळैक बोल्यो—“आप जेई बैली रै छातिर जान भी तयार है ।” आ केय'र हाथ मांय रिपिया घामतो पूठो बोल्यो—“कद ताई भेज दोला ।” बात री उषळी देवतो यको काळू केयो—“—दस दिनां रै मांय मांय मेल दूंता, आप किणी तरै री चिन्ता-फिकर मत करीजो ।” धिनवाद रै मन्दा रै सागैईज काळू नै उठतो देख'र झट दूजी बार ठंडै पाणी री गिलास घामतो यको मुळक'र बोल्यो, “तीन रिपिया ब्याज रा भेज दिराइजो ।” आ सुणताई काळू री आंढ्यां पळ भर रै वास्तै इण तरै थिर बूझी जाणै नाइघा मांय बेवती रगत बन्द बूझ्यो । रिपियां नै गादी भायें मेल'र कष्ट मातर भाग्री मांग रवाना बूझ्यो अर हरछू आंढ्यां फाड़'र देखतोईज रंग्यो ।

वाळगोठियो

□ कल्याण गौतम

सदा आळी दाईं दिन रें डोळ वजताई चिपाई रो काम बन्द हुयग्यो । कनजी कारीगर अर तीनू मजूर आपरें कपडा री रेत अर चूनो झाडता पाधरा आणन्द-सागर नानी टुरग्या ! आणन्द सागर मे जावण री वाता आज इणा मे दिनुगे सूर् ई चाल रैयी ही । वात गिडकें चढग्यी अर आज दोपारें आळी चाय रो सैग खरचो कनजी कारीगर आपरें मार्थें ओट लीधो । तय हुयो'क चाय पीवणी तो आज आणन्द सागर मे ई ज पीवणी । आणन्द सागर इण नगरी रो नामी गरामी पण मुहगो होटल । ऊची दमारत, मृडार्ग चवथो बीगाग, होटल री आर्भ बरणी दमकती छत, चिलवती कुग्म्या, श्रमकता लोटिया, अर ठोड-ठोड चमचमाता फिरत्यारा गा अबूबा होटल रें माय बडताई माई मिनख रो मन मोय लेवें । होटल रें आर्ग पांन-सात फटफटिया, दो-च्योरक स्कूटरिया अर कोई दस वारेंक साईकिला तो अटल ऊभी रें वें । टेक्सा अर काराई आवें, घडी'क ठमं भळं धूट नै धूवो उठावती न्हाठ जावें ।

होटल मे माय जुदा-जुदा पण उधाडा बेबिन । बेबिन मे जोडा । फूटरा फर्ग । जोडा रें माय मूं केई-ई तो भावणीई आर्भ री जळवाळा नै होळी री मो झळ । दामणी ज्य दमकें । हेमाणी आभा झळमळ करें । चौफेरी चकावूध । पिल-प्रिन हर्स । खळग्रळ्या चालें । चायरी चुस्वया नै मिगरेटा रें धूवां बिब मोवणी माया सा मोटा मुस्कावें । आड्या सूर् बतळावें । भळं मुधरा मुळकें न्यारा-न्यारा जोडा ।

होटल रें माय बडताई कनजी अर उण रें बेल्यां री तो आड्याई चकराईअग्यो । काउन्टर मार्थें ऊर्भ मिनख री पंनी दुत्कार-रळियोडी हज-हज करती मवानी निजर उण च्याग रें चौफेरी बटक्या सी बोडण लागी । पण बी होटलगो वाउन्टरियो मिनख उण च्यारा सूर् मूडें सूर्फी नी बोल्हो । कनजी आपरें तीग्यू बेल्यां ममेत मूडार्ग पडी खाली कुरस्या मार्थें बंठग्या । फूटरें

चितराम कोरियोहें च्यार काच रें गिनासा में बैरो पाणी ले'र आय पूरयो । उण रें चैरै कानी तार'र कनजी कारीगर हुकम छोडयो—“च्यार पळे'ट समोसा नै च्यार चाय...।” बैरो तुरत-फुरत पूठो घिरघो नै दूजें छिण स्टील री च्यार पळे'टा में गरमा-गरम समोसा, भेलें ई चाट नै हरेक पळे'ट सामें चम्मच अर काटा । आप आपरी पळे'टां मांय सूनू च्याम् ई बेनी चम्मच-कांटे नै काढ़'र पस-वाड़ें मेल्ला अर समोसै नै हाथ में जाल'र पाधरा बाकेंउं तोड़'र खावण लाग्ता । कनजी नै उण देखा लखायो जाणें पमवाडली पुरस्यां माधना जोडा उणा नै हीण निजरया सूनू धूर रैया है, अर हवळ-हवळ दबी जुवानां आपरें डोल सारु फवत्या कस रैया हें । कनजी एक'र रा उडती सी पछेर-दीठ उं सावतं होटल नै जोयो । इतरे तो एक खूणेंउं उणारें कान में वात-चीत रो एक टुकडो उछन'र आय पछयो—“बन्दर क्या जाणें अदरख का स्वाद...”। कनजी बठीनै ज्ञावता तो उणारी निजर बठेंई अटक'कर रियगी । समोसो हाथ में रियग्यो अर बाको फाट्योडो । वैं बापल ज्यू एक सास उण मिनख नै घूरण लाग्ता । उण मिनख री बगल में तीतर-पग्री एक हर री सी परी, हीगळू मा होट, आख्यां मायें मदलकियै कमूम्बी रंग री मोटो चस्मो । चरमं माय अपकती प्याला सी प्यारी अचपळी आंख्या । घडी-गडी माथें रें अटका सायें झूलती मग्नूली लच्छ-सी न्हानी-न्हानी लट । पैराग उण री मिनखा जैडोई । दोऊं जणा रें एकसाईं झोटा माथें पै रघियोडा । अलगैउं देखणें पै माथें-रा केसा कानीसू तो दोया चिचै नर माथा रें भेदरो यां माथोई फरक दीसै, पण उण मेमडी रा हीगळू मा राबियोडा होट नै चादि गो चिनकतो चै'रो हेला मारै हो के सा'ब री बगल में बैठी जकी कुण होय सकें है । स्यात आ बट-भागण उण री मेमडी ही हुवै । पण कनजी उण मेमडी नै नीं उण री बगल में बैठे उण मा'ब नै घूर रैया हा, जका रें मूडेंउं मुणी ज्योहो ‘बन्दर क्या जाणें अदरख का स्वाद ।’

कनजी नै एकई मांग सूनू आपरें कानी ज्ञावता देख'र वैं दोउं जगाई अब की लचकाणा पटग्या नै आपरी निजरया फोरली । धूडजी मजूर बोल्या—
“जीमो कारीगरां ! बलणयो, आप ! क नैवै है ? इया भळें काई घूरो हो ? ये तो समोसा जीमो...”।

विचाळें मधजी ग्यान छमकियो—‘तुलसी इण संसार में मांत-भातरा...’
पण कनजी कारीगर मध री ग्यान गुटकीरी सुणी—अणसुणी करता हुया आपरें हाथ रें समोसे ये पळे'ट में न्हाख' जभा हुवता योन्या—“घूडजी... ! मोडा ओ मिनख तो म्हेनै की सेंदो-संदो लखावै, म्हारें घणें पुराणें बाळगोठिया जैडो । कठें ओऽ...मांताणीई म्हागे बाळगोठियो बेलीऽ...हंऽ...माद कोनी भायो अं...अ...हेपूटो...”

—“पारो बाळगोठियो ! ! अर अटें ।

—कनजी ! गैला तो नी हुया हो । आज अंडी ओपरी बातां भळं कीकर करो हो । पारो बेली अठं-कठं सू आयो ? आपा तो आप मजूरी सारू अठं परभोम मे आयोडा हां, कठं आपां रो गाव, कठं रेंग्या बाळक-टावर नं कठं रेंया बेली-मिन्तर । कदैई धोळी-धोळी चमकं जिकी सैगई जिनस चांदी...

धूडजी रें मूडरी वात पूरी हुवै उणसू पैला तो कनजी कारीगर उण मिन्घ नं जाय बतलाया । बं आपरें होटा मायें एक अमाप हरखरी तेंर विसे-रता, मिसरी सी मोठी बाणी मे, घणी खुशी, अणधाग आत्ममीयता नं ऊंचे आत्म विश्वास मे उमायोडा बोल्या—“अरे...S बाबू हेमराज ! भत्ता मिळ्या, कंडो संजोग रख्यो है आज बरसां पछं...। ये कद सू अठं हो...? राजी तो हो...?”

कनजी एकं सास मे ई सार-सार स्याई की बोलग्या, पण सामलो मिन्घ उण कानी खारी मोटउ जेवतो घको बोल्यो—“अच्छा...। तो आज दिनूयें सू अजू म्हैई मिल्यो हू थानं । फुरमाओ ? काई हुकम है ? कुण चाईवें आपनं...हेमराज...? पण कंडो हेमराज ? पधारो अठंउं, वधो आम्हूनं...अठं कोई हेमराज हेमराज नी ।”

अर बो आपरो मायो झटक'र बगल मे बंठी मेमडी कानी जोय'र नीची आवाज में ह्वळ-ह्वळ बुद-बुदायो—‘हं अस...! दुनिया मे कंडा-कंडा अजूबा जन्तु फिर है मीना । आज की कुबेळा लियोडो गुटको फोडा घाल रेंयो दीसं बापडं नं...।’ भळं दोवां रें होटा मायें मुधरी मदभरी मोठी मुळक तेंरपी नं दूजंछिण दोडंजणा खारी जेंर मनेजी-मोटउ कनजी नं पगा री पगरछ्या सूं लेय'र मायेंरें पोतियें ताई कोझी तरें बजोळण लाग्या । कनजी ओजूई जडू—बप्पा बठं ऊभा स्सोई की देख-सुण रेंया हा । उण रो चेंरें अच्चाणचक धोनी हुयोप्यो नं तिरस्कार भरी हीणता हिलूरा लेवण लागी, अर आंझ्यां पपराई ज्योडी अंडी डोब मे डूब-डूब'र की जोय लावण नं ताकड़ कर रेंयोही उणा रें मन में एक उयल-मुयल माबियोडी हो । माय नं गोटा-सा ऊछळं हा, नं भूतु छिया सा चालें हा, अंधाधुन्ध विचार मनयण री आघ्यां-सी ऊमटें ही पण बं अंकर रा भळं अपणें आप मायें काबू राखता हुया बोल्या—“अरे हेमजी ? यू अजू म्हैई ओळख्यो कोनी...? म्है पारो बाळगोठिया हूं कानूडो... चेतं कर दीसा री बं पोसाळां, आपा सागें-सागें भणीजण नं जाबंता हा ।.....” कनजी रें मूडें री बात पूरी भी नी हुय पाई हो' क बो मिन्घ रीसो बळतो आपरें डील नं झटक'र कुर्सी सू ऊभो हुयग्यो, अर तेवर बदल'र बोल्यो—“अरे मिस्टर ! खाना हो यहां से या पुलिस को फोन करूं । आया बड़ा बाळगोठिया...”

उण मिन्घ रा यू तेवर बदळियोडा देख'र अंकर रा तो कनजी रें-मन में की ठबको सो हुयो, पण दूजं छिण बं आपं सूं बारें हुवंता निजर आया ।

अंचाणचक उणांरी आंखयां अंगारां ज्यूं जगण गामी नै दातांउं कटीङ्ग-सां उपडया । की आव देख्यो नीं ताव, बै सामलें मिनख नै कोसी तरै बकण लाग्ग, “अरे बेईमान हेमूडा ! थारें इत्तो मगेधज ! म्हनै इग बात रो ठा नी हो, क यू अंडो बदळ्यो । हरामी ! यू म्हारें सागें तो खैर नी भणीज्यो हुवैला, पण यू दोसा रो रेंवणियो कोनी ? थारो मकान डूगरी रें हेठें ल्होडी-दोसा नें कोनी... ? अर बोल यू सूस्या पंमारी रो बेटो कोनी ? थन्नै व। बात भी चेतै वय हुवैला जद थारें थापरी मादगी रा दिनां मे अंकर थारें बापरें रात रो बखत घणी दोराई ही अर आपा दोउ आधी रात रा डाक्टर नै बुलावण नै गया हा, तद थन्नै कृतियो खायग्यो हो, अर छव महीना ही थारी टागडी सावळ नी हुयो ही । म्है तो आज कूडो अर पीयोडोई सई पण थोडा चेतै कर बै चितराम जद यू घर सू रिपिया नीर परोरं चुरांमाता रें मेळें मे न्हाळग्यो हो, तद म्है अर थारो वाप थन्नै जोबता फिरया हा । बेईमान...।”

कनजी कारगर यू रीसा बळता बकै हा । अर वो मिनख तिरमिर-तिरमिर सीळी सी आंठया सू डाखें हो, पण अंडो लखावें हो जाणें उणरी काया सुन्न हुयग्यो हे, जाणें उण रो छाती माथें अंचाणचक दासकनाग आय जम्यो हुवै अर फुंकारा मारण लाग्यो हुवै ज्यू ।

कनजी खरारंर आप रो मळो नाफ कर्पो, अर अंक दस रिपिया रो नोट काडूंर आपरें बेटया कानी कैवयो नै अणबोल्याई तुरत-फुरत पूठा पिर्या अर लळें उण मिनख सू नेतावणी मे बोल्या—“जंडो मत पोमीज लाडी ! सम-सम रो बात है । गैर जाणदें । पण ओजूई रे यू म्हनै नी ओलख्यो तो अम्है इण भला मिनखा मे तो थन्नै ओरू के कैवू, थोडो बारें आव, थारा सागीडा पोत उधाडू । अर थन्नै चेतै अणाउ कं म्है कुण हूं...।” यू कैवता कनजी तुरतई होटतजं वारें निसरग्या । उणारा तीनू बैली की समज नी पायरया हा, के आगिर जो रासो काई हे ?

होटन रो मालिक, तीन च्यारेक नोकर अर केई बीजा मिनख बठें भेळा हुयग्या हा । भीड मे सू एक जणो पूठयो—“काई बात हुई, इंजीनेरसांव !”

—“की कोनी थार ! कोई म्हारलें गांव कानलोई मिनख है । स्मात कों गुटंको नियोडो लागं जको बावळ बकै है ।”

पण इंजीनेर रें मन मे सागीडो पछतावो पछाडां मारें हो । सरम सू उण रो निब्रर छिण-छिण जमो कुबरें ही ।

कनजी नै यू बारें गयो देखूंर उण रा तीनू बेली भी तवका तोलो करता उठ्या अर चमवयोई मिरगा सा इन्नै-बिन्नै जोयंता काउन्टर कानी टरपा ।

बिचाळ इंजीनेर हेमराज उठ परो'र हाथरो इसारो करतो काउन्टर
वाळ मिनख नै कह्यो—“इणारो पेमन्ट भी म्है ईज करस्यू । बोलो किता
पईसा हुया...।”

—नीं नीं बाबू मा'ब ! पईसा बाप भळ काई नेग रा चुकाओ ?
सामलो वस्त रिपिया रो नोट देय'र गयो है । (धूइजी कह्यो)

मुणताई अचाणवक इंजीनेर रें चैरै माथे हीणता हिलूरा सेवण लागी,
बो चमगूंगे दाई बाको फाड़तो झांखतोई रैयो । घड़ी-घड़ी माडे सहज हुवणरो
बा असफल चेस्टा करे पण, उण रें दिल माथे जाणै कोई भारी भरकम बूटां स
तक-तक'र हुजारूं लाह्यां जड़ रैयो हो ।

धूइजी नै लखायो जाणै इंजीनेर ने माय रो माय कोई धारदार चीज
बाढ्या जाय रैयी है । बे अेक छिण उण रें चैरै कानी भळें तबया, पण उणरी
मुन्न बापरती आंखयां सूं बच पदा'र दूजें छिण होटल सूं बारें निसरग्या । इंजी-
नेर भी उणां रें लारै-लारैई पग ठरडतो बारें आगग्यो अर आपरा दोऊं हाथ
जोड़'र कनजी सूं भांफी मागतो दीस्यो । मदछकियै कसूम्वे रंग रें चस्मै आळी
मेमढी हाथ मे ब्रैंग डोलावती पसवाडै ऊभी ही ! मुघरो-मुघरो वायरो उणरा
कवळा-कुन्तळ मखतूली लच्छानै बरोळ-बरोळ जावै हो ।

दूजो चक्रव्यूह

□ कुन्वनसिंह 'सजल'

बी रा बाप रो सुरगवास हुआ आज तीन दिन हुआ है। वो रोज रा किरिया कर्म सून निवृत हो की मनन सो करतो एकलो बैठपो हो। विचारधारा बी री मोसर (मृत्यु भोज) रा प्रश्न पर फेर जा अटकी। वो आपका यार दोस्ता नै कैवतो 'जब गिरस्ती री व्यवस्था बी रा हाथ में आवैगी तो वो गळत व बेबुनियाद रुढियां नै पेड़ पर लागी सूखी डाली की तरां तोड़'र जला देगो। बी नै गरव होइयो हो कि वो आपका बाप की मौत कै दिन बैकुंटी जित्ती बेकार रश्म कोनी निभाई अर बैकुंटी न निकालवो मोसर न करवा को सूचक है। वो पक्को निश्चय कर मेल्यो हो कि समाज सून चाये कतो ही जूमणो पड़ें वो गळत रिवाज कोनी निभावैगो। आपरी ई पैली जीत की याद सून बी रा होठां पै हँसी दोड़गी।

"पान, भीतर भाबूजी बुलावै है।" वो देख्यो बी का चाचा को लड़को वीरसिंह यो संदेश से'र आयो है। वीरसिंह बी की माताजी नै भाबूजी ही कैवे है जियां वो भी आपरी माताजी नै।

"क्यूं के बात है?" वो वीरसिंह नै पूछपो।

"मनै तो मालूम कोनी, पण उठै चार पाँच आदमी और बैठपा है।" वीरसिंह बोल्पो।

सुन'र बी का मन मे कीं शंका हुई पण बीं आपरी शका ने दबा लीनी और उठ'र वीरसिंह कै साथ भीतर चल्पोगो। भीतर जा'र बी देख्यो बीं री माताजी कनै बी रा तीन चाचा, एक सगो व दो परिवार रा, तीन मुगायां एक परिवार मे बीं री दादी, एक बी रा घर की पिरोतन अर एक पटवारण। सब लोग बी री माताजी नै बेर'र बैठपा हा। बीं नै देख'र बीं रो मन फेर एक जाणकार आशंका सून घट्टकना लाग्यो पण वो फेर आपरा मन नै पक्को कइयो अर आपरी माताजी नै बोल्पो "के बात है भाबू?"

बी री माताजी तो की बोली कोनी, बी रो चाचो बोल्यो, "महेश बाबू आ है, आज दादा भाई नै मर्या तीन दिन हुग्या। आज सँ गछ पुराण रो पारायण चालू हो ज्याणू चाये।" सुण'र महेश नै आपरा मन री आशका सांव में बदलती दीखबा लागी। वो जानै हो के गछ पुराण रो पारायण भी मोसर री सूचना वै है। वो बोल्यो। "चाचाजी, जद आपां मोसर नी करा हां तो गछ पुराण रा पारायण को काई औचित्य है?"

म्हानै तो गांव हाला जठी के भी निकळा हा वा ही कैवै हैं कि परताप सिंघ जी रो जनाजो बिना बैकूटी तो नही गिराणू चाये हो मास्टर जी आ काई सोची? परताप जी गांव में, समाज में पूछ वाला भिनख हा। वा नो मोसर तो होवणू ही चाई जै।" बी रा परिवार रो एक चाचो बोल्यो।

"आ बात तो ठीक है चाचाजी, पण आप जानो हो, मेरै चार सड़क्या है इना रो ब्याव, सड़कां री पढाई रो खरचो अर ऊपर गू पिताजी रो छोड़घोड़ो दस हजार रो करजो।" महेश बोल्यो।

"मास्ताब, परताप जी यांके कनै सो क्यू छोड़'र मर्या है। ये कोकई भरोसै कोनी। इयां का पूछ वाला ठाकर रो खरच तो होवणू ई चाईजै।" पिरोतण बोली।

"बिना बैकूटी ये ठाकरां नै लेग्या, मन तो घणी ई सरम आई, पण हूँ तो लुगाई हूँ, की के कोनी सकी, बावलो धाने आ चाये ही? या कनै काई कोनी? भगवान को दियोडो सो क्यू है।" पटवाराण बोली।

महेश बडा धरम सकट में हो। वो क्यू बोल ही नी रखो हो। वो सोच्यो 'माताजी भी आज चुप है जद कि पिताजी रा सुरगवाग हाळ दिन माताजी ही बी नै मोसर जिती गळत म्ळी ने तोड़बा रो माहस बघायो। महेश नै चुपचाप देख'र बी रो चाचो बोल्यो "आज आपा नै सो क्यू मिलै है। चाये जी महाजन कनां आपा बीस तीस हजार रो सामान उठा सरा हां। मारो समाज आपणै ऊपर आगली उठार्यो है। आपा नै दादा भाई को गोमर करणू ही है।

वो आपरा ई चाचा नै आछी तरां जानै है। एक बार बी रो भोई चाचो बी का मगाबा पर एक आदमी कनै पाच सो रुपया ल्यार खुद बरतगो हो, बी नै पाच पीसा भी कोनी दिया। "अजी, रुपयां री धाने काई कमी है। धाने धामें जित्ता रुपया हूँ देस्यू।" पिरोतण बोली।

महेश नै जाणकारी है कि आ वा ही लुगाई है जो गाव हाळा नै सात-सात रिपिया सैकडा पर उधार रुपया देवै है। "हूँ पटवारी जी नै के देस्यू धाने चाये जित्तो सामान आपणी दूकान सून ले लेयो। रुपया थार कनै होवै जणा दे

दीज्यो।" पटवारण बोली।

परिवार रो बो मिनख जो बी रो चाचो लागे हो, बोल्यो "महेश तू यूं कर। आपां पटवारी जी रो दूकान सूं मोसर रो सारो सामान ले आवां पछे जद हीसाब करस्या तो आधा रुपया हूं दे देस्यूं अर आधा तू दीजै। महेश ई चाचा नै आछी तरां जाणै है। वो मन मे सोच्यो 'ओ वो ही मिनख है जद मैं मकान बणवारियो हो तो योही आश्वासन दियो हो अर पछे एक काणी कोडी भी काढ़र कोनी दीनी।

महेश बोल्यो "पिताजी रो मोसर कर बा की म्हारी तो बिलकुल भी सलाह कोनी। म्हारै सामै जिको खरचो है आप सब जानू हो अर जो करजो चुकाणू है वो हूं जानू हूं। ई स्थिति मे ई बेकार की रुढ़ी पर हूं तो पाई भी कोनी खरचूं।"

"तू दादा भाई रो खरच नी करे लो तो हूं करस्यूं। वो मेरो भी तो भाई हो।" महेश रो चाचो बोल्यो। "ये भाई सूं इसो ही नातो निभायो हो तो आप करदयो मनै की एतराज कोनी।" महेश बोल्यो। "क्यू कर दे ये खरच, तू काई भीख मागै है। तेरे खनै आज तो वै सब कयूं छोड़'र मर्या है। तनै की ही चीज रै विसर कोनी राख्यो।" बी री माताजी बोली।

अब स्थिति बी री समक्ष में आवा लागी कि ये सारा जणा माताजी नै मोसर खातर उकसाई है। वो जाणै है कि बी रां परिवार रा सारा भाई आ चाचै है कि वो हमेशा कर्जदार वण्यू रहै अर कदे भी करजा सूं मुक्त न ब्द्वै। ये लोग ई मौका नै हाथ सूं निकळवा नही देवो चावै क्यूंकि यो पांच हजार रुपया खरचा रो अवसर है। माताजी री बात सुण'र महेश नै घरती आपरा पगां तळा सूं पिसकती लागी।

"लेकिन भावू तू ही तो बी दिन मनै समझायो हो। घर रो आमद खर्च के तेरा सूं छानू है। ई स्थिति में यो पांच हजार को बेकार खर्च कीं काम रो।" वो बोल्यो।

"ओ विरपा खरचो कोनी, समाज मे म्हारी नाक कटै है। हूं मरु जणा चाये तूं फी मना करजे पण म्हारै सामै धारै बाप रो मोसर तो कर।" माताजी बोली।

"महेश, परताप पूछण हानो मिनख हो, आज ई मौका पर जै कीं कोनी वरां तो आपणा परिवार री हळी होवै। सो तू सोच अर ओ काम तो तनै करपा ही सरसी।" बी का परिवार में लागण हाळी दादीजी बोली।

"हूं एक सूं साथ भी यो काम कोनी करूं। के मैं सारी उमर करजा मे पिसतो रैबू। म्हारी तनया भी इत्ता करजा का ब्याज वास्तै कम पड़ती। फेर टावर काई धावैला, काई पेरैला।" महेश जावा खातर उठवा लाग्यो। बी नै

उठतो देख'र बी रां माताजी बी रां चाचा नै कैयो "गिरवरजो, टहर में म्हारी जो तीन बीगा जमीन है चाई बी नै बेच'र ठाकर रो खरच करो। ओ नो करै तो जाणदयो। ई का टाबरां नै पाळबादधो ई की तनछा सूं।" सुणकर साब्या ई महेश की आख्या आग अंधेरा छायगो। बी घम्म सूं उमटो बैठग्यो।

"ये सोचो मास्टरजी, ठाकर के बार-बार मरैला। समाज में जकी रिवाजा है बै तो निभाणी ही पड़सी खर पे डरो क्यूं हो, यारै जमीन रही, नौकरी रही।" पुरोतण बोली।

"गांव में इसो कुण मिनख है जका कं करजो नहीं है। करजा सूं काई बबरणू। करजो मिनखा कईं हीवै है। अगर टैम पै म्हे की काम सूं चूकगा तो समाज में म्हारी नाक कट जासी।" महेश का परिवार रो एक चाचो बोल्यो।

"हूं कैरी हूं, पै सारी बिवस्ता करो। मिसरजी नै गरुड़ पुराण बांचण रो कहैवादयो अर सारो इन्तजाम करो। ओ पीसा देसी तो ठीक है नही तो वा जमीन बेच'र हूं देस्यूं खरचो।" महेश री मां बोली।

"पटवारी जो नै कै'र हूं दो तीन दिन में सामान मंगा देस्यूं, छाढ, घी, बेसन सो क्यूं। ये तो ठाठ सूं होवणदयो ठाकर रो मोसर।" पटवारण बोली।

महेश सोच्यो बी की आज वाही गति होरी है जकी सात महारप्पां रा चक्रव्यूह रा चंगुल में फंस'र अभिमन्यु री हुई ही। बी नै नै 'हो' कैवतां बणी न 'ना'। जने-जने सारा जणा एक-एक कर जावण लाग्या। अंत में वो भी 'हारपोड़ा' सिपाही की तरां पग बढ़ा तो बठा सूं चल दिमो।

बखत रो बेली

० मुरलीधर शर्मा 'विमल'

शिवरातरी नै घर-घणियाणी अर टाबर बास-मोहलै री लुगाया अर टाबरा सागै शिववाडी चल्पा जावै । म्है म्हारै कमरिय मे ठालै पंसारी रै उठावै-मेल ज्यू, म्हारा पोथी पानडा रो उठावो-मेलो कल्ल । उणीज टेम म्हारा एक घणां नैड़ा साथी शर्मा जी आय जावै । मांय नै आर बैठता थकां कैवै—
“एकर तो परबारो ही निकळ हो, फेरुं सोच्यो मिलतो जावू तो ठीक रैवै, नई जणा ये ओळमो देवता म्हारी गैळ को छोड़सो नी ।”

“म्है आज रात री गाड़ी सू जैपर जा रैपो हूं, कीं मंगावणो हुवै तो बोलो ?”

“हणै जैपर कांनो किया ?”

“बोस तारीख नै भाणजी रो ब्याव है ।”

“आज तो चवदईज हुई है, इतरा बेगा जार कांई करसो ?”

“म्है कोई भाणजी रै नातै तो जा को रैयो नी ! आ म्हारी सगी भाणजी भी कोनी । जा इण खातर रैयो हूं कै इण रो बाप म्हारो लंगोटियो पार है ।”

“लिख्यो है, सागै रैयां वरस बीत ग्या, ई मिस सागै रैवणों भी हो ज्यासी । ब्याव तो म्है, बखत रो बेलीयो निभावतों, भाईपै सू अळगो होंवतो, एकंदम नुवै तरीकै सू, वैदिक परम्परा सू करवा रैयो हूं । सामलो भी भलो आदमी है, एकंदम नुंवा विचारां रो । दहेज-परपा रो लूठो विरोध करणियो । सोनै में गुहागो है । काम-आज की नई है । बस यारी ओळू आय रैयो है ।”

“ओ देखो कांई सांतरो कागद माहणो है ?”

मात-भासा मे लिखियोहूं कागद रै मोती जैड़ा आखरां मे नवा विचारां नै बांच'र म्हनै पणो हरख हुवै । उण टेम शर्मा जी रै जै'रै मायें बापर्योहैं

चैनकै ने लख'र म्हारी उवारै जून बेली मे घणी रुची जागण लागै ।
“यारो भायलो हणै काई करै है ?”

“जैपर मे एक बैक में मैनेजर है । मीनै रा हजार डोढ़ उठावै है ।”
“काई नांव है ।”

“नांव तो दीपचन्द है पण हं उननै यारी रै नातं दीपू कहा कसं हूं अर
वो भी म्हने मूळचन्द री जाग्यां मूळो कैय'र बतलाया करै है ।”
“मिनख काई है देवता है देवता ! लाखां में एक ।”

म्है शर्मा जी नै और खुलण री गरज सू छेड़ूं—“पीसं आळी मोटी
आसामी है, इण खातर तारीफां रा पुल बांध रैया हो ।”
“श्याम जी ये भी जबर बात बणाई, बेलीपै रो पीसं सू काई नातो ?

“वो म्हारो भायलो तो खैर हैइज पण उण रो एक बीजो रूप भी है,
जकै रो आज म्है ही नई; जाणे जका सगळा घणो मान करै है ।”
“ऊमर मे यारो साईनो ही हुवैला ?”

“हां साईनो ही समझो । म्हा सू कोई बरस दोय एक छोटी है । म्हा
दाई उणरै भी दोय छोर्यां अर दोय छोरा है ।”
“हाल तो आ पैलड़ी छोरी ही परणीजती हुवैला ?”

म्हारी बात सुण'र शर्मा जी काई ताळ तो म्हारो मूंडो जोंवता रेंवें फेर
चेरै मायें की संजीदगी बपरांवता कैवण लागै—“हां पैलड़ी ही समझो !”
“बपू, इण सू पैला रो टाबर हाथ कोनी लाग्यो काई ?”

“भगवान करै इसो टाबर काई रै भी हाथ नी लागै अर जे लागै तो दीपू
जैदी छाती भी देवै । घन है उणरी छातो नै ।”
“कोजी छोरी पानै पड़ी हुवैला ?”

“छोरी तो घणी फूठरी है । दाग तो छोरी री मां में परगटपो हो पण
दीपू री ऊंडी सूझ अर माहं बखत रै बेलीपै रै कारण वो चादड़लै रै दाग ज्यू
बण नै रैय गयो । घैर, छोडो उण बात नै !”

“इयां नई शर्मा जी, बात सरू कर ही दी है तो हमै पूरी तो पानै
करणीहीज पड़ती ।”
“आ छोरी सुची जकै रो पूरोनांव सुचित्रा है अर जकै नै दीपू ए०१००

साई भणा-गुणा'र अबै एक डाक्टर सागै परणाय रह्यो है आ है तो म्हा १ बैन
री बेटी पण केई ओर सू ।”
“यारो दीपू सब-मैरेज करी हुवैला ?”

“नई जी साई नै घोघें सू परणाय दियो ।”
“ब्याव हुवण रै कोई छव एक मीनां पछै सातवो लागताई आ छोरी

हुयगी !”

“जणा तो घणो रोळो-रप्पो हुयो होसी ?

“रोळ-रप्प में काई कसर रैवती ? दीपू रो बाप तो खबर सुणताई
किसनगढ जा पूग्यो ! किसनगढ में ई तो दीपू रो सासरो है। पाछो आवताई
कह्यो-पूरी-माठी छोरो है। सतमांसी री बात बणा रैया है। आपा न इसी
छिनाळ राड ने घर मे पाछी को लावणी नी !”

“फेर काई हुयो ?”

“हुयो काई, दीपू रै दूज ब्याव री तयार्यां होवण लागी। मोटी-मोटी
आसाम्या चोखो देज-नेज रो लालच देय'र दीपू अर उणरै बाप रो घेराव करण
दूक्या। दीपू रा माईत तो तयार हाईज। एक जाग्यां बात भी पढ़की होयगी।
पण दीपू साव नटग्यो—एक सुगाई होंवता यकां दूजो ब्याव नी कर सकू !”

“घर आळा घर सू नातो नी रैवण रो “अल्टीमैटम” दियो पण दीपू
टस सू मस नी हुयो।”

जात बिरादरी आळा आप-आप रो सिट्टो सेकण सारू दीपू सूं मिळता,
म्हारी बँन रो चरित्तर लून-मिरच लगा लगा'र बन्धानता। दीपू काई दिन तो
सुणी-अणसुणी करतो रह्यो। एक दिन पंचायती करणिया उणरै अठ जा ठूकै।
उण रै बाप री भी सै ही।

“दीपू उवां लोणा री ऐड़ी रांत काटी, कै पूछो मत। लोणां रै कानां
रा कीड़ा झड़ग्या। सै जणां आप-आपरो सो मूढो लियां टुर-बहीर हुया।”

“इतरो कैय'र शर्मा जी म्हारो मूहटो जोवण लागै ! मैं पूछू—दीपू
उवांने काई कह्यो ?”

बो पैला तो पूछ्यो—जात री पंचायती लोणां माथे आगळी उठावण
सारू ही हुवै है, कै जात री भलाई री भी चेत्तै है।”

आज ई मूंगीवाडे में लोणां रा दिन कटणा मुस्कल हो रैया है। पंचायती
ओसर-मोसर, देज-नेज, जीमण-जूठण आळी किणी कुरीत न छोड'र अणूतो
घरचो कम करा'र लोणा रै भले री चेती हुवै तो बताओ ?”

समै रै लागै बैवण री धिमता काई मे जागी हुवै तो बताओ। नई जणा
म्हारै निजू मामलै में पंचायती करणे री काई नै दरकार नई है।”

“जात आळा कुण किमा भळ-माणस है म्हासूं छाना नी है। अंधारै
उजाळ में त्रिका भिस्टा चाटता फिरै उवांने आज कोई की कोनी कैय रह्यो।
एक सुगाई जात सू भोळ-अण भोळ में कुठोड़ पग पडग्यो तो सगळ्या जणा उण
माथे आंगळी उठावण लाग ग्या। बा छोरी म्हारी है, म्हे ब्याव सू पैला म्हारी
सुगाई सूं मिळ्यो हो। बोतो अन काई कैयो हो ?”

“पारो दीपू याकई जोरदार बात कैयी। गाभा में सै नागा है। दीपू

इतरी ऊंडी नी बिचारतो तो पारी बैन रो जिन्दगी खराब रहे जावती ।”

“आ तो दीखती बात ही । दीपू रँ छोड़्या पछँ उग रो घणी छोरी कोई नी हो । का तो जलम भर रंडापो भुगतती का बैभ्या जैहो जीवन बितावती ।”

एकर तो दीपू में भी कमजोरी बापरणी ही । वो म्हने आर कहाँ—मूढा म्हारो सासरो पारी भुवा रो घर है अर बै लोग आपां रँ रसूक सूं भी वाकफ है । तू उठेँ एक कागद लिख दे—कै बै लोग की बात रो सोच नी करे । म्हे खुदो-खुद आर म्हारी लुगाई नै लिआसूं पण उणरी छोरी नै उवां नै आपरे कने राखेर पाळणी-पोसणी पड़सी । बांनें भी तो कौं दण्ड भुगतणो चाईजे । सगळा सूं बेसी गळती तो थारै भुवाजी अर फूफोजी री है जका आपरी छोरी नै कंटरोल में नी राख सक्का । टाबर जणतो तो संज है, दोरो तो पाळनो है ।

“दीपू रो कैवणो बाजब हो । म्हे उणीज दिन पूरी बात नै घोधी तरिया मांडेर लिख देवू ।”

पण ये तो उणीज छोरी रँ ब्याव मे जो जा रेमा हो जकै नै पारो दीपू अपरे कने राखण री नां दीखी ही ।

शर्माजी म्हारी बात सूं आपरें चेरै नै एक सांतरी मुलक सूं भरता कैवे—उण छोरी नै काई समझेर दीपू पाछी आपरें कने लिआयो ई परसंग में हीज तो दीपू रँ परितर रो सागोपाग ऊजळो पथ उपड़ै है ।

“अच्छा !”

“हां, जकै दिन वो आपरी लुगाई नै सेर पाछो जाये में उणीज दिन सिक्का पड़ीसीक उणरें उठे जा पूगूं । आंगण मे छोरी नै रमता देखेर म्हने पणो अचूंभो हुवे !”

“बैठक में जाेर बैठपा पछें मैं दीपू नै पूछूं—ओ पांचो कयूं घाल्यो ? म्हारा फूफो जी तो साव लिक्को हो कै छोरी नै म्हे राख लेस्या । जणां दीपू बोल्यो—बै तो राखण नै तयार हा, म्हारे ही उठे छोड़ण री को जंची नी ।”

“पण कयूं ?”

“म्हारे ई कयूं रो जको उधलो म्हने मिल्यो बस उण रँ कारण ही म्हे उण ने देवता जैहो मानूं हूं नई जणा आज बधत री बाथां में समूजते गानछं कने कठे इतरो टेम है कै वो आपू-आप सूं बारै निसर नै खुद रँ अर समाज रँ बाबत कौं बिचार सकें । समे रँ पाबंदा सागे पाबंदा उठा सकें । ठरडीजणो बात बीजी है । समे रँ सामे चालणियो दीपू जैहो बिछो ही हुवे है ।”

“बो कहाँ—पैली बात तो आ हैकै म्हे ऐलाण कर चुक्यो हो कै आ छोरी म्हारी है । नीं सांवतो तो लोग री निजता में गिरतो । अर लोग री

निजरां सूं बेसी म्है म्हारी निजरां में गिर जांवतो ।

“लुगाई लायो तो किण माथे किरियावर कर्खो ! खुद रै सुवारय ताई लायो । लुगाई नै छोड़ देवतो तो आ छोरी मतई छूट जांवती, पण खाली ई छोरी नै छोड़घा तो गुणंगारी नी होवता हुया भी भोत बडो पापी बण जांवतो । पापी मन नै ढोवण जँडी सामरय कठै सूं लांवतो ?”

आ छोरी साव अनाथ हुई जावती । म्हारा सासू सुसरा आपरी जायोड़ी नै नी सांभ सक्या जणा ई छोरी नै संभालण रो तो सुवाल ही को होनी ।

“मा रै ताड बिना एक ऐडो पिराणी पळतो जको सगळें समाज नै गाळपां ठोकतो । उण रै सखरै अन्तस री दुरासीसां सूं न भालम कितरांजणा होमीजता !”

शर्मा जी रै चुप होवताई मैं कैवूँ—“वाकई शर्माजी, दीपू घांरो एकलां रो ही बेली नई है वो तो ऊंडी विचारणियो बखत रो बेली है । एक म्हारो साढ़ू है जको बैम-बैम मे आपरी लुगाई नै घासलेट न्हाख'र बाळ दी अर उढायदी कै स्टोव सूं बळ'र मरगी ।

अरे राम-राम ! ई माथे तो हित्या रो मुकदमो दायर कर'र करणी रो चोखो मजो चखावणो चाई जै ।”

“चाईजै तो घणोई पण म्हारै सासरै आळा बापडा गरीब आदमी है । मुकदमै बाजी मे की आणी जाणी नई है, पीसै रो खोगाळ करणो है ।”

“आईज बात सांची है ।” इतरो कैवता शर्मा जी उठ जावै । फेरूं कैवै—लो अबै इजाजत हुवै, पांच बजगी है, सात ताई ठेसण नी पूयो तो जाग्या मिलणी मुस्कल हो ज्यासी ।”

बात है आगे म्हारें हिरदै री पीड कुण जाण सकै ! टाबर पाने पख्या है...
 काई इणां रो ध्यान राखणो नौं चाइजै ? काई में ओ नौं चावूं के म्हारा छोरा
 फुठरा-फुठरा गाभा पैंरै नै इस्कूल जावै ! पण काई कहूं ! म्हारी आ आदत
 कोनी के दूजां मास्टरां री तरिया में भी छोरां रै घर जावै नै उणां रै मां-बाप
 सूं मितूं अर ओ कैवू के—आपरो छोरो ठोट है, सा... अगर ओ कैय भी देवू तो
 ओ हर्गिज नौं कैय सकूं के—छोरा नै म्हारें कर्न भणवा भेजो “क्यू के ओ
 कैवण सूं म्हारें स्वाभिमाण में की फरक पड़ै है । अगर कोई छोरो पिता री
 मरजी सूं म्हारें कर्न भणवा आवै परो तो में उणनै भणाय देवू... पण छोरा
 रै लारै-लारै फिरणो म्हारें बस रो रोग नी है । पण छोरा इया पढ़ण नै कद
 आवै है ! वे तो खासकर नै उण मास्टर सा'ब रै घर जावै हैं, जिको उणां नै
 इस्कूल माय डरावै-धमकावै अर इम्तहाण माय कम नम्बर देवै... पण अंडा
 कामां सूं म्हारो मन घणो दुखी हुवै है ।

आज सूं अेक बरस पैला इम्तहाण री टैम मे अेक छोरो म्हारें घर
 पढ़ण नै आयी हो । उण छोरा रै बाप म्हनै कह्यो, “इण साल छोरो निकल
 आवै तो ठीक व्हेला, सा...”

“पास री गारंटी तो म्हारें कर्न कोनी, सा...” में कह्यो, “पण
 भणावण मांय की कसर राखूंता नी ।”

फेर काई हो ! दूजै दिन बाप बेटे नै भणवा भेजणो ई वन्द कर दियो ।

...पण अबै म्हनै वे सय बाता करणी व्हेला, जिको में हालताई नी
 करी ही... नीतर लुगाई सूं माया-फोड़ी हुयती ई रैवैला । ठीक है काल सूं में
 आ कोसिस ई कस्ला के द्यूशन मिलै ! अर कहाणिया कवितावां बंद... अर
 में खाट माय आराम सूं सोय्यो ।

पण आज इस्कूल आयी तो डाकियो म्हनै अेक लिफाफो देय' नै ग्यो ।
 लिफाफो खोल'नै कागद बांच्यो । अेक पत्रिका सारू सम्पादक म्हारें सूं अेक
 कहाणी री मांग करी है । सम्पादक कागद मांय लिख्यो के में आले दरजे रो
 कहाणीकार हूं... अर में कहाणी नी भेजू तो सम्पादक काई सोचैता ! पण में
 काई कहूं ? अेक भी कहाणी लिख्योटी नी है... आफिस माय कुर्सी माय बैठो
 बैठो में सोचूं हूं... अेक कहाणी लिखण सारू कम-सूं-कम दस-पन्दरै दिन लाग ई
 जावै... पण घर बैठै नै कहाणी लिखण लागूं तो लुगाई सूं मगजमारी करणी
 पड़ेता... बा द्यूशन सारू म्हारो भेजो खाबैला... पण म्हारी आ आदत नो है
 के में भी दूजां मास्टरा री तरिया छोरा नै ओ कैवतो फिहं के पाने पास
 कहूंसा, भणवा परा आवग्यो, नीतर कासै घांरी-म्हारी बात... अेही बाता
 म्हारें दिमाग में आवै तो घणी, पण छोरां रै सामी कैवण नी सकूं । सायत
 म्हारी आतमा रो ओ असर व्हेला... अबै आत्मा रै बिताफ में पग आगे कीकर

घरूँ ! अे बातां म्हाारी सुगाई नै किण तरिया समझावूँ ! अगर इण बातां रो छीच रांद'नै उण रै आगै परोस देवूँ तो भी वा ओ हीज कैवैला—कमावण रो नीयत कोनी है...कागदा माय आख्या फोड़णी हुवै तो आधी रात रा भी तयार हो...भला पढपा म्हारै ही'ज पानै ।

कीकर भी हुबै, म्हनै अेक कहाणी तो लिख'नै भेजणी छैला, क्यूँ कें अेक तो कोई कहाणीकार रो कदर कर'नै उण सू रचना मंगारवै अर अेक रचनाकार खुद भेजै...दोयाँ माय को फरक पड़ै है !

कहाणी भेजण रो बात तो ठीक है, पण कहाणी लिखू कठै ? घर मांय तो सुगाई नै कहाणी सू चेर है । घरै म्हारै हाय मे कागद देखतां ई वा कहाणी लिखण रो सक ई करैला...अेकाअेक म्हनै तालाब मायै हनुमानजी रै मिन्दर रो ध्यान आयो । उठै बगीचो भी हैं । उठै बेंठ'नै कहाणी लिखणी ठीक है । पण सवार रो टैम घर सू बारै जावण सारू की बहाणो तो चाइजै !... ठीक है, सुगाई नै कें देखूला कें अेक सेठ रै घरै छोरा नै भणावण जावू हूं । वा भीत खुग हुय जावैला...पण महीणो पूरो हुवता'ई वा पईसा रै बारा में पूछैला तो...तो काई ! शट म्हारै दिमाग मे बात आई कें एरियर बिल आवण आळो है...आ रकम उण नै दे देवूला । आ बात ठीक जची है ! अर मैं चौधी क्लास रो हाजरी रजिस्टर लियो अर क्लास रो तरफ चालतो रह्यो ।

सांझ रा इस्कूल सू मैं घरै आयो तो सुगाई नै कह्यो, "सुणै है ?"

"काई ?"

"कासै सवार रो टैम अेक छोरे नै भणावा जावूला ।"

"भलै जावजो, किता रुपयां तै करिया है ?"

"सित्तर रुपया ।" मैं कह्यो, क्यूँ कें एरियर बिल सित्तर,सू कम नी है ।

"यै कहाणी लिखो तो भी थानै इतरा रुपया नी मिलै है अर आंठयां फोड़ो वे अळगी !"

"यूँ ठीक कैवै है ।" अर पाछती पढपा मांचा मायै मैं लांबो हुआ अर कहाणी रो प्लॉट बणावण सारू भगज नै शटको देवण लागो ।

तीन जाळी खाग्यी

□ ईश्वरसिंह कुलहरि

बी दिन, मैं सुनिषा ही उठ्यो। उठ्ठर घराळी नै कहाँ कैं दो रोटी ताबळी भी बगा देई। म्है पैत्याळी मोटर स्पू ही स्कूल जाऊंगो। घराळी बी दिन क्यू जवादा ही चेळ पर हो। पटमाफट दो रोटी दणा दी। घी सू चोपड रात की बाटपोही नसण की चटणी घाल भी नै खाई। बोली ल्यो जीमो। घड औरत्याऊ ह। म्है डेड रोटी अर आधो कीतो धई खा की झट पेचो हाथ मे लियो अर ताबळो-ताबळो चान पच्यो।

मेले मे मोटर को घराट सुणयो, तो जोर स्पू भागयो। भागतां-भागतां हाकडें भरगयो। जद स्टेंड पर पूच्चो तो पतो लाग्यो कैं वा तो कोई बरात की मोटर ही। खर। बीस मिनट पाछें म्हारली मोटर भी आग्यी। मोटर मे पग टेकण नै भीज गा कोनी ही। म्है तो म्हारो चुपचाप ऊपर जाय की छत पर बैठगयो। रामगड आता ही मोटर मे नीचें जगां होग्यी। म्है भी नीचें आ इले-वर कैं पीछें आळी सीट पर बैठगयो।

बैठ स्पू म्हारी स्कूल का एक मास्टरजी भी मेरें बराबर आळी सीट पर आकतो बैठगया। बैठता ही बोल्या आपणें भी काल की छुट्टी करस्यो के? म्है बोल्पो क्यांकी? मास्टर जी बोल्या म्है सुणयो है कि कलेक्टर छाटू क्यामजी कैं मेळें की छुट्टी करदी। मैं बोल्पो सुणनं स्पू काम कोनी चालें। आठर आसी तो आपां भी कर देस्या।

मोटर पैत्या की तर्या फिर खूब भरग्यी। कण्डेटर अर डलेवर चाय पी की आया र मोटर फिर चाल पडी। मोटर पाच मिनट ताई तो सड़क पर चाली। पाछुअ कच्चें रस्ते पडगी।

मैं देख'रपो हो कि यो डलेवर बार-बार आपकें सामनं लाग्योडें काच मं के देखें है? म्है भी झुककी बी काच मे देख्यो। म्हानं एक जवान तो मुग्रहो दीख्यो। मेरें डलेवर की बात समझ मे आग्यी।

मैं भी म्हारलै मास्टर जी की नजर बचावकी पीछे आली जनाना सीट कानी देख्यो । म्हनै वो गोरो सो मुखडो आघो ही दीख्यो । फिर एक बार फुर्ती स्यू पीछे देख्यो । अबकै पूरा दीख्यो हो । कुल मिलावकी बा भो फूटरी लागीही । एक मनचल्यो छोरयो भी बार-बार बी कानी देखर्यो हो । वो होळ-होळ गुनगुना'र्यो हो "पल्लो लटकै गोरी को पल्लो लटकै जरा सो....।"

मैं विचारां मे डूब'र्यो हो । शायद डलेवर मेरै स्यू भी ज्यादा डूबर्यो हो । अंत में दो कोस आळो स्टैंड नेठयो भी आग्यो । अठै स्यू भी म्हारी स्कूल का एक मास्टर जी बैठ्या ।

मोटर थोड़ी सी दूर ही चाली ही कै एक छोटे सै रेत कै टीबे में फंसगी । पर-घम । डलेवर बोल्पो आळी लगाओ । छत्तासी अर कण्डेक्टर आळी लगावै लाग्या ।

इतनै में पैत्याळा मास्टरजी दूसरा मास्टरजी नै बोल्या "देखो ? ये बैठता ही कुसुण होग्या, मोटर टीबे मे फंसगी ।" दूसरा मास्टरजी हाजिर जवाब हा । बोल्या, "मैं हूं जणां आ निकल तो जास्सी । नई ये अठैई फंस्या पड़्या रहता ।"

मोटर चाल पड़ी । एक आदमी बोल्यो, "देखो ? अतीसी दूर यं ही । तीन आळी खाग्यो । एक छोरो जीनै पतो कोनी हो कै आळी के होवै, बोल्यो, "एक आळी कतै की आबै ?" छत्तासी बोल्यो, "तीस रिपियां की । "ई पर वो छोरो बोल्यो, "ई को मतलब आ नब्बै रिपियां की आळी खाग्यी । "ई बात पर मुसाफिर भोत हंस्या अर बी बिचारो शरमायग्यो ।

मैं सोचण लाग्यो कै मोटर फंसगी ही अर आळी लगावकी निकाल यी । फिर चालै लाग्यी । अंयाई आपणै ग्रहस्थ की गाड़ी चालै है । जद ग्रहस्थ की गाड़ी कठे पंय जावै तो हर आदमी आळी लगावणी की कोशिश करै । जै कै कर्न छोटी-बड़ी मब जाळ्या हैं अर आळी लगाणो जाणै हैं बै तो आपकी ग्रहस्थ की गाड़ी आराम स्यू निकाल सेज्यां । कइयां कर्न आळी तो हैं पण लगाणो कोनी जाणै । भोतसा कर्न न तो आळी हैं अर न बै लगाणो जाणै है । अइयां की ग्रहस्थां की के हाल होतो होगो ? भगवान ही जाणै ।

आ विचारां में मैं डूब'र्यो हो कि पाणचकै ही आवाज आई—उतरो भाई डाठण ।

मैं देखो मेककी नीब उतरग्यो । पास मे ही स्कूल मे जा पूंख्यो । बी टाइम छोरो प्रायना कर की क्लासां में जाइया हा ।

मिनी कहाण्यां

□ डा० उदयवीर शर्मा

पेड आपरं फळां सून लडालूम होयो खड़घो हो । फळ भी रस भरघा ढाली पर झूमता जीवण रो रस नूटै हा । एक दिन एक फळ आपरो मून तोड़ता बोल्थो, “मन्नं लटकता लटकता बोळा दिन बीतगा । मैं इब ढाली सून अळगो होस्पू । दुनिया मे जीवण रो रस लूटस्पू । तेरो मेरो काई लेण-देण ।” पेड पड़तर दियो, “जा, मैं तन्नं पूरो रसदार वणा दियो, फका दियो । इब कठेई जा । पण याद राखिए तू मेरै सून अळगो नी हुई मकं । मेरो बीज तेरै में है । इन सून मेरो तो बघेबोई होमी ।” बात पूरी होता होता ई फळ ‘टप’ दे तळ आपडघो ।

□

भायला री मण्डळी मीर-मपाटे पर निकळघोडी हो । माग्न में भात-भात रा प्रश्न उठे हा, अर गिरै हा । एक रगीमो वातावरण होरघो हो । जणा एक् जणो बोल्थो, “जिनगानी सघर्ष सून मफळ हूवै ।” दूसरो आपरो प्रभाव जमावतो बोल्थो, “जिनगानी दिवळं री ज्यू बळगं सून मफळ हूवै ।” टं बाल पर एक साथी तावणो सो आ'र बोल्थो “परिस्थितिया री चोट खा र्जा'र घडावळ री तरिया बाजणं सून जिनगानी उजागर हूवै ।” जितणा साथी जितणा ई तरक सामं आया । जणा एक जणो जोर देंवतो बोल्थो, “ये मैग वाता तो ‘भोगिया’ री है । जिनगानी तो बीज री तरिया माटी मे मिल'र बलिदान होवण सून अमर हूवै, त्याग सून जिनगानी नै अमरता मिलै । भोगण नै तो मैं ई त्सार है ।” सुणता ई मैं चुप ।

५० / कोरणी कसम री

गांव में एक नुबै मन्दिर में मूरती की धरपना होण आळी ही। एक जन्मसो मनरघो हो। भगत आवै हा'र जावै हा। भगती रो रमझोळ होरघो हो। घणी फूटरी अर मूंडे बोलती मूरती मन्दिर में विराजमान होगी ही। बग पट धुल्लण आळा हा। मैं भी बी भीड़ में बैठघो दरसण रै आणंद रो बेळा नै घणै चाव सू उडोकै हो। मेरो नाम भी लोग भगतां में लिख राख्यो हो। ई कारण मन्न आगली पांत में बैठण रो आमण दियो गयो।

टेम पर पट मुल्या अर जै जै कार रो धुन घणै जोर सूं एक साथै होई। बा धुन रुकी कोनी, गूंजती रई। मन मोवणी मूरती रा अग अंग घणै चाव मुषड़ता अर निपुणार्ई सूं बण्णा हा। सैरो चित आपो-आप भगती भाव सूं भगवान कानी विच्यो जारघो हो। सै भाव सागर में गोता लग्यारघा हा। मूरती रा दरसण करता ही मेरै मन में भगती भाव रै साथै एक भाव और जाग्यो कै इसी मूठी मूरती नै बणाणियो कुण हो? बा भगवान सूं बडो कै भगवान बीं सू बडो। इतणें में अचाणचक मन्नै एक दरगाव होयो, "सै चन्नण होगो, मूरती में सै भगवान रो साचल रूप परगट होयो अर बी रूप में रूप मिलाया हाथ में हयोड़ी छीणी अर टांकी लियां एक जणो और दोह्यो" आंख खुली अर मेरो भ्रम मिटगो। मन हळको हळको लागै हो।

□

ता' आच्यो, "नदी ! तेरे बगती निरमळ जळ में मन्नै भगवान रा दरसण हावै। तेरी आतमा तो घणी ऊजळी है।"

नदी पडूत्तर दियो, "आतमा तो तेरी अर मेरो एक ही है। यो तेरै तप रो ही फळ है। तू ठोड गड़घो तप है। जिसो आप होवै वैनै दूजो भी बिमोई दीखै।"

□

गैनाथी चालतो-चालतो गंतै नै पूछ बैठघो "अरै गैना ! तेरै पं देयां जठे हो धूळ हो धूळ पडी देगा। यो काई ढंग है। तू मदीव बगतो भी रैवै है है फेर भी धूळ ई पांती आई।"

गैना बोल्हो "तेरे सरीखा चाल्या तो धूळ हो रैमी। मैं तो सत-पुरसा, बीग अर सात महानमाबा रै पाण ही जगमगाट करतो रैऊ। मेरी मोमा तो ओं मूं ही बधै। अंरा-गैरा तो घणार्ई बगता रैवै है पण मगपुरसा रै बणायेई गैना में ई इमरत रो बरगा होवै है।" गैनाथी रै घणो बिणयो लाग्यो पण

जोर काँई ? बात साची । भैला न देखें तो धूळ उड़री ही ।



एक सूंठो, जाण्यो मान्यो अर पीसा आळो मिनख बैस्या रें घरपां गयो । बठें सेण देण मे झगडो होगो । बात आगे बडणी । जणा बो बोल्यो “तू पापण है, कुलटा है, मेरो मूडो देखण रो घरम कोनी ।” इग बात पै बा बोली “मैं तो मेरो पेट री भूख मिटावण ताँई यो घघो कसं पण तू तेरी मन री भूख मिटावण ताणी अठें कमू दूबयो । बता पापी तू कै मैं ?” मिनख री मांगली आंख खुलणी अर वो पगां पड़गो ।



खेत री मीव पै ऊभो एक कूचो मस्ती में लहरां लेरपो हो । बीं पै आपोडा छिरगा पून रें झोका मे नाचें हा । छिरंगा री मस्ती में आपरो हरख मिलावती एक चिड़ी भी पून रें पाण झोटा लेवें ही ।

झूमतो झूमतो कूचो बील्यो, “अरें चिड़ी तू मेरें पै बैठे’र मेरें मनरा सैं भाव जाणगी । इव तू जा र दूजें कूचें नै ये बातां मतना बताई । नई तो तू आपसरी मे लडाई करा’र कूचा रें घर मे लाय लगा दे ली ।”

चिड़ी झट दे पडूत्तर दियो “ये काम तो मिनखां जूण रा है । मैं तो ‘पांख पलेरूवा’ री जूण मे हूँ । मैं तो आजादी सूं विचरूं, मस्ती सूं रोही मे रमू । मन्नै इग दंद फंदा सूं काँई सरोकार । तू निरमै झूम ।” या सुण र कूचो घणो राजी होयो अर बी रें मूँडें सूं निकळी ‘तू घणी भोळी अर सूधी है ।”



एक दिन मैं मळ मळ न्हायो घोयो, तेल फुलेल लगायो, सोवणा सरूप रुपडा धारपा, घणो सज संवर’र एक बुकाव साघण ताणी तयार हो’र मुखडो देखण दरपण ठायो । दरपण मे मुखडो जोबतां ही दरपण में सूं आबाज सी निकळ’र मेरे काना मे पडी “अरे तू नित हमेशा मुखडो ही मुखडो जोबतो रेंवें कदै तो तेरो मनडो भी देख लिपा कर । जीसू मन रो मेल-माख दिख ज्यावै ।”



मिन्तरी री मंडळी जुडी, विंधारां री गोड घालू, बातां रा कसेवा

उड़ण लाग्या । भांत भांत रा विचार आवै अर जाबै । एक जणो प्रश्न करघो,
 “कोयल लोणां सूं दूर बागा मे रमै, सोवणी लागै । कागलो घर घर झाकतो
 फिरै पण खारो लागै । कोयल री ‘कूहू कूहू’ मोठी लागै अर कागल री
 ‘कांव कांव’ खारी लागै । ई रो कोई कारण ?”

दूजो मिनतर लगतो ई बोल पढ़घो “जे कोयल रै जगत री हवा लाग
 ज्या, तो बा खारी बोलण लागज्या । ई में पखेरूवां रो काई दोस ?” सै
 गम्भीर हुग्या ।

बूजी

□ बूजलाल स्वामी

बूजी सारं गांव में, ई नांव सू हीं जाणी पिछाणी जावें । मोटघार लुगार्ह, टाबर अर बूड़ा सगळा बीनै ई नांव सूं ही बतळावें । बूजी लांगां नै कदेई बजार में चीज-बस्त लेवती, कदेई तलाब सूं पाणी त्यावती, कदेई आटो पीसा'र त्यावती सगळां री निजरां में आवती रैवती । चालती-चाजती सगळां सूं राम-राम करती, चावें जाण-पिछाण हो या न हो । कठईं मेळ मुळाकात हुंतो बठे घडी आघ घडी बैठ'र घर बीती, पर बीती भी कर सेंतो ।

बूजी बरस सत्तर नई ही । पण कडक ओजू सांगोपांग ही । ई ऊमर में भी डोकरी न कुडी अर न हाथ में कोई लाठी राखती । हमेस धाघरो ओढणो अर घीणी सी नांचळी पहर्योही राखती । हाथां में काळी-काळी सी एक-एक दो-दो घुडी, जिण में सोनें री तांत ही । कानां में सोनें रा मुरसिया राखती । पणा में टापर री चंपल, जकी बारह भास रैवती । ई रहन-सहन में ही भा हरदम रैवती । मिमाळे में पाळे रें जावसं वास्तं एक बोदो सो घूसनिमो तपट्योही राखती ।

बूजी बास में सगळां सूं पेंती उठती । उठती पाण जोर-जोर ६ राम-राम, राम-राम करती, जको आसं-वासं ताणी सुणीजतो । हाथ मूंढो धो दाणा पीमती । बूजी कदेई कळचाफी रो पीस्योही नों खावो । आटो पीसां पछं सामटेन रें च्यानर्ण पर रें मांय अर बा'रें कुहारो कावती, पण मूंढे सूं राम-राम री रट सगायां राखती । हाथ अर जीभ दोनू सागं चाखता, जाणें दोनू होट कर राधी है । बास री मुगायां वास्तं बूजी अत्तारम घडी ही । बूजी री घटी अर राम-राम री अवाज गुण, मुगायां उठती अर धगधं सागती । मुगायां

कैंवती—उठो ए डाबद्ध्यो, बूजी जागगी । बूजी राम-राम के करती वास आळां वास्तं कूकडो ही बोल ज्यातो ।

बुहारी साड़ी कर, डोकरी दिसा जावती अर पाछी आ, तळाव सू पाणी त्यांबती । गांव में वाटर सप्ताई री टंकी ही । पळी-पळी में टूट्यां भी लाप्योटी ही । बूजी रें सांमलें घर मे ही टूटी ही । टूटी रो पाणी पीवण मे पणोई आछो हो, नीरोग हो । पण बूजी नें तो पीवण वास्तं तळाव रो पाणी रुच्योडो हो । ई वास्तं एक टोकणी तो रोज मूडें अंधारें ही तलाव सूं भर त्यांबती । तलाव भी साव नंडो कोनी हो । किंतो आंतरें ही हो । तळाव सू पाछी आवती जद ताणी की'की' च्यानणो होवण लाग ज्यांयतो । बूजी नें गेलें मे लुगायां मिलती जकी बूजी नें टोकणी भर ले ज्यावती देखतो जप्पा पणो अचभो करती । केई लुगायां टोकती थकी बोलती—बूजी, ई ऊमर मे इती बडी टोकणी, इती दूर सूं कियां से आवो हो ? टोकणी रें ऊपर एक गूणियो न्यारो मे'स राख्यो है । कमाल ही करो हो बूजी । पण बूजी कदेई पाछो ऊपळो नी देवती । बोली-वाली सुणती रेंवती । घरां आय के जरूर आपरी मन री बात कैंवती कें लुगायां मन कयूं टोकें है । लुगायां रो में काई लेजें हूं ।

तळाव सूं पानी ला, डोकरी दो-तीन मटवयां अर घड़ा टूटी रें पाणी सू भरती । पाणी रो जापतो पुरो राखती । कदेई-कदेई टूटी उत्तर दे देवती पण बूजी रा पड़ा उत्तर नों देवता । तलाव रें पाणी री माटकी एक तिपाई पर न्यारी राखती । च्याहें मेर कपडो लपट्योडो जकें नें गमियां मे सारो दिन तर राखतो । ई कारण माटकी रो पाणी पणोई ठंडो रेंवतो । दिन मे कई मोड्यार अर लुगायां बूजी वनै आवता, दा नै भर-भर पिलासा पाणी पयवती । बूजी पाणी री ई माटकी रें की नै ई हाथ नों लगावण देवती । खुद ही दूजें सोटे या गिलास मे घाल'र देवती । कोई गिलास नीं लागण री बात कैंवतो तो बी' नै भी घिगार्ण ही एक गिलास तो पिलाय ही देतो । जको एक गिलास भले पीवतो बी' नै दूजी गिलास घिगार्ण पावती । कोई पाणी नी पीवतो तो बूजी री आत्मा दुःख पावती । ओ ठंडो पाणी बडें जापतें सूं राखती । ई वास्तं वा सगळां नें बडे चा'व सूं ओ पाणी पावती, मन में भोज राबी होवती । डोकरी पाणी री चढ़ाई परती बोलती, —“पाणी बरूं नीं पीयो । इरयो पाणी थानें घरां नी मिलें । ई में तो कैंवटो घाल्योडो है, कैंवटो । एक गिलास पी के तो देखो, किस्मोक काळबो ठंडो होबे है,” अर आपलें भिनघ री हां या ना थूं पंखी ही मुळ्याती-मुळ्याती सट पाणी रो गिलास पावण वास्तं तयार कर गेकारी तिस नीं होवती तो भी पाणी तो पीवणो ही पडतो ।

पाणी रो पुरो जापतो कर, सिनान करती । गिलास कर भिबर लावती । भिंदर मे पनी देर ताणी भजन-भाव कर भगवान गे गिरावती । भिबर थूं भगो

सारी तुलसी अर चिरणामृत लावती जको गेलमें बाँटती चालती। मिदर सँ आय के गोबर पोठो चुग कर लावती, घेपड़ी थापती। घर में घेपड़ी रा ढिगला कर राख्या हा। पछै रोटी पाणी में लागती।

डोकरी कदेई चाय कोनी पीवती। लोग-मुगाई बी' नँ चाय रा न्योरा घणाई काढता पण बूजी तो सोनँ रो टको दिया ही चाय नी पीवती। रोटी-बाटी घाय डोकरी योही घणी देर भी आराम नी करती। कदेई सूई-भूणियों ले, टाको-टेमो देवती, कदेई टूटी-फूटी भीत ठीक करती, कदेई मांचँ या मांचली रो दावण छीचती। भयंकर गरमी में भी डोकरी एक घड़ी चैन नी सेवती। गरमी में जद सगळा नँ नीद रा झोटा आवण लागँ। सगळा जठँ माचो तकावँ अर की रो भी काम करण रो मन नी होवँ, बी' टेम भी डोकरी रो मन काम करण में रँ वँ। कदेई-कदेई तो काळँ-ज्याळँ भी घोलँ दोपारे दाळ या दळियो दळन बैठ ज्यावती। एक हाय में पंखी अर दूजँ हाय मे घट्टी रो हायो। पून छावती अर घट्टी चलावती रहती। जीम सँ राम-राम करती रँवती। तीन-तीन काम सागँ करती। राम-राम करणो तो सारँ दिन मे भूलती ही कोनी। सोवता, उठता, बैठता, फिरता अर घन्घो करता राम-राम तो करती ही। भगवान कृष्ण गीता मे जको उपदेश अर्जुन नँ दियो है कँ तू कर्म भी कर अर मने भी हरदम मुगिर। जाणँ आ डोकरी ई उपदेश से आखर-आखर पालन करँ।

बूजी आपरँ घर में एकली ही रँवती। घर आळो कोई भी सागँ कोनी हो। अणजाण तो आ जाणतो कँ डोकरी रँ आगँ-तारँ कोई कोनी। पण डोकरी रँ बेटा-बेटी, पोती-पोती, दोहिता-दोहिती सगळा हा। डोकरी रँ दो बेटा हा जका जोधपुर ही रेवता। जोधपुर में ही आपरो काम-घन्घो करता। सारो परवार कनँ राखता। डोकरी नँ दोन्यू बेटा कहूयो, "मा, तूँ भी जोधपुर चाल। शांति सँ रोटी खा अर भजन भाव कर। एकली पढी दुख पावँ, फोड़ा भुगतँ। पण डोकरी नँ तो ई घर अर गाँव सँ अणूतो लगाव हो। ई गाँव बिना डोकरी नँ कठई आवढतो कोनी। डोकरी साल मे एकाघ बार बेटा-पोता सँ मिलण वास्तँ जोधपुर चली ज्यावती अर दस-पाच दिन रह आय ज्याती।

डोकरी पैली मास्टरा नँ आपरँ घर मे भाइँती राखती। कदेई एक-एक अर कदेई तीन-तीन, च्यार-च्यार। सगळा नँ रोटी बना देवती। सगळा वास्तँ बापड़ी पाणी भी भरती अर सेवा चाकरी पूरी करती। पण बदले में मास्टर रोटी बनाई रा भी पूरा पीसा नी देवता। कई मास्टर तो पीसा घाय घाय रँ चल्या गया। कोई जोर तो चालतो कोनी। इसी सेवा भाबी मुगाई रो पीसो घावता भी लोग नी हिचकँ।

मैं भी मास्टर बणके पहली पोत ई गाँव में लाग्यो। मैं गयो बी' टेम डोकरी एकली ही रँवती। मास्टर पीसा घाय-घाय'र घोखो देय-देय'र जाता

रहता, जकें सूं ठोकरी रो मन छाटो पड़्यो। की' नै ही राखण रो जीव भीं कर्यो। संजोग सूं म्हारें रिश्तेदारां रें मारपत मन बी' डोकरी रें घर में ठोड़ मिलगी। डोकरी बोलणें में घणी ही आछी। दो च्यार दिनां मे ही मन बी' रें संभाव रो पतो लाग्यो अर बा' भी म्हारो चाल चलन जाणगी। मैं भी म्हारो डोकरी रें सार्ग ही बेगो उठतो। न्हा, घो, पूजा पाठ करतो, गीता रामायण बांचतो अर पछें लिछण पढ़ण नै बैठ ज्यावतो। एकलो तो हो ही। एकलें मिनख रें रोटी पोवणी सगळां सूं मोटी आफत होवै। पण अठे आ' आफत टळगी। डोकरी न्याई-न्याई रोटी वणार खिलाय देवती बदलें में बापड़ी दस रिपीड़ा ही लेवती। डोकरी री तो मनस्या रिपीड़ा लेवण री नी ही, पण कि मजबूरी रें कारण से लेवती।

दस रिपियां रें बदलें तीस रिपियां रो काम करती। बरतण भांडो मांजणो पाणी ल्यावणो, झाडू काढ़णो, सिपाळे में पाणी न्यायो कर न्हावण घर में राखणो बगैरा सारा काम बूजी ही करती। मन तो बेटे सूं बेसी राखती। मा सूं घणो प्रेम राखती। खुद कि चीज वणावतो या बा' रें सू ल्यावती तो मन दियां बिनां नी खावती। बा भी म्हारें विचार सू राजी होगी। बास में मेरी बढाई करती-फिरती, कें मिनख कोनी देवता ही म्हारें घर मे आयो है मन रामजी कह'र बतळावती। कदेई नांव लेयके नां बतळायो। बिना जी-कारो दियां कदेई नी बोली। म्हारें सू पैली जिज्ञा भी मास्टर रैवता सगळा दारू खोरिया नसा करणिया हा, पण म्हारें मे ई तरीके री की लत कोनी ही, ई वास्तं डोकरी म्हारें पर घणी राजी ही।

मन डोकरी कनै घरों जीस्यो ही आराम मिल्यो। म्हारी मगळी चीज-वस्त डोकरी ही ल्यावती। डोकरी ही घान-भात ल्यावती, साफ करती अर कलचाकी सूं पिसा'र ल्यावती। ई सूं बेसी और के आराम हुंतो। मैं घरा कदेई-कदेई ठंडी रोटी प्यावतो। पण डोकरी मन कदेई ठंडी रोटी नी खुवाई। सिध्या कदेई इस्कूल मे मोड़ो हो ज्यावतो तो डोकरी बूल्हे रें सारें रोटी री रुधाळी करती बैठी मिलती। मन घर में बड़ता ही ओछमो सो देती, बोलती—राम जी, मोड़ो घणो कर दियो नां। रोटी ठंडी हुगी हुवली। ठंडी रोटी सुवाद कोनी लागै। त्यो बेगा सा जीमो। म्हारें हां या ना रो ऊपळो दियां पैली ही रोटी पाळी मे परोस देवती। मन पूरा गाभा भी नी उतारण देवती। बेगो सो पाळी कनै आ'र बैठणो पड़तो। डोकरी एक-आघो रोटी रोज बेसी भुवाय देवती। घाप्पां पछें आघो रोटी और पालो में पाल'र कैंवतो—रामजी, रोटी तो मोड़ो ही पाई है। इसी रोटी मूं काई होवै है। पाछी भूख नाग ज्यावती। घान तो पूरो छाओ रामजी। मेरे कनै कि जबाब नी मिलतो। बोनो-बानो रोटी घाय सेवतो।

बूजी जद रोटी बणावती होवती बी टेम मेरँ कर्न या डोकरी कने कोई भी आवतो बी नै थोड़ी घणी रोटी खुवायां बिना नी जावग देवती । डोकरी रँ घर रँ आगँ बैठघो कुतियो भी डोकरी रँ घर रो सदस्य हो । रोटी पोवतो जद पैली पोत कुतियँ वास्तँ रोटी बणावती । रोटी बणाय, टावर नै जिया हेनो मारँ ज्यू हो कुतियँ नै हेनो मारती—छोरा, आध रे रोटी बणगी । ग्याई-न्याई छाय ले । कुतियो भी बूजी रो हेनो सागोपाग समझतो । हेनै रँ सागँ ही आय जयावतो । घर री पेड्या पर रोटी खा, पाछो भाज जयावतो । डोकरी टावर नै ज्यू साह करँ मा बदमासी कइया सिडकँ उण भाँत ही कुतियँ नै कदेई साह करती अर कदेई सिडकती भी । कुतियो भी जाणँ बूजी री सगळी बाता समझँ है । बो' भी कदेई पूछ हलावतो, कदेई होळ्हे-होळ्हे धुं-धुं री आवाज करतो अर कदेई डोकरी रँ पगा पडतो । डोकरी भी बी सागँ ई तरीकँ सूँ बोल बतळावण करती रँवती ।

कुतियँ पछे एक माय री वारी ही । बी नै भी न्याई-न्याई रोटी खुवाय'र आवती । पछे म्हारँ ज़िस्त्यां रो नम्बर हो । छेकड़ आप जीमण नै बैठती । डोकरी री खुराक भली बगी ही । भूख भी सागोपाग लागती । घी, दूध अर दही रो नार कोनी हो, पण छाछ जरूर मांगर त्पावती । फेर भी ऊमर सारू हाट ठीक ही चालै हा । ई ऊमर में भी किण रँ भी सारू नी ही, उन्टी दूसरां री सेवा और करती ।

डोकरी सगळँ माँव में लोकप्रिय ही । ग्याव-न्ता'वँ, एई-मेई डोकरी नै सगळा बुनावता । डोकरी भी बटै चाव सूँ जाती । राजी मन सू काम करावती । मीठो घान खायर आवती बी रो हक देपर आवती ।

ग्याव सावा ही नी दुछण पाछण अर ताव-बुछार में भी डोकरी आडी आयती । पतौ नामता पाण डोकरी सट पूग जयावती । आप मूँ होवनो बिस्वो मा'रो पयावती ।

वात आळा नो डोकरी नै घर रो सदस्य ही मानता । डोकरी नै आधी घडी बिठायर बात नी करता तो वा री रोटी री पधती । डोकरी-भी हँसती-मुछकती बैठ जयावती । दो ग्यार हाछी-मंदी करके फेर आपरँ घग्घ पर लाग जयावती ।

रात नै डोकरी कठई नी जायँ । दिन छियँ ही माँवो नैटो से संनै अर नीद नी आवँ जिजी देर पडी-पडी राम-राम करँ । गियाळँ में डोकरी मायँ पर नी सोयँ । एक दिन डोकरी आपरी बतीसी मुई गू काडर मिराणँ राखी । रोज ही सोवती टेम मिराणँ राखँ । दिनुगे पाछी चढाय सेवँ ; दिन में एक मिट भी नी काडँ । बनीसी भी इमी सागँ जाणँ माचला दात है । बी दिन जद डोकरी दात मिराणे राख्ता तो दिनुगे री डोकरी नै दात साध्या कोनी । मैं भी डोकरी

नै दांत बूँडण में सा'रो लगायो । डोकरी घणी देर फिरोळा लिया । साळ रो खूणों-खूणों सम्हान लियो पण लाध्या कोनी । सेवट बूँडता-बूँडता ऊँदरै रै बिल रै ऊपर पड्या नाध्या । बिल छोटे हो, ई वास्तं दात माय गया कोनी, नीं तो डोकरी रै भारी आपत आय जयावती । मैं डोकरी नै कह्यो—बूजी, दात कोई डबड़ी में घालर राख दिया करो । ऊँदरो अर कुनो जात कुजात होवै है । खावै नीं तो बूँडाय जरूर देवै । डोकरी बोली—राखणा ही पडती नीं तो हांटी हेठ हो जयाऊँ । नागई खाघो ऊँदरो किया लेग्यो । गंडक नारेळ रो के करै । आज ताणी तो कदेई छांडयो ही कोनी । मैं तो हमेस सिरालै ही राखू । मैं बोलयो—बूजी, नानी रांड एकर ही होवै । डोकरी कि कांनो बोली । पछे रोजी नै सोवती टेम एक डबड़ी में दांत घान'र राखती । ऊँदरै वाली बात डोकरी कदेई नीं भूली ।

ई तारीकें सूं बूजी आपरी जिंदगी रा दिन ओछा करै ही । बा कर्मवीर मिनघ री सासात भूति ही । कर्म में ही पूरो भरोसो राखती । ई कर्म रै पाण ही डोकरी इती उमर में भी सुख-चैन री बसी बजावती । भगवान करै ई डोकरी नै माचो नीं झालणो पड़ै अर घालती-फिरती नै ही रामजी बुलाय सेवै तो बापड़ी री काया सुंघर जयावै । मैं डोकरी कनै बा'रा महीना रै यो । पूरा बा'रा महीना बाद म्हारी बदसी म्हारै गाँव रै सा'रै होयगी । डोकरी जद म्हारी बदती री बात सुणी तो घणी ही बेराजी अर दुखी हुई । मूडो उतार लियो । मनै भी घणोई दुख आयो । डोकरी जकी म्हारी सेवा चाकरी करी दै रो बदलो में पाँच दस दे'र नीं घुकाय सकयो । ई डोकरी रो मेवा मनै जिनगी भर याद रहसी अर ई डोकरी नै मैं जीस्यूं जठै ताणी नीं भूल सकूं ।

इस्कूल सूं विदाई आळें दिन मैं इस्कूल सूं सीघो ही कम-स्टैंड गयो हो । पण डोकरी भी बस स्टैंड आयगी ही । आँखियां में आंसू भरेडा, बोली नीं नीसरी । मेरी भी आँखियां में आंसू पड़ण लागया । बोल नीं सकयो । मैं जेब सूं दो रिपिया रो नोट काढ़'र सत्तायो । पण डोकरी हाथ जोड लिया । रिपिया नीं लिया । थोड़ी देर में मोटर आयगी । मैं डोकरी रै पगां रै हाथ लगा'र घालण लाग्यो, डोकरी गळ-गळा कंठा सूं बोली—रामजी, मे तो थारै टोबरां कनै जावो हो । भगवान धानै नींगेगा राधै । मोह लगाय, म्हानै दुखी करके जावो हो ।

मैं पाछो की उघळो नीं देव सकयो । गीती आँखियां सूं एकर डोकरी कानी देखयो अर मोटर में आस'र बैठगयो ।

आज भी मेरी आँखियां बाजै बूजी री स्टैंड आळी मूरत ज्यूं री ज्यूं है । ई सूरत नै मैं मुलाय नीं सकूं ।

ठाकुर सा'ब

□ भीखालाल व्यास

ठंसेण रं प्लेटफारम मायं पडियौड़ी चौकी बैच, जिकौ के उण मोटोड़े नीबड़ें
रं नीच पड़ी है, उण मायं म्हैं उणां नं रोजीना सिझ्या रा बैठपा देखूं। घोळी-
फट्ट मूछां, माया मायं छोटा-छोटा घोळा बाळ, खवर मायं अंगौछी, घोता बर
वायां हाळी बनियान। बं रोजीना ठंडा पोर रा अठे आय जावें अर जठाताई
अंधारो नी ब्हे, अठे बैठा रेंवें। अंधारो ब्हे जरें अठा सूं बहीर ब्हे जावें। मैं
जदै सूं अठे आयो हूं, उणानं अठे नित बैठा देखूं। म्हैं सिझ्या रो खेलण नंजावूं
जरें ई उणां नं उठे बैठा देखूं अर पाछी बळूं जरें ई। म्हैं पैली तो उणानं नम-
सकार कर'र बहीर ब्हे जाती, पण एक'र वठे थम्प्यो।
'आजो, बेठो !' ननोसिक उणा रो बोल सुण'र म्हैं छाली जगं मायं
बैठग्यो।

'खेल आया।' पाछी हल्कोसिक मूछां रो कंपन।
'हाँ सा।' अर उण पछे घणी देर ताई रो चुप्पी। ओ म्हारो उणां मूं
पिछाण रो पैली मोतो।
उणां पछे तो म्हैं उणानं मिळती इज रेंवतो। पण हामताई उणा सूं
म्हारी कदैई घणी बात नी ब्ही।
उण दिन म्हैं निरात मे हो, कपू के हवा तेज चालण सूं उण दिन बाँती-
बाँस रो खेल दिह्यो कोनी। म्हैं उणा घनं आय'र बैठग्यो।
'आप ठाकुर सा'ब रोजीना ई अठे आय'र अवेला इज बैठा रेवो।'
म्हैं थम्प्यो।
उणां नं साराई मिनत्र ठाकुर सा'ब इज कंवे, हालांकि उणां रो नाम
मोवनसिंह बर्वाण है।

“हाँ सिद्ध्या री टैम बारै निकळ जावूँ। कठ फिरण नै जावौँ, सौ अठे आय'र बैठ जावूँ। अंधारो व्हे जितरै अठे इज बैठ ठंडो हवा छावां।’ उणां र मुहा मांय एक ई दांत नी हो जिण सू पोपळा मूडा सू व्हे बोलता जरै होठ थोड़ा मुड़ जावता।

—ठाकुर सा'ब, आप नो घणा बरसां ताई नौकरी करी। म्है बात नै आगै बधावूँ।

—हा, म्है सन् १९०६ मांय नौकर व्हियो हो। सिरफ सोळा बरस री हो जरै। उणचालीस बरसां ताई म्है मास्टर रियो। जिणरा बाप नै पढायो, उण रा बेटां अर पोता नै ई पढ़ाया। अर व्हे पोपळा मूडा सू हेंसण लाग्या।

उणां री हंसी माय म्है ई साथ दियी। बोल्थी—यूं इज है सा, चालीस बरसां माय तीन पीढ़ियां तो व्हे इज जावें।

—हां, जरै इज तो केवू। चालीस बरसा पैंती रें टैम अर आज र टम मांय घणो फरक पढ़ग्यो। काई वी टैम हो। हमे तो व्हे इन्दरलोक री बाता बणगी। उण टैमरा मास्टर री पणी कदर हो। छोरां नै ठोकता तो हाड-हाड बोल जावता पण मजाल है के छोरै रें मूडा सू 'बूँ' ई निकळ जाय, के उणरो बाप सामी आंख करने ई देख लै। आज तो नी व्हे छोरा रह्या है, अर नी व्हे मास्टर।

—हां सा, हमे तो छोरां रें हाथ ई नी देय मका। म्है हुंकारी भर्यो।

—उण टैम तो केवता हा के—छड़ी बाजै छम-छम र बिदिया आवै घम-घम। पण एक बात है, उण टैम री पढ़ियोदो छोरी घणो हुंसियार व्हे-तो। हमें छोरों रें मार नी पढ़ै है तो छोरा ई किमाकसु धरै है, जिको, दिखै इज है। आजकन री गिदा ताई उणां रें चैरा माये गुस्सा किरग्यो।

—और काई, पण मू है ठाकुर सा'ब, छोरी रें हमें तो, हाथ लगावां तो ई छोरों हेठो पढ़ै। म्है मुळबयो।

—आ बात आप साची कंबो, हमें डालहा घायोड़ा छोरा अर मास्टर। हिम्मत ई कोनी। बाई व्ही जमांती हो...रिपिया रा मण गळें मिळता। म्है पैंती बार नौकर व्हियो जरै आठ रिपिया तणखा मिळती, पण आठ ई मूक-कळा व्हेता। उण टैम तेरै रिपिये मो'र मिळती अर देसी धी...पांच आनै पक्को सैर, पैताळीस पइसा भर री। कंबता-कंबता ठाकुर सा'ब बिचारों मांय धोमग्या।

—हां सा, व्हे तो सस्तीयाडें रा दिन हा। हमें तो पढ़ण सुणन नै मिळें।

—म्है व्हे दिन म्हाारी आंख्यां सू देख्या है। छोरों रें परे पठावण जावतो जरै बिदांमां री सीरो अर दूध नास्तें मांय मिळतो। पण एक बात है मास्टर सा'ब, उण टैम जितरो सस्तीयादो हो, मिनघ उतरो ई भलो हो अर आज जितरो मै'गीवाडो है, मिनघ उतरो ई पक्को बणग्यो है।

—हा सा, हम ती चारुमें'र सुभा-लफ,, जग्या है। कुए भांग पढी है।

—जो आ इज बात है, जरै इज तो म्हे चाळीस बरसा ताई छोरों नै पढाय नै भी मिनच नै नी ओळख सकियो।

म्हने लग्यायो, ठाकुर सा'ब की गभीर बात कंवणी चाबै है। उणा रै चंग माय हमे रै जमाना री हातता कानी गै'री रोप दिशैं। म्हे उणा रै कयण नै नी गमज गक्यो हो सों। गै'ली बहै तू उणा कानी देखण लाग्यो।

म्हारे मन री बात स्वात् बहै ममअग्या हा। बहै स्यात आज आप रै मनरी बात 'गोन'र कंवणी ई जावता हा।

—म्हारे जयानी री टेंम गूब आराम भू गवण-बीवण मांय जियोड़ी है। जितरी स्या'पी उण म् सवायो पारच कियो। म्हने म्हारा छोरा री पुरी प्रेम मिलियो। आज बी म्हारा पढायोडा छोरा घणी जेँची जगों माय है। म्हे उणा नै उपदेस देवतो अब आज म्हने लागे म्हारे जियोड़ी उपदेस अकारय की गियो नी। बहै म्हने मिळ, म्हाग मू आभीरवाद लेवै, घणी-घणी जेँची जगों उणा नै गहनकाग वणोड देगू तो म्हारे जीन रात्री म्हे, पण पाछो फिर'र देखू तो मू लागे जणें म्हे जो उपदेस देय रह्यो ह, जो उपदेस दिया है, जो सीधामण दीनी है, बा गफा लूठी है। केवता-केवता बहै सांमी देखण लाग्या।

सिम्हा होय री ही। सूरज भगवान आपूणी दिय मांय आराम करण जावता हा। लागे मांय लनाई फेन री ही।

—क्यू मा ए'डी काई बात है ! म्हे उणा री घ्यांत भग कियो।

स्यात् आज बहै आपरै हिये री मगळी बात म्हने केवणी चावता हा। बोल्या —म्हारे टावर नी ब्हियो। बम घणी-लुगाई दोय जीव हा। लुगाई रै केवण मू म्हे म्हारे भाई रै छोरें नै गांळी जियो। छोरो इनकम टेंकस बिभाग माय बाबू है। म्हारे यनला पइसा, बीमा रा पइसा अर पैसन री एकम मिळी जितरें ती बी मोठी-मोठी बोनती, कदे-कदे उणरी लुगाई म्हारे घने रेंबती, पण जदे उणाने बिमत्राग बहोयो के म्हारे घने फूटी-कोटी ई कोनी, उणें म्हने टरराय दियो। हमे बी तो म्हारे कने फेर कदे-कदे आवे पण उण री लुगाई तो कदे ई को आवेनी। दण सारला दिनां माय इसो जियो पहला आ तो म्हे कदे ई सोची ई कोनी ही। जद इज तो केबू के जिणां नै मिनच बणावता उमर निशान दी, पण जद घर कानी देखू तो मू लागे के म्हे म्हारे जीवन मांय की सकलता को पारि नी। नफा किजून इज मिनच पणी गवायो। उणा रै अठिया री कोगं मोप नैना-नैना दोय मोती बमबसा, उणां ए घीरंतिक पोछ दिया पण अयारो म्हे जावण मू म्हे तो उणा री हाथ इज आंय तरु आवतो-जावती

देख सक्यो।

—आ तो इण जमाना मांय सगळी ठीङ् दिखै। मिनखा पइता सू मोह राखै। म्है बोल्ह्यो।

—आज इण उमर माय जद म्हनै आराम चाहिजे, म्है तीन-चार टावरा नै पढावूं, उण सूं मिलै जिण सूं म्है दोन्यू जीव पेढ नै भाङ्गो देवां। सराफार म्हनै मांय दियी, राष्ट्रीय इनाम दिखो, म्हारी जगै-जगै सनमान ब्हियो, म्हारै सनमान मांय जुळूस निकळया, म्हारी अभिनन्दन ब्हियो, पण आज के दिन जद म्है घर मांय बैठे'र इण टावरा माथे माथापच्ची करू, करे इयो लागे, जाणे ए सारा ई मनमान, मान, अभिनन्दन अर पुरस्कार सारा गी आभरी जगै, आभरी ठोड, एक इज है, वो है पइयो—पइयो। माया—माया—भारा तीन नाम—फूसो, परसो, गरमराम। इण घुटण री शिन्दगाणी सू ऊब'र म्है जठे अकाल मांय आव'र बैठू।

अठे बैठ्या सूं म्हनै सानि भिलै, अकाल माय मोक्कण गी मोकी मिलै अर म्हनै उण दिनां री याद आवे जद म्हारी जगै-जगै सनमान ब्हेली। इण आवती-जावती गाडियां मांय कई मिनख मिलै म्हनै नामकार करे, म्है उणा रा हानचाल बसू। कोई कंवै आपरी दिना सूं भलेवट्टा हूं कोई कंवै नै सोल-दार हूं, कोई कंवै डागदर हूं, म्हारी जीव घणी राजी ब्हे। म्है उणा नै 'बेटा' के'र बुलावू। म्हनै लागे इतरा मारा म्हारै टावर है, म्हारा घर-हाळा है, म्है अकालो नी हूं, म्हारी पिरवार घणी लांबी-चोटी है, अर मन माय इण उमर नै काटण री हुंत ब्हे।

म्है उणां री चेंरा फांती श्वात मू देखण लाग्यो। म्हनै उण चेंरा माथे महानता रा दरमण ब्हिया—ओ चेंरो, ओ मामी बेंडो आदमी कितरी बड़ो बात सोच रह्यो है, कितरा ऊंचा विचार है इण रा, विमलता री भूरत, परतभ 'वसुधैव-कुटुम्बकम्' री उपदेश देतो कोई महान रिस्ति।

अंधारी बघग्यो हो। ठाकुर सा'ब अर म्है दोन्यू ई उठे'र बहीर ब्हिया।

म्है रोजीना उणा नै उण बैच माथे बेंठा देखूं, पण नमस्कार करे'र बहीर म्है जावू। मांय, काई ठा ठाकुर सा'ब गी आदया आगे इण टेम रिण बघन रा चितराम आयोडा बहैता।

म्हारो भोळो भाळो गोपाल

□ भोमदत्त जोशी

बेणीगोपाल दीखण मे फूठरो रूपाळो हे। पण भगवान उणां रा जीमणां पग मे खोट बाड दी। इण में भगवान ने दोस देओ अर चावो उणा री पूरबला जन-मरी करणी मान ल्यो। अणूतो गौरो गिचाक तो नी है, पण हां उणां नें किसन जी रो साळो भी नी कै सका। चातती टेम एक पग हिलोळो लेवै, ज्याणे बळद गाड़ी ऊचा-नीचा गेला पर चाल री होवै।

मा-बाप री एकली ओलाद, आख्या री तारो, अधारा घर रो उजाळो, मन रो प्यारो, बग बढ़ावण वाळो, पणो प्यार, हेत, हमलास रा पालणा मे पळ रियो हो। बेणीगोपाल नें देखण सून आप अनमान नी लगा सको कै ओ आठवी मे पढ़ण वाळो टावर है। उणा नें आप चौथी सून ऊची किलास मे पढ़ण वाळो नी जाणोळा। पोप्या अर कोप्या रा बोझ सून उणा रो जीमणो घांदो दब ग्यो जो आघा नें ही आठ कोस सून दीख जावै। उणां रा गांव मे पाचवी सून घके इस्कूल नी ही जिण सून उणा नें डोड कोस आणो अर डेढ़ कोस पगांरा पांग जाणो पड़तो हो। पढ़ण मे कदेही नागा नी करतो, उणा री माया ऊपरली फिर जाती तो बात दूजी ही।

बेणीगोपाल रो भूडो गोळ, काठा गेहू रा पतळा फलका ज्यूं उपसेरो, आख्या मोटी पण ऊण्डी बंठेड़ी ज्याणे पांच कोस पर सौ बाट रो बिजसी रा सट्टू जूतेड़ा हुबै। आंततो उण टैम आख्यां रें चार-मेर पाच-सातेक सळ पड़ जावै, सळ री ऊपरली चामड़ी काळी अर सळ मे भेळी होवण वाळी चामड़ी गौरी ही। माया पर केसां री कटिंग अणगण कुवास सून करायेड़ी ही। दांतां री पूरी ऐरनी करतो हो जिण सून उणां पर पीळा रंग री रेख मंझगी ही ज्याणे पीतळ रो पतरो पड़ा मेल्यो हुबै। आख्यां रा भुंवारा में कदेही कदेही गीठ थिपकेड़ा रह

जावें । गाभा परें तो मूगा है पण दरजी उणा नै बियाद ~~पैनाहोउक~~ पेरण में बूट भी है पण हाकादरबड में नित परें नी आव ~~नसूजासे~~ जीमणों पण थोड़ो जियादा हो डोड़ो पड़न लाग गयो हो ।

एक दिन इस्कूल मे मोड़ो आयो तो म्हें कारण जाण बा ताई हमसात सूं पूछ लियो—“क्यूं रे गोपाल इतरो मोड़ो क्यूं आयो आज ?”

बेणीगोपाल डरतो डरतो केवण लाग्यो—“भा' छाब म्हाला पीताजी नो जीव सोणी कोनी जिण सूं मोड़ो होग्यो ।”

‘काई बात होगी घारें पीताजी रें ?”

“गोपाल पाछो याद करतो करतो केवण लाग्यो—“अजमेल में डाक टल चाल बीमाती बताई, एक...एक तो बलड पेसल, अल...अल-दूजी हात-टेक, अल...तीजी गैस ली, अ...ल...चौथी डील बिखल बाली ।”

म्हें मन ही मन हंसरियो हो, उण हसी नै बारें नो निकलवा दे रियो हो, य्यू कि बारें निकालतो तो गोपाल री बोली बरद हो जाती। इण मू मू इत्यो दुखी मुंडो वणार मुण रियो हो ज्याण वे सबळी मांदगियां म्हारे हीज लाग री दुबं । बेणीगोपाल री बोली ही इसी है क मुणबा वाळा नै आपू आप हंसणों आ जावें । छोरा जद उणरी बोली पर हसे तो मू वानें घणा हेता करु अर गोपाल नै भी केह दियो कें घारी बोली माथें कोई भी छोरो हसं तो तू म्हनै कह देबो कर । पण भोळो गोपाल आज दिन ताई काई छोरा रो थोळमो म्हारा ताई नी ल्यायो भसे हो छोरा उणां नै छूब हसो अर बिढाओ ।

गोपाल म्हारा हिया मे रमग्यो । इण रो कारण आप ओ मत जाण-ज्यो के हूं वाझटो हू । पण फेर भी म्हारे समय में नी ठी ? उण रो मोड़ो करद म्हारी जवरी मुसीबत वण जावें । गोपाल कांता मूं भी थोड़ो क ऊंची मुणं । थोड़ा दिनां पछे म्है उणां नै पूछयो—“क्यूं रे गोपाल अब कहां नै हे रे घारा पिता जो रें ?”

गोपाल गेल्या ज्यू होर गावट नै होळा होळा हिनावण लाग्यो पण मूंका सूं कोई उपलो नी दियो । अर एकण और मुणबा ताई कांता नै ऊंचा कर तियार होग्यो । इयां देख'र में पाछो जोर सूं केकायो तो गोपाल मुरज्यायोडा मूंका सूं बोल्थो—“भातछाब कार्तें सकवाली मांदणी होगी पछे म्हाला गांव मे माता जी सें पान मायें लेग्या । उठें भोपाने भाव आयो जो...जो...कियो क...म्हालो ही दोग है, तीन दिना में ठीक कल देखू, म्हनै ताजी कल दीजो, पछे उणां सें जोत उवाती अल...अ...ल आछा डील सें भभूत मछली, पण हात ताई म्हनै कोई फलक नी दीछे ।” केता केता गोपाल रें आंखयां में आसू बमकण लाग्या, म्हारो भी हियो भरग्यो । गोपाल नै पूछ र म्हें गलती करग्यो, ज्याण मैं उणां पाकेडा दूधणा री पाटी उछाड़तो, उणां रो दुधणों सोया जाण होग्यो । उणां

ने मैं हमलायूं सूं समझायो क जियादा सोच नी करणों, जो भगवान करसी सोई
 खरी है । उणां नें हुसियार डागडर नें दिखामो, तियार हो जासी । पण सपूत
 बेटो बाप री मांदगी सूं आघो रंग्यो, दुबळा नें दो असाढ़ । म्हनै उणां री
 नानीक जान मे हजार दुख देख'र इचरज होरिया है, भगवान उणां रें दुख नें
 छट मेटे ।

बापड़ो लीछर

□ लेखराम सोनी

एक गाँव में एक लीछर रेंवतो। बी नै सारा गाँवगा लीछर कँवता, जिकँ तू बी' नै थोड़ी कब्जी हुगी। बण देबयो कँ सगळा मनै लीछर कँवै हे तो फेर हस्यो मौकी कद आसी। ई लीछरी गो फायदो उठावणो चाहीजँ अर आजकल सगळँ लीछरां गो घालै ई है।

आ' बात विचारो बण भायण देवणां सुरू कर दिया। जठँ भी दो चार आदमियाँ नै भेळा होएड़ा देखतो बठै ई राजनीति अर राज गी बातां करतो। सगळां सूं घणो बोलतो अर दूसरा गी सुणतो ई कोनी। पचायत धर मै जायगे आसण जमा देवतो अर आपगो दळियो दळतो रेंवतो। मारवाड़ी में आ का'कत भी है कँ बोलै बीगा वोरिया ई बिक जग्यँ अर नी बोलै बीमा आम ई पड़्या रेंवै। अनपढ़ अर भोळा आदमी बीगी बातां सुणन नै बीगी चौकी पर जा पूगता। कई जणां तो चिलम तमाधू पीवण वास्तै ई पूग जग्यँवता अर बो' आपगी लीछरी गो घासो पाँवतो रेंवतो।

बी' नै लीछरी थोड़ी घणी पळायी भी। वो पंचायत मै चुनावां मै पंच बनग्यो। एक तो करेलो अर फेर नीम पर चढ़ायो। अब तो लीछर आपनी लीछरी गा रंग दिखावणा सुरू कर दिया। सरकारी करमचारी जे बी' नै तलाम नीं करता तो कि करहो करहो रेंवतो अर असाम न करजियां गी गिकायत कर देवतो। कुम्हार बो कुम्हारी पर तो जोर चालै कोनी तो बगियँ गा काम मरोई। गाँव आळा पर तो लीछरी चणी चालती कोनी तो विचारां करमचारियां नै सारें पढ़ायो। कर्मचारी भी बीमी लीछरी तू तंग आग्या। पंच बापड़ा के करै। बो'भी कुण सुणै। विचारा सरपंच कनै पुकार करी तो सरपंच बोस्यो—बारो के सेबँ है, बो' बकँ है तो बकण देबो। बक के रँ जिस्ती। कई करमचारी तो

घुप होगया पण कई बी'गी हाजरी देणी शुरू करदी । पाजरी देवणियां नी लीजर साब बडाई करनी सरू करदी ।

एकर बण सोच्यो कै ई गांव नी इस्कूल गो एक भी मास्टर मेरी तिय कोनी बाँचै । मास्टरा मे बडी आकाड है । बां' नै पतो कोनी कै ओ' लीडरा गो जमानो है एक आघ लीडर नी जी-हजूरी आच्छी हुवै । मै भी पूरो लीडर हूँ । मेरी भी की तो पावली पांच आना मे चातै ई है । फेर के देर लागणी ही, पंग आपणी लीडरी गो पक्को रंग मास्टरा पर दिवावणों सरू कर्यो । जद भी बी' कनै दो चार आदमी भेळा होवंता, तो कँवतो कै यानै बेरो है के इस्कूल मे टाबरां नी पढाई कितीक होवै है ? मास्टर एक आंक कोनी पढ़ावै । बै तो रोज मण्डी चल्या जै, अर गांव आळा मास्टर आपनै छेत चल्या जै । हंडमास्टर सगळें मास्टरा सू डरै । राज तो सम्हाल करै कोनी । इस्कूल मे तो गोघा छोड़ राख्या है गोघा !

बंण लिख्यो ई बात नी शिकायत करदी । इन्स्पेक्टर मै दफ्तर सू कई दिनां बाद मास्टरा नै पतो लाग्यो । दफ्तर मै एक बाबू मास्टरा नै बतायो कै पारी तो शिकायत होयी । शिकायत कण करी है आ बात बाबू भी कोनी बताई ।

आ' बात सगळा जानै है कै लीडरां मै दो चार चमचा (जी हजूरिया) भी होवै । लीडर साब रोज इन्स्पेक्टर साब मै दफ्तर मे चमचा समेत पूग ज्यावतो अर रोळा करतो, कँवतों ये म्हारै इस्कूल मे गोघा पाल दिया । न तो छोरो न पढ़ावै अर न पूरा इस्कूल ई जावै । मास्टर तो रोज गिबवर देखन मण्डी चल्या ज्यावै ।

बी' लीडर सू तग आएड़ा इन्स्पेक्टर माव छोटिये अपमर नै मौकै नी जाँच पढतान करण वास्तै भेज्यो तो पतो चाल्यो कै मास्टरा'गो कि बगूर कोनी । पंग लीडर किया मानै । वो' बोल्थो अँ अपमर तो मास्टरा कनै गू पूग घायगे द्या कैवै ।

आखरकार इन्स्पेक्टर साब छुद लीडर'नै कैवण सू जाँच करण वास्तै आया । आयगे देख्यो तो इस्कूल में आदमी भेळा हो रया हा अर घणा रोग मास्टरा नै' पता में दीसया । इन्स्पेक्टर साब कै आवता ई लीडर कनै आर आपणी लीडरी भाषा मे बात करणी सरू करदी । छुद ई बोलतो गयो पंग दूसरां नी गुणै ई कोनी । खाता देर साव मुणता रया । मोड़ सू एक भी आदमी कोनी बोल्थो । पछै इन्स्पेक्टर साब कैवण साग्या कै लीडर साहब अर घोरो-पणी बी' म्हारी भी गुणो । पानै तो काँव-जाँव करता एक घंटो होय्यो । म्हारै कनै इतो पानवू टेम कोनी ।

लीडर बोल्थो साब जनता गो राज है, लीडरा गो राज है । लीडरा

गोन मुणस्यो तो फेर कीगी मुणस्यो । म्हारै कैवण सूं गांव आळा मास्टरां गी बदली तो जरूर कर ई देवो ।

सा'ब बोल्या, नेताजी बात थारी सोळहा आना साची है । राज जनता गो, राज लीडरा गो, थारी नी मुणस्या तो फेर कीगी मुणस्या । पण गांव'गें मास्टरां सूं तो थानें फायदो ई है । अं' न तो मकान मांगें, न लकड़ी मंगावें, न दूध मंगावें । दूर'गा आसी जिका लकड़ी, पानी, दूध सब मंगासी ।"

लीडर कै'वण लाग्यो—''सा'ब, म्हानें अं, मास्टर कोनी चहिअं अर ओड़कानी ईसारा करतो बोत्यो—क्यूं भाईदो, मेरी बात ठीठ है या कोनी ?'' पण एक भी आदमी लीडर'गी हाँ में हाँ कोनी मिलाई ।

इन्स्पेक्टर साब समझ गया अर रीसां मे बोल्या—लीडर सा'ब थानें अं' मास्टर कोनी चहिअं तो मैं तो इस्कूल मे मास्टर ई भेजस्यू, तसीलदार थोड़ाई भेज देस्यू । इस्कूल गी जांच पढ़ताल'गो काम म्हारी है, थारो थोड़ो ई है । ये आ' लीडरो थारै घरें जा रें करो ।

बापड़ो लीडर आपगोसो मूंडो लेगे, घरा उठग्यो ।

आविष्कारा रो विधाता : पूनमजी मिस्त्री

□ धर्जुनसिंह शेखावत

तछतगढ़ । राजस्थान र पाली जिला रो एक गांव । जठे एक गजब रौ वैज्ञानिक अंगरेजा रै टेम सून सगा'र आज ताई साधना करे । बासठ बरस ही उमर मे उणा बावन आविष्कार करेने मानयां री पणी वेवा कीदी है ।

ऊँची घोती, छादी रो कुर्सी, सागणा सावटी काळा अंगरेजी बाळ, बाड़ी मूछा साफ, गेहूँवा रंग, डोंगो कद, भरीये डीले—ओ है मिस्त्रीजी रो होळीयो । इणा रै पंचमुछी हड्डमान रो इष्ट है । आपरो जनम १९१४ मे सुपारा रै घरे हुयो । उणारे बाप सकडी नै मकान बनावण रो काम करता पा । इयां रो पूरो नोम पूनमजी लछाजी मिस्त्री है अर पी० एल० मिस्त्रीजी रै नांव सून ओळधीजै, सरीर नै दूद सुपार रो है । आपरो भणार्ड-पडार्ड तछतगढ़ मे इज म्ही, मिस्त्रीजी रो जीव ठेट सून इज मशीनो रै काम मे हो । अणा बाळपणा में इज दो बीसी मण बोस री एक मोटी तिजुडी बणार्ड ही, जिणने गलत कुंची सगा'र खोसवा री कोतिश करै तो उण चोर रो हाथ तिजुडी में इज गिरफ्तार भ्हे जातो । इणो भांत एक रेल रो इजिन भी आप बणायो धो पण अंगरेज ये बीजां से सीदी अर नाबालिग समझ नै कोई पण ध्यान नी दीनो । अंगरेजा रै राज में इज आप एक आना प्लेटफारम टिकिट री मशीन बणार्ड जिणरी ग्रासीयत हेतो कै असली नकनी सिक्का री पिछाण करणी अर भार रो टिकिट देबन्तो । नकली सिक्को जे नाछै तो टिकिट नी देव । अंगरेज सरकार छः मीना तक इणरी जांच कीनी पछै बितायती मशीनां री जणा मिस्त्रीजी री मशीनां सेंगा पेसी बम्बई रै ठेगल मार्च मेलीजी अर मिस्त्रीजी नै अंगरेज सरकार मान पत्र दीनो अर ७० मशीनां फेर ताबड तोबड बनावण रो हुकम दीनो । पण उण

टेम स्वराज सारू 'भारत छोड़ो आंदोलन' जोर में हो नै अंगरेज भारत छोड़ण आळा इज हा, इण खातर आप ओ ओडर मंजूर नी करियो ।

मिस्त्रीजी री जिन्दगी में म्हा नेकेई खासीयतां दीसै । उणारी जिन्दगानी सतरंगा इन्दर धनक रै ज्युं विज्ञान रा आवा में पसरतो जाय र्यो है । सिसार में शायद इज कोई ऐहो वैज्ञानिक व्हेला जिको इत्तो भगत भी व्हेला । मिस्त्रीजी हड़मानजी रा पक्का भगत है—दो डोरा रोज दिनूग पूजा करै । पंचमुखी हड़मान आपरा इष्ट देव है अर सगळा आविष्कार आप इणारी पुन-अस्ताप अर दया-महूरबानी इज समझे है । केई बार सुपना में हड़मानजी खुद इणाने आविष्कारां रो इशारो करै अर मारग बतावै, भेद बतावै । आप एक सार्य वैज्ञानिक अर दार्शनिक है, आविष्कारक अर भगत है—एहो दाखलो दुनिया में फेर कठेई शायद इज मिल्लै । दूसी बात, इतरो मोटो लूठो वैज्ञानिक व्हेला यकां पण भणार्ई-पडार्ई खाली पाचवी किताब ताई इज है । इण सूं ऐहो लागे के कवि इज नो जनमे वैज्ञानिक भी जनम सूं व्हे सके है, आ भी कुदरत री देण है । इण भात सादगी, आध्यात्मिकता अर वैज्ञानिकता री त्रिवेणी संगम भायें गांव रा बाता-वरण ७ तीरंराज तखतगढ़ बस्योडो है । सै'र री भाग दौड़ नै हाका दरबड़ सूं आगो, एकांत, शांत गांव री गोदी में बैठो ओ तपसी मून झाल'र छानो मानो बैठो-बैठो कितरा गजब रा काम काट दीता है, के केबा रो काम नी । केई बार मिस्त्रीजी नै दिल्ली अर बम्बई रा बुलावा आया पण इणारो पडुत्तर हो के— "म्हाने म्हारी जनम भौम सूं घणो लगाव है अर भगवान जे म्हारी उण सै'रों में जरूरत समझतो तो म्हने उठे जनम देतो, गांव मे ब्यू देतो । इण बास्ते अठै जिको साधन सुविधावां मिल सकै उण सूं इज म्हने मानवां रो सेवा करणी चाइजे । म्हने इण माटी सूं प्रेम है अर सै'र रो बातावरण म्हारें यूं भी माफक नी व्हे ।"

मिस्त्रीजी घणेर उद्योगी आविष्कार कीता है—जिण मे खास खास नीचे मुजब है :—

- (१) चलती साइकिल मे हैण्डल मे लागोडो बटन दबावण सूं अपने आप हवा भरीज जावै । पूरा खाली ट्यूब में बीस सेंकिण्ड मे हवा भरीज सकै है ।
- (२) एक बल्लद रै भार सूं चालण आळा एक पाणी काइण रा पम्प रो भी आविष्कार कीदो । १६ फुट ब्यास आळा पेड़ा भायें बल्लद जेहो कोई भी जिनाबर रै खाली गोळ गोळ फिरण सूं निकळ जावै, भलई बेरो कितो ई ऊंडो ब्यूनी व्हे । एक बल्लद रै भार सूं ३५०० गैलन एक कलाक में अर ६००० गैलन पाणी दो बल्लदी रै बोझ सूं निकळ सकै गर, जे बेरो से ७० फुट तक

उण्डो व्हे ।

- (३) एक हाइड्रोलिक जल निकलवा री मशीन भी बणाई है जिन सूं बिना सक्ति नै मँगत रें जापी पाणी बारें आय जावें । मशीन अपने आप आपी खुले नै बंद व्हे ।
- (४) मिस्त्रीजी एक टापणे आप चालण आळा पंधा नै उजाळा रो भी बन्दोबस्त कीनी । इणमे भी चलावण मे बिजली बीजी किणी सक्ति री जरूरत कीनी । जद कोई आगदी किणी भात बिछावणा माघं घंटे तो अपने आप लाइट लाग जावं थर पणी चालू व्हे जावं और पाछो उठता ही बंद व्हे जावं । जे पाछो नो उठे तो तीन कलाक ताई चालती रेवं । गर जे फेरूं चालू राखणो व्हे तो पाछो उठ नै बैठणो पडेता ।
- (५) इणी तरें एक रोबोट रो आविष्कार कीदो । जिन सूं कोई कार या जीम फाटक सूं २५ गज आगी रेवं जद ओ द्वारागल ऊवो व्हे आवं अर सीटो बजावें, सलामी देवं, साइड बनावें अर फाटक अपने आप खुल जावं । गाडी निकल्यां पछं अपने आप बंद भी व्हे जावं । ए सगळा काम-काज अपने आप हं जिको कार रें पाछी जावण री वेळा नी व्हे ।
- (६) एक पोल्डिंग चेंबर कम वेड विष फोर्टिंग टेबिल बणायो है, जिन मे कुस्मी, टेबल नै पलंग तीनी है । चावो तो टेबल कुर्सी लगा'र लिप्यो पढो नै सुवारी मरजी व्हे तो पलंग बणाय नै सुई जावो ।
- (७) एक दो-मीट आळी अपने आप चालण आळी कार भी बणाई है जिको बिना पेट्रोल कें गैस रें चासे है जिन मे चावी मगावा की भी जरूरत कीनी । इण में पचं होवण आळो सक्ति सूं अपने आप मिगण आळी सक्ति घणी भेळी व्हेनी रेवं । सक्ति भी अपने आप चालण री क्रिया सूं इज भेळी व्हे ती रेवं ।
- (८) एक आविष्कार इण तरें रो है कें जिन रें पांण सदां व्यवस्था सूं बिजली पैदा कर सके है ।
- (९) एक ऐसी घासमेठ री बत्ती बणाई है कें जिन टेम हाइट परी जावं उण टेम अपने आप लाग जावं ताकि अंधारो नो व्हे सकें अर काम नी रकें । इण लेम्प मे घासमेठ अर ड्राई सील व्हे जिको बिजली जावता ही अपने आप बल्लं नै बिजली आवता है अपने आप बुझं ।
- (१०) एक गाम आविष्कार मे समस्तार है कें दो रेनगाहियां एक

इज लैण मायें आय जावें तो बीमेक पांवटा आगो दोनूं रेल-गाडिया अपने आप रुक जावें, किणी भांत टक्कर न्है इज नी सकें, इणरी मिस्त्रीजी गारंटी लेवें । इण रें वास्ते रेल्वे लाइनां नुंवी बिछावणी पड़ें ।

(११) अबार आप एक “हॉरिजेन्टल ऑटोमेटिक पावर प्रोटेक्शन मशीन” रो आविष्कार कर रया है, जिण नै चलावण सारु किणी भात रो सक्ति, तेन, कोयला के ईंधन रो जरूरत कोनी-पहेला अर मशीन रें चलण सू जिकी सक्ति पैदा बहेला उण सू ट्रांसमीटर सिस्टम सू केई तरें रा मानखां रें उपयोगी मशीनां अर यंत्र चलावण रें छातर काम मे लीयो जा सकेलां, ज्यू कै बिद्युत जनरेटर्स चलावणो, बेरा सू पांणी काढणो नै पावर लूम वगैरा चलावणा वगैरा ।

इण आविष्कारों रें अलावा ऑटोमेटिक कम्प्रेसन कनेक्शन, मोटरगाडी रें पेड़ो फुलावां रो यंत्र, चोर पकड़वा रो यंत्र, पुड़िय नै रोटियो बणावण रो मशीन, एक घास टिफिन केरियर, कलम कर्न ले जातां ही अपने आप खुलण आळो नै बंद होवण आळो दवात, लगातार बेवा आळो पांणी रो कनेक्शन वगैरा-वगैरा मोकळी मशीनां अर यंत्रों रो आविष्कार कीतो है ।

सगळां आविष्कारां रो मोटी खासीयत आ है कै करीब करीब सॅग अपने आप चालण आळा (ऑटोमेटिक) हैं, उणां रें चलावण सारु कोलचा, बिजली, तेल कै ईंधन रो जरूरत कोनी ।

पड़दा भरम रा

□ सुरेन्द्र 'मंचल'

पात्र : मिन्दर, मजीत, गिरजाधर, कवि, सायर

[संगीत रो सुर उभरे भर होळे-होळे बबे]

मिन्दर : मजीतऽऽ ! सूतो हे क' जाग ! अबे तई काई ओखे । उठ ! तिफ्फा फूलरी है । ओ मजीतऽऽ !

मजीत : कुण बहेला ! अमां मिन्दर ! काई केवै भाई बुतपरस्त !

मिन्दर : ईद रे दिन घूं घुमेज मे आवसियोहो हेतो, पण अबे अकियां काढ़'र देख, दिन भर मे कतणा लोग सुगायां, म्हारी इण डेळी वै नाक रगड़'र आतमा ने सान्ती दीवी । म्हे व्हारे तूं किणी बात मे कम न्ही हूं ।

मजीत : सा होत बित्ता कूबत ! बयूं कूडो घुमेज करे रे मिन्दर ! बोया बनां बाजै घणा । ईं बातां मे सार को हे न्हीं । व्हारे सारसी भीत तो निरख ! इस्पूस रा छोरा टाबर मूती कर कर'र जाबे ! किती गिघाबे । नाक फाटै !

गिरजी : (गूँजतोड़ी आवाज) बाह मजीत बाह ! दूजा री छोट तो मट दीस, पण खुद री मां ने डाकण कुण केवै ! व्हारे सारसी भीत तो निरख मे ! रमजान री बीबी दिनुगैई छाणा मेप जाबे ।

मजीत : (असल'र) ओ कुण ! दो जणे री बातां रे बिच्चे टांग अडा-बनियो । अनूठो !

गिरजो : (तोत बार घण्टा घरणा'र) म्है हूं गिरजो । प्रभू यीसू रो इबा-
दातगाह ।

मजीत : क्यूं घण्टा बरणा'र माथो चढ़ावै ! ईसामसी रै पबितर नांव सूं
कितणो कोतग रचायोडो है थूं । सो कुण न्हीं जाणै ? छानो मानो
बैठ जा ।

गिरजो : अरे अफंडी ! ध्हरा अफंड जग में चावा । देख, ध्हरै पैं ऊबो
मोलवी जी क्यूं हाका करे ? खुदा, थोड़ो थोड़ी ना सुनै ।

मजीत : देख भई गिरजा ! तन्ने बात करण रो सल्लिको ईज न्ही । जाणै न
बीणै । अरे मूरख, मोलवी तो खुदा इबादत करै है । इण ने 'मजान'
केवै । क्यूं भाई मिन्दर । ठीक हे न्ही ?

मिन्दर : कई धूड़ ठीक है । कबीर सायब री साखी उड़ीक—

काकर पायर जोरि कै—

मस्जित तई चुनाय ।

ता चढ़ि मुल्ला बांग दे—

क्या बहरा हुआ खुदाम ।

मजीत : तो कोई ध्हरा राम जी अतरा ठाला है क' हरदम इण भाटै रो
मूरत में ईज बैठपा रैवै ! उणां रै और कोई काम ई न्ही ?

गिरजो : व्है दोन्यू ई अफंडी हो । अबै तई सगळें इतिहास ने व्है लोई सूं
रातोबट्ट रग राखियो है । मिनख-मिनख में खाईयां खोद राखी है ।
अबै तई ध्हरा रो पेट न्ही भरियो ?

मिन्दर : ओ हो ! अरे, गिरजा सा'ब, आप तो अबै तई अछन केवांरा—
दूदां न्हायोड़ा ईज विराज्मा हो ? क्यूं ? पोफलीला रा दिन लद
गिया । पोप तो सुरगां जावण रा सटिफिकेट भी देबणां सरू कर
दिया हेता । भूल गियो उण रो नतीजो ? दूजं ने सीख दिया पेला
अपणें खुद रै गिरेवान मे धाक'र देख ।

मजीत : (धीरव सूं) भायां, लड़ाई में लाडू को मिले न्ही । धीरे बोलो ।
बाज रो मिनख सै समझें । उवां तो आजकल "वसुधैव-कुटुम्बकम्"
रो बातें करै । गुणो, उवो कवि काई गावें—

[संगीत रो सुर उभरै अर होळ-होळ डबें]

कवि : मंदिर मस्जिद गुरुद्वारों ने

बाँट दिया इन्सान को !

धरती बाँटी, अम्बर बाँटा—

मत बाँटो इन्सान को ।

[संगीत रो सुर उभरै अर होळ-होळ डबें]

गिरजो : (ऊँची साँत ले'र) हाँ भाई । बात तो साव साँची । आपे इण मिनघ नाव रँ जीव ने कठा तई बिलमायोडो—बाँटयोडो राखाला । अब भरम रा पढ़दां फाटणें लाग गया है । कठां तई टांका दे दे'र टांग्योडा राख सकाला ।

मजीत : चुप ! सूर जी आधूणें चाल्या ! नमाज रो टेम व्हें गियो ।

[संगीत रो सूर उभरें—ठबें]

मोतबी (अजान की तोखी आवाज) अल्लाहSSS !

(संगीत रो सूर उभरें—ठबें)

समूह रो सूर : (घण्टा अर नगाड़ा रँ सागें ऊँची आवाज)

श्री रामचन्द्र कृपातु भजु मन,

हरण भव भय दारणम् !

नव कंज, लोचन कंज मुख-

कर कंज, पद-कंजहारणम् !

[संगीत रो सूर उभरें—ठबें]

बूजो समवेत सूर : वन्दना करते हैं हम !

वन्दना करते हैं हम !

[संगीत रो सूर उभरें—ठबें]

मिन्दर : (फुसफुसातोड़ी) देखपा म्हारा ठाट ?

मजीत : बाहू रे मिन्दर, बाहू रे म्हारा ठाट ! सँ दोग ? देख, उबी सेठ जी अब हाल अक गरीब बछाई री गाय ब्याज पेटे छीण'र ह्यायो है, अर अठ सवा रीप्पा रा पतासा बाँट'र भगत बण गियो है । अर, उबी देख, उण धम्म रँ नजीक ऊम्योड़ी पुजारी रो भेलो, उण विघवा सिणगारी ने घूर घूर'र काँई देख रियो है ?

मिन्दर ता मजीद वा ! छानो रँ ! धूँं धोळो घप्प फरिस्तो है, त्रिको जागू हँ । मोल, थोसू म्हारी पोल ?

गिरजो : मिन्दर चुप ! मजीद तू भी चुप । अतणें जोर सू मत ना सड़ो । म्हनें तो ठर लागे है । आपस में सटपा काग को मरैन्ही । लो मुणो, उबी सामर काँई फुरमावें है—

[संगीत रो सूर उभरें—ठबें]

राम बातों को रहमान से बू आती है ।

सहमे इस्लाम को भगवान से बू आती है ।

किस तरह करे यिदमने इत्सा कोई—

जब कि इन्सान को, इन्मान से बू आती है

[संगीत रो सूर उभरें—ठबें]

मिन्दर : मुण्यो के न्ही ! कान रो भेय सफा कर'र सुणो । अबै आपां
 रो जादू इण आदमी रो जात पै न्ही चानणो । आपां रो वातां
 इणा रै काना पड़गी तो आपां तो आपा, पण छोटा भोटा सगळा
 जापणां भायां रो जिनगी खतरे में पड़ जावेली । पछे न्हीं तं
 राम बचावण ने आवेला, न खुदा, न ईमा मसीह । अबै तो ओ
 मिन्दर नीतर ई भाखरां-नांगळ, मिन्दरी, हीरा कुण्ड, राजस्थान
 नहर, जेड़ी जाग्यां ने मिन्दर, मजीत, गिरजा अर मुह्दारां रै
 ज्युं पूजणो मरू कर दियो है । जिकण सूँ काल रो कमर टूट रो
 है । चेतां में दूणो घन घान होवण लाग्यो है । भरम रा भाखर
 ढह रिया है । वा, अबै, पणी गी अर थोड़ी रो । थोड़ी मे छिन-
 छिन जाय । आदो रात रो गजर बाज गियो । अबै निमस्का
 सुण दियो ।

मधीत : मलाम !

[संगीत टभर—दबै]

महं जनता हूं

□ भगवतीलाल व्यास

जन्म जन्मान्तरां री कांणी सूं
 एक राजा'र एक राणी ने
 काढ़'र
 लारें जो बचे अजाणी
 पोध्यां में नहीं मळं त्रिणरी विगत
 अलोप पण घट-घट रम्योडी
 अदीठ पण
 मनघ री गंध रे सागें बस्योडी
 जुगां-जुगां री ठोकरां भेलती
 मे'ळ माळिये री घजा नही
 गाँव-गोठ री धूळ
 कदं आकासां उड़ती
 तो कदं पाताळां पोढ़ती
 सगळे ही अंधकार नै ओढ़ती
 महं हर जुग रे
 मूँ मूरज री निबता हूं
 महं जनता हूं ।

महं देख्यो हें कौरव-पाण्डव जुद्ध
 रगतां रा सेबाळ

हण्डा रा अड़ावळ
 दिसावां नै चीरतो हाहाकार
 धरती नै घीजतो जै जैकार
 अर. इण सब रै बीच सूं
 नियरतो गीता रो ग्यांन
 कृष्ण रो विशान
 काम न्हों आयो
 म्हारी लटां खेंचता दुशासन रै
 म्हूं निरगन्ध गांधारी

माटी रो बेटी
 माटी में हळगी
 राम रावण रै बैर रो
 बणूती सैनाणी
 निरदोस सुळगती लंका
 हडूमान नै हाथ जोड पूछती
 म्हारो दोस काई ?
 म्हनै क्यू जाळो ?
 हडूमान काई कैवें—
 उणने तो राम रै अभियान रो
 पुष्टी करणी ही
 आपरै सरीर बळ रो तुष्टी करणी ही
 म्हूं खुद आग ही
 पण मूण घर जळगी
 म्हूं इण भारत रै कण-कण छणी
 महाभारत रो अबूझ भासा
 लंकारी राख में दब्योड़ी
 अचपळो सवाल
 म्हूं आदकवि रो
 अणलिखी कविता हें
 म्हूं जनता हें ।

तुरक-मठाण फिरंगी रो पगफेरो
 सत्ता रो

सिधामण रो
 अणयक निरत
 कतरा ही कतले धाम
 म्हारी, पुतळ्यां में वन्द है
 घोडा री टापां तळै
 ममळघोडी फसलां रा जसांस
 म्हं हियई मे सहेजू हूं
 विळधना टायरां री चीतकारा

कंकू री गोधां ने काटता
 दुजारा
 कामण्या रो उतरतो पाणी
 कंचन रा कलश भरै
 मद रा छळगता प्याता
 जेचा-जेचा गढ़ कांटा रो
 मन मोवतो जोवण
 एक भूग रो दो फार धीच
 टणी अणवण
 कतरी ही पनास्यां'र
 कतरी ही हळदी घाट्यां
 अर कलरा ही घानवा रै
 रगत रंग्या भाटां मू
 मूळ री मरोड रो मोल तो
 पूछ देणो
 शायद न्हीं बता मके
 म्हं बताऊं
 दण मरोड रै गातर
 अरण्या म्है करोडां मुण्ड
 फेर भी म्हं तिपुती न्हीं
 म्हं गरभ गंगा हूं
 सापमान ममता हूं
 म्हं जनता हूं ।

यो म्हारो देस छै

□ श्रीनन्दन चतुर्वेदी

यो म्हारो देस छै
इं को मुकट छै हिमाळो
ललाट पै छै तरपुंड
जेहळम, चनाब, राबी को
बीदी छै मोट्यार डल झील
इं की नाइ पै पड़ी छै
चांदी की चमचमाती कणठ्याँ
सतळज अर ब्यास
इं की छाती पै मंझ्यो छै अतहास
बीरता को जोहर को ।
काँघा सूँ कम्मर ताँई
पड़ी छै मनी होई अनेव
जमना अर चामन की
कम्मरबंद छै नरमदा की धार
गंगा सोंघ अर बरमपुत्तर छै—
उत्तरीय
पगौ पड़्यो छै
मोत्यौ का घाळ सै'र
हौंद महासागर
ईं घरती को कण-कण छै तीरथ—
ईं नै बाँट्यो छै इमरत

जणा-जणा सूं कैर
 कै—जीवो अर जीबा दो
 जुगाँ-जुगाँन सूं जगत का कणा मं
 घोल्यो छै सदेसो—
 तू इमरत को बेटो छै
 सोबै मत मनखड़ा
 चालबा सूं चालै छै भाग
 तू चाल !
 चाल रै चाल !
 ई नै परनाम म्हारो छै
 यो देस म्हारो छै

ॐ हाथ.....

□ प्र० ना० कौशिक

ॐ हाथ..... !
किस्तरों बसाता
पाणी री गति नै चोरता
मन मुजब
गेड़ा काटता समुद्र री छाती पर
पण—आज
कट्योड़ा हाथों कने
टूट्योड़ी बांधा है
मुपना तो बै'इ है
पर दिन दूजा है ।

ॐ हाथ..... !
कदैइ
सस्तर अ'र सास्तर उठावता
आज
परायो परसाद पावण नै
मज्जारा पर खड्ग्या
मिन्दरा रै सामै बैठ्या
ॐ कतारा साम्बी'इ साम्बी है
पण—हाथ
आधा पड़दा है ।

अ हाय.....!
 सूरज उगावण नै
 रातां रा पहाड़ काटता
 दिन बिसूजण री वाट देखै
 उमर रो एक दिन और बीत्यो
 जाण—चैन री सांस लेवै
 आज—आ'रा मूँडा
 आपरै'इ
 हायां स्यू डक्योड़ा है ।

अँ हाय.....!
 जद जद ऊँचा उठता
 आसमान आसीरवाद लेण नमतो
 पण आज—आस्यूं
 बैसाखी रो सा'रो'इ झळै कोनी
 हाया रै दुःख स्यूं हाय
 आंघा हुयोड़ा है ।

अँ हाय.....!
 सिन्धु रै गरभ स्यूं
 अणमोळ मोती ल्यावता
 आज—छूट्या पर कपडा ज्यूं
 ककाळ पर लटक्योड़ा
 हायां री संज्ञा'ऊँ बत्ती
 की लागै कोनी
 सरीर रै सागै जाबैला
 जिनगी रै सागै आयोड़ा है ।

अँ हाय.....!
 महावीर, मसीह, गौतम—गांधी बण्या
 दूजां री पीढ़ सहळावता
 कदेइ थक्या कोनी
 आज हाया मै'ड पीछ इत्ती है—कि
 हाया रा'इ
 आसू अण-पूछ्योड़ा है ।

लाज

□ श्यामसुन्दर भारती

जद उण दिन
घान तोलती बेछा
दुकानदार
म्हारी आँख मूँ बचामने
ताकडी रँ डाटी मारी,
जद म्हारलै मित
म्हारै मुँडे मायै नी
म्हारै सारै म्हारी मूँड बछाणी,
नै जद
उण दिन दफ्तर में
रिगवत सेवण सारू बी
टेबल रँ नीचे कर
हाथ साम्बों करियो,
तद म्हूँनै लघायो
कै सोपां रो आँखपां में
हाल तक
लाज बाकी है ।

रुवायां

आज आई है जकी बार आ ढल जावैला
बात ही बात मे सब बात बदल जावैला
मानखा चेतणो चावै तो चेतजा नीतर
बगत रो जातरु हबकै सू निकल जावैला ।

□

बिणज बीषार ताई सगळी रात जागै है
फिकर मे डूबियै री आंख ई नी लागै है
हाय पण खोटियो टक्को ई साथ नी चानै
मानखो सगळी उमर जिण रै लार भागै है ।

□

गीता नै कुराण रो झगडो क्यूं है,
हिन्दू नै मुसलमान रो रगड़ो क्यूं है
क्यूं मानखै री हालत है बिगड़घोड़ी
राकसियो अठै देव सू तगड़ो क्यूं है ।

सूटो

□ डॉ० उदयवीर शर्मा

सागीड़ी सूसातो सूटो, पूण पाण बगतो आवै ।
रुग् घुजीजं पोधा कापै, पांच पछेरु बिलछावै ॥
रोही रुचं धूळ उडावै, जीव जिनावर डरपावै ।
तन हीणो धाड़ी सो सूटो, रोही नै लूटै छावै ॥

सूटे रो सरूप कुण भायै, कुण छीचै ई रो चितराम ।
सूसाणो सरणाटै जाणो, रूप हीन निरभीक निकाम ॥
प्रलय सरूपी जबरो झाली, निरमोही पछपां रो काळ ।
पणो कुकर्मी राकस घर्मी, बेमोर्क आपो विकराळ ॥

बिरग्या ओळा धर्ण बेग सूं, चढ़ चालै जद पून बिवाण ।
रोही कापै खेत्ती धूजै, आवै फौफां बेपरवाण ॥
ढांढा बिलछं दूढा तिडकै, पढ़ै पछेरु हो विदरूप ।
जद करतो अट्टहास रावणी, सूटो प्रगटै असली रूप ॥

छान झूपडा मना रळ्याए, दीन टापरं रो रख ध्यान ।
ह्यापो यावै, काडणी पीबै, करै गरीबी मे गुजरान ॥
जै गुदड़ा बारं सूकै तो, मना भिगोये पेरु भाग ।
काढै रात गरीबी बंठी, गीला गुदड़ा तन मे भाग ॥

दीन हीन जे दुख सँ दास, उकळै भूखो नंगो डील ।
तो सूटा मत छांट छोडिये, छोडघां चुभसी जाण कील ॥
दुखिया रा तू छोड़ आसरा, समता रो फटकारो मार ।
दुख देवणिया रखै धरा पर, नरकीटी बैज्या भी धार ॥

पड़घा घरा पर सरकी ताभ्या, गूढ घसोया दुबळा दीन ।
बा नेडे जे गयो सूटिया, सँ मरज्याती राख यकीन ॥
अध नंगा भूखा दुखियारा, नित उठ अपनो करै जुगाड ।
बा हीणा रो राम रूसरपो तू मत हुमरै परण बिगाड़ ॥

खून पसीनो कर दिन तोड़ै, ल्याणो-आणो नित रो काम ।
बा बूढा मे क्यूँ सिर फोड़ै, दया दिग्या क्यूँ मनड़ो घाम ॥
रोटी पोतां बठै न जायै, छाती बेळा नै तू टाळ ।
करम चांदड़ा देख गरीबी, यणी रोटियां गेरै काळ ॥

जे सूटा खिमता तेरै में, ऊबड़-खाबड़ नै दे पाट ।
डूगर बहज्या खाहा भरज्या, सगळी घरती बर्ण सपाट ॥
समता रो बरखा तू कर दे, दीन दुख्यां रा दुखड़ा मेट ।
मुसरपा, सुमरपा, दबरपा, चियरपा, वड़पोक्याहा भूखो पेट ॥

ब्रह्मा दलेचा रो के बिगड़ै, सह सेवै वै सगळा ताप ।
दीन घरां रो उहँ छानडी, मुरगी रै ताकू रो घाव ॥
छाना टपकै आसू टळकै, दोन्यां रो तू दरद पिछाण ।
मतना करिये छुरो राध में; मोटा घर तू काढ जपाण ॥

टाबर जद रोटी नै कळपै, देख दसा उमळै मां बाप ।
रुदन करै बी घर रो कण-कण, कुण देखै यो मूक विलाप ॥
बीं घडिया जे तू बड़ निकळै, थमिये, मत करिये पद-चाप ।
हिवडो है तो बूंद गेर दो, मता बढ़ा बां रो संताप ॥

मूदै भायै पड़घो दीनड़ो, सूंटै चक्कर चढनी छान ।
करज कडा कर ग्वाही बांधी, डहणी, रुळगो सो सामान ॥
ज्यू मंगतै री झोळी मा सूं, लेज्या कोई टुकड़ा घोर ।
हाथ साफ करणो न्यू सूंटो, सुबकै दीनो पड़घो निजोर ॥

ठसक छोड़ दे गामन्ती री, पवन-कुल्लो इब हवा पिछाण ।
 जन मन रै नेहूँ आ सूटा, मत पीवै दीना रा प्राण ॥
 समता रा बादल त्या नभ भे, मंगल रो बरसादे नीर ।
 मिटै गरीबी, बचै दीनड़ा, उज्जल निखरै राष्ट्र-शरीर ॥

जनहित ध्यान जगा तू मूटा, सुण दीनां री टीस उसास ।
 सेवा कर बी लोक-प्रभू री, मन्दिर जी री दीन-निवास ॥
 या जीवन री सार कमाई, करी जिका रो उजळो रूप ।
 मजरी बाल, बाल तू प्यारा, जग नै लागै घणो सरूप ॥

ॐ
वम

□ रामेश्वरदयाल श्रीमाली

सपनां रै हाथां में बिक भै
भ्हांरी खुद रो मोल पटायो
जिको ऊजळो सी निकळघो हो
वो तो निकळघो सफा अंधारी ।

मै'लां री पीड़ावा मिटणी
छेलां नै मिळ गई जवानी
पण गैला में सूवण बाळा
बांधै हाथ भूख रो भारी ।

ज्यारै सोना रा पिलंग है
वै पीवै बिलायती दारू
पण भारी लावण बाळां नै
आटो कोनी मिळै उधारी ।

पैला तिकडम पांण मिळै ही
तिकडम पाण अजै ऊभी है
बेहरा बदळभा तो काई ह्वै
नीं बदळघो कुरसी रो डारी ।

बै री वै लच्छाळी बातां
वो हस-हस नै आगत-सागत

नमो को बंधन रख हवीक
तो नै रो बड़ जई पारी ।

नमो रोने हो जावारी
ज. बिन्दही हवी जावारी
मूखों रो जंजीरों बाते
जावारी रो लेज दुपारी ।

हर मूख नै रोटी दे दे
हर नाम नै दे दे कपड़ो
बेखनारों नै रोटी दे
इतही कठ राख है पारी ?

कठै तक ?

कठै तक कबि सुर-सुर नै गावै ?
आखरा सू कठै तक भरमावै ?

बुरसियां में जरूर जादू है
जिकी बैठै, वो ई बढल जावै ।

जमानै रो हवा रो रंग इसी
जिकी देखै, वो ई गंभल जावै

देवता थापवा रगत चाढ़ां
वो ई परसाद मेल दल जावै ।

लोग भण्डार भर दुबला दीसै
नै म्हानै बातड़ी सू पोमावै ।

पाँच लहौड़ी कवितावां

□ साँवर दइया

अरबास

आभँ री अणंत कोरां ताई पूग
टाबरां छातर चुगो भेलो कर
सिइया पाछो बावड़ सकू आळँ में
बा पाँव दीजे म्हनै

जुगां सू अंधारै मे गम्पोटा
सुघां रा मारण सोघ मकू
भावी मानधं छातर
बा बाँव दीजे म्हनै

नीतर ओ मानक !
मै'र रँ नाँव
मै'र कर'र
कोई मै'र मत करीजे
म्हारै मायँ !

दो रूप

बटैई छो
भाग बाटलाई
मोनिया सिखा ३

गुलाब रै फूला पर दमकतो
टोपा-टोपा ठैरघोड़ो पाणी
-- आ जिन्दगाणी !

अर कठई
अमावा री भट्टी मे
नितूकी जरूरतां रै तबै मायै
टोपा-टोपा पढतो पाणी
—आ जिन्दगाणी !

जात्रा

घरती-दफतर री पैली शिपट सू
छुट'र आवतै
तप्यै-थक्यै सूरज री अगवानो खातर
सिद्धरी साड़ी पैरपां ऊभी मिथ्या
हेताळू हाथां सू परसती बीरो डील
लेयगी समन्दर-महलां में
रातवासै खातर

दिन ऊग्यो तो
भीर रो बुक्को लेय'र
सूरज टुरग्यो पाछो
सागी जात्रा मायै
उजास बांटण खातर—
घर कूचां : घर मजलां !

घाणो में जुत्पां पछै...
उमर रै जादूगरियै
केसां रै कर न्हाखी
चाँदी री कळी
पाण आयोड़ै डील मायै—
पहग्या सळ
बीता हुय'र सटकग्या—
हुंगरिया उरग्या

इण घाणी में जुत्तां पछै
 बुण जागै किस्ती गळी
 नाठग्या उमाव
 सीवणा मुपनां सजावण आळी आद्या मे
 हेरो न्हाळ्यो परबिद री चिन्तावा
 भांत-भांत री
 राग रागणियां री जग्या
 गीतां मे वसग्या—
 आटे दाळ रा भाव !

बबळाय

मुण भायला
 बै दिन गया
 जद धारै आवण री छवर मुणताई
 म्हारो मन करण लागतो पही
 अबे तू आवै जणा
 मुळक र मिसू तो सरी
 पण मन में सोचतो रैवू—
 आछी अळवत गसै पही !

म्हूं अर म्हारी भोम

□ सुरेश पारीक 'शशिकर'

कतरी आछी लागे म्हनै या भोम
ई पर उगेड़ा हरया हरया रुंघ
बादळा सू बाता करता
ऊंचा ऊंचा डूगर
कळ कळ करती
बारा मास बेंवती नदया
अरमर अरमर अरता
निरमळ पाणी रा शरपा
जे मिनख सुरग रा मोटो मोटा
सपना संजोवै
वानै किया समझाऊ
या बात वा रे हिबड़ा म्है
कणी भात रमाऊ
ऊँ जठे जिनगानी रा मीठा
नत नुवा गीतङ्गा गृजे
मिनख मिनख रे माने
भाटा नै भगवान वणा पूजे
मन जणी ठोर पेठ
आंघ मोच खुशी रो हिडोळो नूल
मन रा बागा म्है परेम रा

फूलड़ा फूल
मैं, सांच पूछो तो
उण ठौर नै ही सुरण जाणूं हूं ।
उठे ही राम राज मानूं हूं ॥

जग री चावना

□ गिरधारीसिंह राजावत

बाज
ओ बाखो जग
चोर है, छष्ट है
लुन्वो है, लफंगो है
अर स्वार्थी है ।
पणं धारं में
आमे सूं एक भी अवगुण
मोजूद ब्हे;
आ समाज नै
फूटी आँख ही नी मुहारव ।

जग
कसो'इ बुरो है
पणं तने तो
निष्ठावान, विश्वासजोग
नेक, धारीफ, त्यागी
अर सेवा-भावी
यानि दूध रो घोयो'इ
देखणों चारव ।

बात कुछ अटपटी है
पण बाजिव भी है

क्यूँक—

आं काची कूपळां पर
धारे ही व्यक्तित्व री प्रभाव
धनी पड़े है !

अंधारो अर उजाळो

□ जयासिंह घोहान 'जोहरो'

अणचाया अंधारा खिण मोकळो दुख भिंघेर देतो,
सिन्हा दलवा उपरान्त ऊंग्याणी आँख्यां पै पत्तक पड जासी
नीदइत्यां सपना में दुखती दरप भर जासी
मुणसाण आव पै सन्नाटो तिर जासी
अर कुन्दण कोरां पै काळी ओळां फिर जासी
इण रे विपरीत—

दुरासाऊं मरी चाँदणी ने हँद र
जिण बेळां भभक तो भाष ऊगसी
उण बेळां उजळा जासी मन री घेरी घाटियां
सुळग जासी आसा-हँघ री रातोडयी कूंपळां
पिगळ जासी हिवडा-हिमाळा री हेम कुण्डियां
अर हुळस जासी ज्ञान-भाटी री मोनन मणियां
घणी टणकी विमा करे आँधूणे अंधारा सू
उजळ उगाण री बेळां ।

अमरोष

□ नन्दकिशोर चतुर्वेदी

मैं जाण्यों हो कै
कटगी अवे अन्धारा री काळ रात
आकाश मे उग्यो
नवू सूरज नूकीं रोशनी सागे
अवे सूना आंगणा
बैरान बगोच्यो
अर सूखा खेतों में
बेवेला सावणी पून
टूटेला सरणाटा री मून
काल तक ज्यों नामा रो जादू
चमके हो सूरज ताई
गमके ही ब्हासूं भारत री तरणाई
मोटा शहर रा राजकीय बाग ज्यूं
सबे और चरम सुखां री
अणहद नाद रा आनन्द सी
अनुभूति गमकें ही
कै अब सुन्निया रा खेत मे
पटवारी पुलिस रा अड़ंगा नी लागे
न चक्कर लागे
कचेरी रा हाकमां री कुर्सी रे
ज्यूं के बदलाया है

लोग अर व्हांका चेहरा
व्ही अणचीत्या तूफान मे
पण ओ काई
भरपा दोपेरा पढ़णी घुंन्ध
गेरो अन्धारो
चालणी लूट, चारुं छूट

मियानो कुण देव ?

□ दूर्वासिंह काठात

जेठ री धू धू करती
'सू' मांय तपै,
घोटी सू एही ताई पाणी भरै
जाणे स्वांत बूंदों भरै ।
घणैरा फागण आया अर गया
पण
धूपरों री घमरोळ
अर चंग मायै थाप
रै सायै
भिरकणो कद भूत्यो ।
सिन्ध्या वेतों पर पूरै—
अर देखै
वा पाणी पो भूय बुसाती भरवण
पण
कुछ्ळाट करता भूछा टाबर
घातै हिवदा
रै खेप
मंतोष री गुटकी दै ।
अस्यो सन्तोष अर राबर
आकास-याताळ मांय
नी दीसै ।

जाणै उण रा सेतों मांय
 संतोष नीपजै,
 क्रान्ति री ठोड
 गाँधी रा
 आखर उगै ।
 सेती सूखै
 धन चूकै
 घर-बार बसै
 पण ओ लाडलो
 साबरमती रा
 'राम-राज' रा गीत गावै ।
 वो किण रै आगै हड़ताल करै
 वो किण रै आगै माग करै
 वो किण रै आगै परदेरसण करै
 इण सवालौं रो मियानो
 कुण देवै ?

पंखेरू

□ ज्ञानसिंह चौहान

मुणज्यै भाई सांची वातां,
कान लगाज्यै काठा ।
गरज पड़ै तो हलबो हलै
नी तर कोरा रोठा ॥

बोल्थो बोल्थो'रे पंखेरू मनमोजी बोल्थो ।
बोल्थो बोल्थो रे सयाणो मतवाळो बोल्थो ॥
मतलब मीठो, स्वारस्य गांचो,
गरज गूजरी बोले ।
मोकै मोकै मूडें ताळा,
'निछमी' मूडो गोलै ॥

बोल्थो बोल्थो रे...
बोल्थो बोल्थो रे...
दही दूध माखण रो लोभ्यो,
'कान्हो' नाचै गावै ।
जूण बदळतां जुग जुग जावै,
धूणी घणा तनावै ॥

बोल्थो बोल्थो रे...
बोल्थो बोल्थो रे...

बल द्वारे बावन बण बोल्यो,
 "नान्हो कान्हो द्वारे ।"
 गरज नही मुख फूल्ये बोलै,
 "काम कंई है थारे ?" ॥

बोल्यो बोल्यो रे...

बोल्यो बोल्यो रे...

माखण बाँटघो, ग्वास्या भेळा,
 खम्या खेंखरा, नाच्या भेळा ।
 मुण रे कान्हा कान लगाव्यै,
 भारत में कद भेळा ॥

बोल्यो बोल्यो रे...

बोल्यो बोल्यो रे...

दूजां नै ओ 'दूदो' दासै,
 तिल रो ताड़ बणावै ।
 काँख उघाड़ो भैरा भाई,
 हाथी गोता खावै ॥

बोल्यो बोल्यो रे...

बोल्यो बोल्यो रे...

मूखो बांढ्यां पाटी सूतो,
 घाप्यो जगत जगावै ।
 मूख पत्तीनो देय बणावै,
 घाप्यो आग लगावै ॥

बोल्यो बोल्यो रे...

बोल्यो बोल्यो रे...

नेम घरम मूखां रै पांती,
 घाप्यां रै गळियारा ।
 साँचै काळिख, रंग्या मिलै है,
 घाप्यां रा अणियारा ॥

बोल्यो बोल्यो रे...

बोल्यो बोल्यो रे...

साँच लबरका पैर्यां डोलै,
झूठ 'सूट' में सोवै ।
नहीं साँचनै चणा चबीणा,
झूठ जलेबी खावै ॥

बोल्यो बोल्यो रे...

बोल्यो बोल्यो रे...

मै'ल माळिया माल मलीदा,
दो 'नंबर' री यारी ।
जळक जळक झाँकै झूंपी सू,
छरी कमाई धारी ॥

बोल्यो बोल्यो रे...

बोल्यो बोल्यो रे...

नीर छीर मतळव रा बेली,
तप आयां उठ जावै ।
साँची बातां तीखी तीखी
मोर पाँघ यू गावै ॥

बोल्यो बोल्यो रे...

बोल्यो बोल्यो रे...

अजूबो

□ मगरचन्द्र दवे

कित्ता अजूबा होवे है ए लोग...!
घोर ने केवे
तू घोरी कर
कुत्ता ने केवे
सावचेत हो'र भूंकतो रीजे
ने, रखवाळिया ने केवे—
चेत'र रीजो—गड़बड सुणीजे है...!

वूआल्डी ने केवे
डोसी छूसट है...
बाबा आदम रे जमाना री वार्ता करे
आको-दिन गाडियोडा मुर्दा उखाडे
आगे ही जाय'र सासु ने बतळाये—
बीदणी ने लाज-शरम कोनी
बडा-बुजुर्गा री मे
की नी समझे...
गांवठा री रीत-भात सु तो—
उण रो की नी लेणो-देणो...

कैसा होवे है ए लोग...!
जिण नै—

मिनख-मिनख ने लड़ावण में इज—
आपन्द आवै !
घर उजड़ता देख
वाँ री छात्‌याँ ठंढी होयें...
कित्ता अजूबा होवे है ए लोग...?

थांरो सूरज तूई उगाव

□ वासु आचार्य

इंयां-किंयां पार पढ़ेला
नीं पढ़ेला
उखड़ जायला
म्हारा भायला
जमणे सुं पैली ही पग ।

थोपी थाप्यां रे बिसवास
फुरण्या फुलायां
डोळा धुमायां
भोर भवारां ताण्यां
सपर चपर जीभ चलायां
कोई चोळको नीं हुवेला

उखड़ जायला
म्हारा भायला
जमणे सुं पैली ही पग

ईं खातर
जे आवै ऊगणों
मंजस भाषे
आवै पूगणों
तो फूल पत्ता डाळयां सुं पैली

बीज कानी निजर पसार
बीरी पीढ़ जाण पिछाण

ईं खातर
हिये मे ठावस
माथे में मजबूती धार
सुणनी सबरी
करणी मनरी
माईतां री हयं सीखरी
बाँध गांठड़ी
पैर पगरखी
वार निसर

तन उठीकै—
गाँव—
गाँव री पगढान्दयां
काटां भरिया जाँ रा रस्ता
बे झूपड़ल्यां अर बे ढाण्या

निजू आशा मति भरोसै
नूँई चेतणां
तू फैलाव
बमूजै भरियँ आभै में
पारो सूरज तू ही उगाव
पारो सूरज तूँई उगाव

थे

रूपसिंह राठोड़

हैं...तो
दूध रो दाज्योड़ो
छा नै
फूंक-फूक नै पीऊं
एक से हो
कै बल्लै पर
खूण और बुरको
इण यास्तै—
कै हूँ सदा—
इस्योई लादू—
नै मरुं नै जीऊं ।
हूँ नी जाणतो—
कै—आ पांगळी डाकण—
धरकां नै इज खासी
सांप रा पग—
अलाय इज जाणै—
म्हाने के बेरो हो—
रे कंकड़ै मां—
इंढा दे जाळ मां ।
खैर ! कोई बात नीं—
टके री हांडी फूटी—

गंडक री जात गई—
महे तो इस्याई लादांना
यारी इज बात गई ।

कित्ता कांड्या हो ये
खुद इज फंसाय
जमानत बी लेल्यो
उणासूं—
पुचकारो बी ये
अर जरको बी देल्यो ।
चीमटाऊं रौकणियो
भैख बदलण मा
ये हो पूरा भांड
म्हाने तो मौत
ऊपराऊं पडघाई कोनी मिले
कै पारी
पाटहैऊं पडताई
होज्या नानी रांड ।
कैबा नै तो
ये हो
लिछमी रा पूरा
पूत—
अकल रो
दिवाळो निसरग्यां
दीसै
ये ग्यावाळा हो
जूत ।
कित्ताक रोवै
टाबर टीकर—
कित्ताक रोवै
नार अभागण
जिका नाथै
पारै मिर-माटी गारो
मरज्यावो नाक डबोर
दकणीं भा—

घरख है
 पारो मिनख जंवारो ।
 पारै हियै री
 कयां फूटी—
 इव मोत पारै सिर गाजै
 कै सायरों ठीक इज कैयी
 मोत आयो गादड़ो
 गांव कानी भाजै ।
 बीजूं बी
 म्हे गयी गैलनै
 देद्यां—
 जे—ये—ल्यो
 आनै री सुद
 नी—तो
 ल्याबैला कागला हाडी
 माचैलो
 इस्पो जुद ।

मैं अवीजी चढ़ रखी हूँ...

□ मण्डलदत्त व्यास 'पथिक'

रुंघ
थारे ग्यान रो
ओ !
पसरियोहो आर-पार
लोक-परलोक
दिगदिगन्त (व्यास कुंठ)
जिणंरी छाँव नीचे
निपजती ही जारयी है
करुणा भूयोही कूँपळां
फूल साहित रा रंगीला
जूनें जुग री जाजमा नें
सटक नें
नुवी मसनद फी बिछावती
इण छाँव नीचे सें मिळै है ।
अर म्हें,
बेलढी लढपड़ावती
जह पड़ी
लिपट नै
ऊँची चढ़ण री चाह लिया
उग रखी हूँ ।
फूल री फाटी मुँ'फाड़ा

कूपळां नुवी नुवी है
तात रा बाहु लचीला
खुरदरे घारे तणे पर
सिरकती बळ खावती
म्हें अभीजी चढ़ रयी हूँ ।

सीली झील

□ प्रेम बोलावत 'पंछी'

बाद बाघो बूट'र
हमेस धुव जावै है झील री छाती मं
जरूरी तो नीं है हर नाव रै बास्ते
एक किनारा रो अस्तित्व ।
मत मोवो !
झूठा बायदां रा चिनार
कै अबै इण गूगी झील म
कोई जुवार नीं है ।
तूटबा सूं पैली
थकीज्योही सहरां इण भांत कह्यो कै—
सीळा सांसी री चिणगारियां इज
घणी नीं है
अघजळपो सिळो जळाबा नै ।
पण
अनाप मजबूर्यां रो
एक ही कांटो घणी है—
जिदगी भर हंसबा हलाबा नै ।

एक कविता

□ नमोनाथ अवस्थी

ज्यूं ज्यू बड़ै है मिनख ऊपर
कम होवै है ठोर अर
छावण लागै है ज्याहं मेर सू संधर्ष,
अगाड़ी होवै है देखण हाळा रो फिकर
अर पड़दा रै मांय सू
उफणै है डरावणी खबरां ।

मिनख कई बार
झूठा सांच सू डर'र भागै है ।
पण सनमान अर जिनगणी री एम्पासी
धाम सेवै है बीं रो हाथ—

जद मन पैसी बार,
जाण सकै है क
टैम घणो पोहो है अर काम ज्यादा ।
इण चाल धूक में
नी तो बो सोवै अर नी किणी नै सोवण दे ।

इण ठोर सू ई
अेक पगडण्डी मुहं है
जठै मिनख
अेक चतुर बैरुपिया री नार्ह सागै है ।

મનહો

□ કૈલાશ 'મનહર'

આંસૂ આસૂ ભીજ્યો મનહો
દરદા દરદાં છીજ્યો મનહો
મૌત ભાયલી આય મિલે કદ ?
જિનગાની સૂં છીજ્યો મનહો...

રાતાં રાતાં રોવે મનહો ।
બીજ પ્યાર રો વોવે મનહો
કોઈ તો હિમલાસ બંધાવે
,વાટ જિણા રી જોવે મનહો...

ધિચગ્યો પારે માંઈ મનહો
બુરી કરી છી કાંઈ મનહો
મરવા ને છી પ્યાર આપહો
દેહો પારે તાંઈ મનહો...

जेठ-वैसाख

□ चमन बी० राव

बीजण चमकसी
सूरज मे,
बूढण पाणी—
परकास ।
टपकै बूंद-बूंद तन स
क्यू लागै
पिव प्यास ।

एक च्यूटी तावड़ी

□ रामस्वरूप परेश

कुण बखरी

तामळी-सा आगणा मे

एक च्यूटी तावड़ी

त्रिनयानी बांदे अठे दूदी

सो जेज री जूती करे गुंदी

गूळं चिपरी उजळी किरण

आगुवा मू पांपरे अंधारी डावडी

एक च्यूटी तावड़ी

मिन गुंवा गाभा बदळले अपणेत

माणवो दे घनेरा प्रीत रा उपदेश

एवढ-छेवढ मिनव मोकळा

पण मिनव रे बीच सागू आवडी

एक च्यूटी तावड़ी

छिपकल्यां रो डर घनेरो घंर

इजगरा रो घोळियो ठं पंर

वायरा रं सागं सागं घाल

हिपारी सो गळपां कर तावड़ी

एक च्यूटी तावड़ी

धारणा पर मंडरधा उड़ता मोर
 आंगणा में सुखरधा डाकू-चोर
 आखरी रा बदल गया सँ अरथ
 मांगखा नै तोल बदल ताकड़ी
 एक च्यूंटी तावड़ी ।

जेज री डोळी मतां डाकै

जेज री डोळी मतां डाकै ।
 प्रीत री पोळी मतां डाकै ।

चाँद सँ घूळ तू ल्यायो
 समदरां सुण ही पायो
 जमी सँ से गिगन ताँई
 निस्फळ तू मतां पाकै
 जेज री डोळी मतां डाकै

जमी पर पग जमै कोनी
 गिगन मे तू धमै कोनी
 मुरग नै तार म्हे ल्यास्यां
 अणूंती बात मत भाकै
 जेज री डोळी मतां डाकै

कठै इतियास तू बगरपो
 कठै भूगोल तू भगरणो
 किणी रे घाव नै सीता
 के घारी आणळो पाकै
 जेज री डोळी मतां डाकै

ઘુસી રા ઘૂંજિયા રીતા
 દદં પળ લાઘ બળચીતા
 તૂ માંઠે માંઠણા કૂઠે
 ચીક મે ધાપઢપાં ધાપે
 જેઝ રી ઢોઢી મતાં ઢાકે

मरुधर बीच

□ रमेशचन्द्र शर्मा 'इन्दु'

बादल पाणी दे या ना दे यहाँ पाणी तलवासां मे ।
रही जवानी सदा उफणती मरुधर बीच कटारा मे ॥

भूखो नाहरियो मर जासी, पण मांग जुगाळी कोण करै ।
चातरुढो प्यासो मर जासी चूच तलावां कोण धरै ॥
राज-धली रो रगत अस्यो रे, आख्या पाणी कोण भरै ।
जुग जुग पड्या अकाळ घणां पण मूछ्या नीची कोण करै ॥
कै बैरघा रो रगत पियो कै कूद पड़्या अंगारा मे ॥
रही जवानी सदा उफणती...॥

घोघा बाप्पा, कुम्भा, सांगा, अण घायां जुग भीत लड्या ।
गोरा-बादल, दुर्गा-दादो बूद रगत तक लड्या भिड्या ॥
छपना भोग तज्या म्हेला रा, अपणां हाथा जोर करघो ।
चूडावत नै हाडा राणी सीस काट नै सुंप दियो ॥
मेवाड पती (राणा) रो पाणी कोनी मायो नही नाळा मे ॥
रही जवानी सदा उफणती...॥

घिरघा विपत रा बादल मुड मुड सत री बाट तजी कोनी ।
जीवन दान दियो जुग जुग नै मागी भीष कदां कोनी ॥
सदा लोहडो गळै लगायो, सोना री आस करी कोनी ।
देई राम सो लई बाजरी भाता री बाध भरी कोनी ॥

मात पालनै मरण मिछायो भगणो कौण हजार मे ॥
रही जुवानी सदां उफणती... ॥

घणा छून री नद्या भवाई, आज पसीनो भावैला ।
सूछा रेतं रा टीबा मा गीदा धान उगावांला ॥
भार रा राग घणा गाया, फमळा रा गीत सुणावैला ।
जुग-जुग रो साथ सदां दीयो या जुग री साथ निभावैला ।
भुज-दण्डा रो जोर करां भायां गंगा मरु-सारां मे ॥
रही जुवानी सदां उफणती...॥

गीत

□ रामनिवास सोनी

चाल अगाड़ी चाल बटाऊ घने चालणो पड़सी ।
हिम्मत हारपी नहीं सरेला थारी जूण मुघरसी ॥

मारग रे कांटां भूटी री करले नेक पिछाण ।
मुख रा साथी मिले मोकळा दुःख रा हेत अजाण ॥
जीवन लांबो छेत उमर भर घने साटणो पड़सी ॥
चाल अगाड़ी... ॥

जमी उगाळी आग गिगन सू बलझळ चीरा उपडे ।
मोटा टोळ करे अरड़ाटा मौत मानवी झकड़े ॥
भाग भरोसे रे मत भोळा पीढ़ बांटणो पड़सी ॥
चार अगाड़ी... ॥

बपू आकासी निजरी ताके छोड पराई आस ।
स्वाती बूंद ओस रे टपकं किर्या बुसेना प्यास ॥
प्रीत पुराणी पय कंटीलो पके काटणो पड़सी ॥
चाल अगाड़ी... ॥

आदमीं अर आदमीं

□ मोहम्मद सदीक

आदमीं रँ आदमी झंरुटिया भरँ ।
चूँट सेवै चामड़ी चरुटिया भरँ ॥
घीच सेवे खालड़ी भंरुटिया भरँ ।
म्हारे म्हारा आदमी झंरुटिया भरँ ॥

रुपां-रुडो मानखो तो सामने भरँ ।
काची काची कूंपळां सै ऊगती डरे ॥
कून्गड़े ज्यूं आदमी अकूरड़ी चरे ।
माटी रा गिलूणा अठ्ठे टूटिया करँ ॥

सागी देख साय जठ्ठै लोणड़ा डरे ।
फूसका रँ डेर मायँ आग बयूँ घरे ॥
हीये मो लो घाय किसी वातस्यूँ भरँ ।
आसरो उजास बठ्ठे रुठिया करँ ॥

दूँठे हाळी ठोढ़ किसी भींभरां झरे ।
बाकेरो बघाण किसी पीढ़ ने हरँ ॥
हाजमा-हजूर पारे आदमी जरँ ।
पीड़ा ने पळोस पाछे सूटिया करँ ॥

जामणी रा जाया हाथ खून स्पूँ भरै ।
 लोई रो तळाव देख पाळ रे परै ॥
 काळजे मे हूक उठयां नैण तो झरै ॥
 हीणे हाथा आरसी जे छूटिया करै ॥
 पाणी रे पतासे नाई फूटिया करै ॥''

रोजीना रामा'ण

सूने-सूने पीजरे रा खाली खाली खण है
 भोळं भोळं चेरां माथे
 दुखड़ां रा वण है ।
 घूघरां मे गूंज कोनी
 कोरी भण-भण है ।
 बांझडी ने बेटा अर-हीजड़ां रा गण है ।
 सूने-सूने पीजरे रा खाली खाली खण है ॥

आसा री उठार म्हारो
 आकासां मे छा'री है ।
 माड़ी नीत आदमीं री
 आदमी ने छा'री है ।
 लागे जाणे फीफरां में
 सांस जम्मी जा'री है
 भूवाजी भल्लार म्हारे
 आंगणे मे गा'री है
 रोजीना रामा'ण अठ्ठे पग-पग रण है ।
 बोले जिकै मूँ माथं मोटा-मोटा घण है ॥

काधरो है कातरो—रे
 ध्यान राख घात—रो
 फाट देव दूध ओ तो
 आदमी री जात—रो

योड़ो-घणो मोल करं
 सामलें री लातरो—
 बाजरी रा सिट्टा कोनी—सांपलां रा फण है .

घोळी घोळी वातां बिच्चे
 काळा काळा तिल है
 घोरा हाळी घरती माये
 सांपलां रा बिल है ।
 काळजे री ठोड़ अठ्ठे
 खाटू हाळी सिल है
 कीटी ने तो कण कोनी—हापीड़ां ने मण है ।
 कामघेनू कोनी इरा छाली छाली घण है ।

मिलण री बेळा आई रे

□ बुलाकीदास बावरा

आज मिनख रे माथे माथे पाग सवाई रे ।
मिलण री बेळा आई रे ।

दबियोड़ी ही ओग रेत स्यूं ।
दुवक्योड़ा हा ताळ;
इण विघ आघी आई ही
कै जीणों हो बेहाल;
पण बीती बा रेंण, प्रभाती राग सुहाई रे ।
मिलण री बेळा आई रे ।

आशा रे इण तम्बूरे रा
कसबा लाग्या तार;
घडी हरख री पूठी आई,
दुःख नै दिवो विसार,
आयो रे जनराज, मना री करो सफाई रे ।
मिलण री बेळा आई रे ।

क्यूं करहांवण करै सावणिया ?
धारी बीती मार;
नाळपा स्यूं परणीजै मुरवा,
धारा दिनड़ा चार;

धमक उठयो नहरया रो पाणी, अम्बर ताई रे ।
मिलण री बेळा आई रे ।

तू मालक धारी मेहनत रो,
धारी किसमत आला;
तुंवो जमानो धारै घर में—
करै जस री माळा;
रगड़ा-झगड़ा छोड़, उठो सै लोग लुगाई रे ।
मिलण री बेळा आई रे ।

चलट धूँघटो वा बोलेली,
बळघां ने दो छोड़;
छुक-छुक करते टेक्टरिये स्मूँ
सेवो नातो जोड़;
मिट जाती सो लोई-चूमो, धणी कमाई रे ।
मिलण री बेळा आई रे ।

बीज घणा रे, खाद घणो है
धारी हिकमत नाचै;
इण माटी रे हाथी माये
कुदरत मैदी राचै;
धारै आगण सुगनी नाचै, साख सुहाई रे ।
मिलण री बेळा आई रे ।

ठिकाणां लेखकां रा

अर्जुनसिंह 'अरविन्द', काली पलटन रोड, टोंक ।
 अर्जुनसिंह शेखावत, प्र० अ०, उ० प्रा० विद्या० फालना गांव, पाली ।
 ईश्वरसिंह कुलहरि, प्र० अ०, रा० मा० विद्या० डांडण, सीकर ।
 डॉ० उदयधर शर्मा, प्र० अ०, रा० मा० विद्या० बड़वासी, झुंझुनू ।
 ओमदत्त जोशी, स० अ०, रा० मा० विद्या० बाघसूरी, अजमेर ।
 कल्याण गौतम, डिगल साहित्य सदन, चौतीना कुवा, बीकानेर ।
 कुन्दनसिंह 'सजल', स० अ०, रा० मा० विद्या० पाटन, सीकर ।
 कैलाश मनहर, स्वामी मोहल्ला, मनोहरपुर, जयपुर ।
 गिरधारीसिंह राजावत, रा० मा० विद्या० कोतिया, नागौर ।
 चमन घी. राव, म० अ० रा० मा० विद्या० कानोड, उदयपुर ।
 जयसिंह चौहान 'जौहरी', जौहरी सदन, कानोड, उदयपुर ।
 दीपचन्द सुधार, रा० उ० प्रा० विद्या० नं० १, मेडता सिटी, नागौर ।
 हर्दासिंहकाठाल, व० अ०, रा० उ० मा० वि० देवगढ मदारिया, उदयपुर ।
 नमोनाथ अवरथी, ख. वैश्य प्रा० वि० हीदा की मोरी, रामगंज, जयपुर ।
 नन्दकिशोर चतुर्वेदी पो० पाछुन्दा, बाया बेगू, चितौडगढ ।
 डॉ० नृसिंह राजपुरोहित, पुरोहित कुटीर, पाडप, बाडमेर ।
 प्रेम शेखावत 'पछी', पो० नामल कोजू, बाया इटावा भोपजी, जयपुर ।
 श० ना०कौशिक, प्राचार्य, विद्यापी शिक्षण महाविद्यालय, श्री गंगानगर ।
 ब्रजलाल स्वामी, रा० उ० मा० विद्या० मालारामपुरा, श्रीगंगानगर ।
 बुलाकीदास 'बाघरा', सूरसागर के पास, बीकानेर ।
 भगवतीलाल व्यास, व्याख्याता, तिलक टी. टी. कॉलेज, डबोक, उदयपुर ।
 भोखालाल व्यास, राज० मा० विद्या० अजीत ।
 मगरचन्द्र दवे, स० अ०, रा० मा० विद्या० हरजी, जालौर ।
 मोठालाल खत्री रा० प्रा० विद्या० सांडवाव, जालौर ।
 मुरलीधर शर्मा 'विमल' रा० मा० विद्यालय, मेडता शहर ।
 मोहम्मद सदीक, रानी बाजार, बीकानेर ।
 मंडलदत्त व्यास, रा० उ० प्रा० विद्या० नं० २, मेडता सिटी नागौर ।
 हर्पासिंह राठोड़, स० अ०, रा० उ० प्रा० विद्या० बास घासीराम, झुंझुनू ।
 रमेशचन्द्र शर्मा 'इन्दु' रा० उ० मा० विद्या० घोह, बाया खेरली, अलवर ।
 रामनिवास सोनी, भगतजी की पोल, मेडता शहर, नागौर ।
 रामस्वरूप परेश, पीरामन उ० मा० विद्या० वगढ, झुंझुनू ।
 रामेश्वरदयाल श्रीमाली, प्र० अ०, रा० मा० विद्यालय, जवाली, पाली ।
 लेखराम सोनी, रा० उ० मा० विद्यालय, मालारामपुरा, श्रीगंगानगर ।
 धामु आचार्य, बाहेती चौक, बीकानेर ।
 इयामसुन्दर भारती, रा० उ० मा० विद्यालय, गुडा बाबोतान, जालौर ।
 श्रीनन्दन चतुर्वेदी, १४/३१६, वजाज ग्याना, डाकोतपाड़ा, कोटा-६ ।
 सांवर बड़पा, जेल रोड, बीकानेर ।
 सुरेन्द्र अंचल, रा० उ० मा० विद्या० भीम, उदयपुर ।
 सुरेश पारीक दशिकर, स० अ०, रा० मा० विद्या० हुरडा, भीलवाड़ा ।
 नार्नासिंह चौहान, व० अ०, रा० उ० मा० विद्या० टाडगढ़, अजमेर ।

